







Complect

36415/A

F. III


17/m

MEN 30 (Antoine)

~~W. H. C. P. ...~~
~~...~~

Librij Iris Rajamundi
Barba

Menijot. Autor.



LIBRARIAM
BIBLIOTHECAM

HISTORIA ET CIVITAS

REPUBLICAE ROMANAE
PATRIBUS

DE ROMANIS

DE ROMANIS

DE ROMANIS

DE ROMANIS

DE ROMANIS

DE ROMANIS

DE ROMANIS

DE ROMANIS

DE ROMANIS

DE ROMANIS

DE ROMANIS

DE ROMANIS

DE ROMANIS

DE ROMANIS

DE ROMANIS


DE ROMANIS

DE ROMANIS

DE ROMANIS

DE ROMANIS

DE ROMANIS



5130

FEBRIVM MALIGNARVM

HISTORIA ET CVRATIO.
ACCESSERVNT DISSERTATIONES
PATHOLOGICÆ.

De Rheumatismo.

De bombis aurium.

De Catalepsi.

De Incubo.

De spuria convulsione & spasmo Cynico.

De Delirio in genere.

De Paraphrosyne.

De furore uterino.



PARISIIS,
Apud GASPARVM METVRAS, viâ Iacobâ,
sub signo SS. Trinitatis, propè Maturinenses.

M. DC. LX.

CVM PRIVILEGIO REGIS.

*Attextas Dissertationes integra
subsequetur Historia Pathologica,
si viris eruditis Sæpæ arriserit.*



FEBRIVM
MALIGNARVM
HISTORIA
ET CVRATIO.

IN morbis quatuor spectanda veniunt, essentia, magnitudo, motus & mos. A morborum essentiâ petuntur eorum differentia, cûm genericę, tûm specificę. Magnitudo grauitatem leuitatemve morbi includit. Ratione motus dirimuntur morbi in acutos qui laxi habent ad terminum properantes, aut citam mortem, aut lætam victoriam afferunt; & chroni-

4 FEBRIVM MALIGNARVM

cos qui testudineo passu suum e-
metiuntur stadium, instar indicis
horologici cuius motus percipitur,
non dum fit, sed dum factus est.
Morbi demùm à more diuiduntur
in εὐθεῖς benignos, bene moratos;
& κακῆθεῖς malignos, male mora-
tos, quanquàm apud plerosque Ve-
terum, referente Galeno, τὸ εὐθε-
ρεον idem sonet quod κακῆθερεον
antiphrasticâ scilicet vel ironicâ ap-
pellatione; quomodo grauissima
quædam febris species nominatur
ἡπίαλος; ac authore Plinio; herba
nihil habens in se non mollissimum
ὀλέρεος dicitur, & γλυκέα fella vo-
cantur Græcis, & ὀρθόπνοια difficilli-
ma respiratio, nomine per sensum
contrarium imposito, si Aureliano
credatur.

Vocabulum autem κακῆθεῖς à re-
bus moralibus ad medicas transla-

3. prot.
rhet. 6.

lib. 27.
cap. 10.

l. 3. tard.
pass. c.
1.

HISTORIA ET CVRATIO. 5

titium est : nam quemadmodum dantur homines ingenij peruersi, & ab humanis moribus degeneres, sic morbi incidunt nequissimæ ac perditæ indolis, & qui insolitis symptomatis à cæterorum eiusdem speciei affectuum conditione alienissimi sunt: verbi causâ, febris ardens non dicetur maligna, quæ calore devrente, siti præsigni, lingue asperitate, corporis dysphoriâ, iugibus vigiliis, reliquorumque asfuetorum symptomatum examine stipabitur; sed si inusitata accidentia circumsteterint, vt horrores inordinati, comata, lypothymia, pulsus intermittens, virium prostratio *παράλογος*, aliaque signa *επιγενή* inferiùs declaranda, causum iam non simplicem & ordinarium; sed malignum & insolentem vrgere indicium est.

6 FEBRIVM MALIGNARVM

cap. 7.

Author igitur definitionum Medicarum quæ Galeni operibus inferuntur, nouem ex Hippocrate recensens morborum ideas, morbum malignum ab acuto, à periculoso, atque etiam ab exitiali aptissimè seiunxit. Nam suffocanti catarrho, apoplexiæ, tetano, aliisque innumeris passionibus magnis, acutis, discrimine plenis malignitas ignota est, nempe vera & propriè dicta; *Craxentis* enim apud Hippocratem latissimè interdum funditur, nihilque aliud est quàm prorsùs exitiale, aut saltem ærumnosum.

Non videtur Galenus maligni morbi naturam sat rite explanasse: Nam lib. 3. de crisibus, speciem, magnitudinem, motum & morem morbi figillatim quidem considerat, sed malignum cum periculoso ibidem confundit; Sic lib. 4. Meth.

HISTORIA ET CVRATIO. 7

docet febres in biliosis corporibus inediâ malignas reddi, id est aciores & vehementiores, vbi febris morem sumit pro eius magnitudine. Alibi malignos morbos vocat qui periculum vitæ minantes, spem tamen salutis non abscindunt; quasi verò maligni morbi promiscuè haberi debeant cum ἀμφιλόλοις per quos ambigentibus signis salutis & mortis, Medici ἡμισέλπιδι herent inter dubiam spem & certum metum; cùm nec omnes morbi ancipites sint maligni, vt pleuritis, peripneumonia; nec omnes maligni sint ancipites, vt elephantiasis, syphilis. Galenus denique morbos malignos nonnunquam appellat qui præfidiis decenter administratis morem non gerunt, quo sensu rebellantia vlcera nuncupantur maligna lib. 4. Method. At contra,

8 FEBRIVM MALIGNARVM

in Co-
asis.

tophaceam podagram nemo malignam dixerit, etsi nulla audiat remedia, & hydrops curationi cedens, iterumque rediuiuus apud Hippocratem deploratus est, nequidem suspectus malignitatis; sicut ex aduerso, nonnulli è malignis morbis sortem habent medicabilem.

cap. 7.

Plerique morbum benignum exponunt qui palàm, malignum qui furtim grassatur; seu cum Galeno in definitionibus putatitiis, qui potestate magnus grauisque est, *καταστροφική* autem, hoc est in specie, imbecillus, nec certa habens iudicationis tempora. Idque probant exemplo febrium quę personatę prodeunt, & eментitâ probitate fucatæ, paulò post verò velut detractâ laruâ, immanitatem suam inexpectatis symptomatis patefa-

HISTORIA ET CVRATIO. 9

ciunt. Sed malignum morbum sepe quidem, at non semper atque necessario dolose se gerere experientia comprobat: Nam ut silentio prætereamus maleficos morbos aspidis, exempli gratiâ, ac viperæ morfu illatos statim, & aperte furere, permultas febres male moratas quotidie obseruare est, non molliter ac insidiosè surgentes; sed præmature terrificæ depromentes symptomata, moxque ab ipsâ, ut sic dixerim, infantiâ *νεανίσκος* infestantes, præter ordinem cæterorum morborum quorum initia, inquit Hippocrates, remissiora 2. Aph.
30. sunt.

Meliùs igitur morbi maligni à priori definiuntur, qui à venenatâ qualitate suam fortiuntur originem; vnde etiam *Μερόδες* indigittatur, metaphorâ à feris desumptâ,

IO FEBRIVM MALIGNARVM

r. de
cauf. &
sign. a-
cut. 7.

non simplici sed virulento vulnere
lædentibus. Nam authore Aretæo :
Infinita eorum quæ homini insunt, eam-
dem habent speciem cum causis exterio-
ribus : corrumpentes succi ut extra sic
intra corpus reperiuntur, nec desunt
morbi pharmacis deleteriis assimiles,
quandoquidem per febres talia sæpe-
numero vomuntur, qualia assumptis
venenis rejci solent : quocircà haud im-
merito à quibusdam existimatum est in
pestilentia Atheniensi impura medica-
mina in Piræi puteos à Peloponnesibus
fuisse coniecta : homines enim pestilentis
morbi cum lethalibus medicamentis si-
militudinem non callebant. Hæc Are-
tæus. Sic anno Urbis conditæ 420.
à matronis Romanis venenorum
coctione pestis Romæ fertur con-
citata.

Ideoque falluntur qui eminen-
tissimum cuiusvis qualitatis gra-

HISTORIA ET CVRATIO. 11

dum veneni nomine donantes, malignum morbum vocitant ab extrema ac extrema putredine prognatum; hinc enim sequeretur febres flagrantissimas semper fore malignissimas, atque adeò elementa ipsa esse venenata, quia supremis armata qualitatibus; ac proinde plausibilius multò ex effectis venenorum truculentia respondentibus licet coniicere venenum actu subesse, inexplicabili totius substantia dissidio *καρδιόλογον*: ipsimet qualitatum occultarum improbatore, qui tanquàm ex abyssis naturæ nuper reuersi nihil ignorare videri volunt, dum putredines deprehendunt foedissimas cordique proximas, non malignis; sed lentis dumtaxat febribus consociatas, vt puris pulmonumque graueolentiam in Empyemate inueterato ac

12 FEBRIVM MALIGNARVM

phthisi consummatâ ; isti, inquam, Lyncei Philosophi fateri tamen adiguntur incompertum esse & gradum & modum deterrimæ illius putredinis quæ malignarum febrium, vt mordicûs ac præfractè tuentur, vna genitrix est.

Concludamus ergo febres malignas quâ febres à putredine, quâ malignas à veneno pendere: Mera etenim putredo, vtut excellens fingatur atque sordida, febrem simpliciter putridam ac intra primarum qualitarum cancellos limitatam parit, quamquàm insignem, nec rarò exitiosam. Venenum quoque si efficax fuerit, absente putredine, iugulabit quidem, verùm absque febre vt in hydrophobiâ ac peste ἀνυπερῶ, de qua si fides derogetur oculatis Medicis inter recentiores celeberrimis Hippocrates

HISTORIA ET CVRATIO. 13

30. Epid. & Galenus 9. simpl. aduo-
candi sunt. Prout autem in febr-
bus malignis putredo qualitati ve-
nenosæ, qualitasve venenosa putre-
dini antecellit, ita symptomata
exurgunt, aut propriæ febrium es-
sentiæ accommodata, etsi seuerio-
ra vel clementiora pro intensi-
one vel remissione putredinis; aut velut
in *πεφαρμαγμένοις* enormia penitus
atque monstrosa, quorum ratione
febres malignæ rectè à posteriori
definiri possunt, quas seueriora
quàm pro earum consuetudine co-
mitantur accidentia: indeque fit vt
ad illarum therapiam non modo al-
terantibus opus sit ac vacuantibus,
vt in mere putridis; sed & cardiaca
vsurpentur ad cordis tutelam, &
alexiteria, quæ abditâ antipathiâ
venenatam qualitatem conte-
rant.

f. 3. p.
25. &
35.
cap. 7.

14 FEBRIVM MALIGNARVM

Cum itaque ad ὑπαρξιν febrioni
 malignarum, venenum vnà cum
 putredine concurrat: quæret forte
 quispiam, vtrum venenum sit pa-
 rens prolesve putredinis? Respon-
 demus primò venenum quando-
 que progigni corruptis solummo-
 do, non putrefactis humoribus:
 Nam generatio vnus est quidem
 semper corruptio; sed non necessa-
 riò putrefactio alterius, ac corru-
 ptio latiùs patet quàm putredo;
 Elemèta siquidem in μεταστοιχείωσι,
 (saltem si detur talis, vt loquuntur,
 transelementatio) corrumpuntur,
 non putrent quia homogenea: vi-
 uentia intereunt sine putredine,
 nec mixta omnia inanimata in sui
 dissolutione putrescere necesse est;
 sic alimenta in chylosi, chylus in
 hēmatōsi, sanguis in homēosi, nec-
 non in feminis lactisque elabora-

HISTORIA ET CVRATIO. 15

tione destruuntur, & tamen putre-
 dinem propriè dictam minimè sub-
 eunt. Huc pertinet quorundam
 animalium metamorphosis, &
 plantarum seminumque *ἐκτασις*, vt
 dum Eruca in Chrysalidem seu
 Aureliam, hæcque in papilionem
 transmutatur, ocymum in serpil-
 lum conuertitur, & triticum in lo-
 lium degenerat: item corporum
ἀπολίθωσις ac in salem transforma-
 tio. Nonnulli pariter apud Gale-
 num verè quidem dixerunt acetum ^{i. simpl.}
 esse vinum mortuum; sed falsò
 sunt arbitrati vinum transfigurari
 in acetum intermediâ putredine;
 vinum enim putrescèdo non ac-
 cit, sed abit in vappam; quod si, vt
 vulgò creditur, acetum nihil aliud
 est quàm vinum putrefactum, cur
 diutiùs asseruatur quàm vinum ip-
 sum? Cur putredinem abigit? Cur

16 FEBRIVM MALIGNARVM

3. de
histor.
anim.
19.

defectam animam reficit? Præterea
testis est Aristoteles, in niue vetu-
stiore quamvis nesciâ putredinis,
vermes gigni, & quidem pilis hir-
tos ac rubidos iuxta niuis colorem
vetustate rubescentis. Igitur vbi
mixtum alteri mixto succedit, pri-
stinum mixtum haud necessariè
computrescit, sat est si corrumpa-
tur, hoc est desinat esse id quod
erat ob nouam mixtionem, & no-
uæ formæ aduentum, cui præcedens
forma loco cedit; errantque qui
mixti *διαπύκνωσις* non aliter perfici
posse censent quàm mediante pu-
tredine, quæ Aristoteli: *Corruptio*
est domestici & naturalis caloris in
unoquoque humido ab extrariâ am-
bientis caliditate. Nam plurimis aliis
modis mixti compagem dissui de-
monstrant præter allata exempla,
res destillatæ quarum fit in sua
principia

4. me-
teor. 1.

HISTORIA ET CVRATIO. 17

principia analysis, remotâ omni putredine; necnon cadauera aromatis condita, aut in Tolosano Franciscanorum cœmeterio inhumata, aut Arabiæ arenis suffocata quæ *μαρμαρι* non putredinem patiuntur. Addamus res crematas absque putredine in elemēta resolui, hæcque calore diuulsa iteratò, quandoque condunari ad nouorum mixtorum etiam viuientium compositionem, saltem si verum sit, vt Aristoteles Pliniusque tradiderunt, pyraustas in Cypri ærariis fornacibus nasci medio igne. Ex allatis ergo inferamus quemadmodum in animalibus, vegetabilibus & mineralibus, sic in homine eandem aut similem dispositionem adepto, venenum gigni posse, nullâ interueniente putredine, itavt tamen venenum istud humores deinde putrefaciat,

5. de
hist. 2.
nim. 19.
l. II. c.
36.

18 FEBRIVM MALIGNARVM

si modò febris nascitura est, sicuti externa reperiuntur venena quæ septica sunt, licet imputria.

Secundò ad quæsitum dicimus nonnunquàm contrarium contingere, videlicet putredinem causam esse, non effectum veneni, quomodò hystericarum genitura putrescendo pestifera redditur, & febres per initia benignæ, adaucta putredine, venenatæ qualitatis procreatrice vertuntur in malignas: Nam, exempli gratiâ, vix ac ne vix quidem euenit vt ea sanguinis putredo veneni sit expers quæ fibras eius siccissimas attingit, ob quarum putrilaginem sanguis vasculis admissus vt ceruorum damarumque cruor non coagulatur, vel quæ ipsius sero non parcit per se salso, ac idcirco δυσσώπλω; præsertim cum sanguis extrà venas grumescens ve-

HISTORIA ET CVRATIO. 19
neni vim acquirat, cordis deliquio,
ἀσφύξια, totiusque refrigeratione
conspiciam, ac Taurinus sanguis
venenorum decuriæ adscribatur,
eoque epoto Themistocles olim
vitâ cefferit.

Tertiò arbitramur & venenum
& putredinem seorsim & à causis
difiunctis interdum produci, alio-
quin inter vtrumque, velut inter
causam & effectum, constans ad-
esset proportio, cum tamen in fe-
bribus malignis venenum sæpe ve-
getissimum sit, ac putredo leuior,
& contrà putredo ingens ac vene-
num exiguum. Sed ista forsàn vi-
debuntur *ἐξ ἀγνοίας*, immoremur pa-
thologicis quæ ad nostram Spar-
tam.

Quemadmodum vulnera vene-
nata non aliter quàm simplicia vul-
nera, nempe vel incidendo, vel

20 FEBRIVM MALIGNARVM
pungendo &c. infliguntur: At venenositatem habent annexam quasi pro superpondio; sic τὸ κακὸν θῆκος non componit specialem febris differentiam; sed est accidens atque proprietas febribus superaddita, nec ulli earum generi addicta, itavt pro febrium malignarum diuersitate varient symptomata singulis ipsarum speciebus propria, puta aut biliosæ aut sanguineæ signa eluceant; nam hæ duæ potissimum febres malignitatem solent induere.

Verum ex parte veneni quo instructa est putredo, multò maior iterum animaduertitur, etiam in simili febris specie, symptomatum disparitas: istud enim non semper vnum idemque est; sed nunc arsenicale, nunc viperinum, nunc nappellinum aut potiùs analogum, nunc ex pluribus mixtum, nunc

nouellum & inauditum , vnde nil mirum si febres malignæ sint πολυμορφοι ac multiplici facie sese offerant. Non inficiamur quidem in febribus eiusdem speciei, etsi malignitate destitutis, absimilia etiam cooriri symptomata , iuxta aliam atque aliam patientium corporum διαφορῶσι, cum infinitæ sint indiuiduorum circumstantiæ , ac , vt ait Hippocrates: *Corpus à corpore , natura à naturâ, & alimentum ab alimento differat*: item in vno eodemque febricitante in horas fieri symptomatum μεταπλάσι, prout materia orgasmo percita hanc illamve partem petit; aut prout in dubio naturæ & morbi conflictu , modò ad illius, modò ad huius partes nutat victoria : vnde signa mox ad salutem vel ad melius, mox ad mortem vel ad deterius inconstanter

lib. de
flat.

22 FEBRIVM MALIGNARVM

apparent. Verum ista symptoma-
ta non superant captum febrium à
quibus pullulant; hícque agitur de
febribus malignis sub eâdem diffe-
rentiâ positis, quæ distinctis tem-
poribus debacchantes, signa cha-
racteristica suæ peruersitatis vix vn-
quàm similia exhibent propter dif-
crepantiam veneni malignitatem
constituentis, vt illi manifestum
fiet qui omnes malignarum ac pe-
stilentium febrium historias ab An-
tiquis ac Neotericis conscriptas in-
uicem comparabit.

Nemireris porrò nouum quan-
doque in humano sinu venenum
procreari; etsi enim specierum per-
fectarum, & à Deo creatarum nu-
merus completus sit, nec possit na-
turaliter adaugeri; imperfectas ta-
men atque deuias, vt monstra, no-
uiter fieri, ac vt in moribus, sic in

naturæ imperio inexcogitata patra-
 ri κακουργήματα & non repugnat.
 Quemadmodū rhythmī atque har-
 moniæ certā constant ratione; sed
 innumerabilia sunt vocis & fidium
 errata; Ita res naturales ordinatæ
 sunt atque definitæ, præternatura-
 les finem, terminumque nesciunt.
 Igitur non omnes morbi procure-
 runt tanquā e carceribus simul
 emissi; sed alternatim ac interiecto
 temporis spatio, impetum fecerunt
 in homines, dumque alij exolescūt,
 alij nouantur. *Non oportet*, inquit
 alicubi Auicenna, *ut negentur agri-
 tudines quas non contigit videre in tem-
 pore quodam & regione quadam; Nam
 est quoque agritudinum Epidemialium
 ortus & occasus, & omnium rerum
 vicissitudo, non tantum in morbis hu-
 mani generis, sed etiam brutorum.*
 Pro stabilienda hac veritate non

24 FEBRIVM MALIGNARVM
commemorabimus morbos ab vnâ
terrarum plagâ ad alteram compor-
tatos vt Elephantiasin Pompej Ma-
gni æuo ex Ægypto apud Roma-
nos aduectam: Mentagram quam
Perusinus Eques Romanus Tibe-
rio dominante ex Asia Romam ad-
duxit: aut Veneream Luem quæ
ex orbe Americano auorum me-
moriâ tranauit in Europam; sed in
medium proferendæ sunt affectio-
nes serò genitæ quas nulla gens,
nulla ætas antea nouerat. Harum
plurima exempla celebrauit Plu-
tarchus in symposiacis, ac impri-
mis refert ex Agatharchide circà
rubrum mare exiguos quosdam an-
gues ægrorum suras & brachia
exertis capitibus peredissee, qui ta-
cti rursùm in carnem regrediebantur,
quod morbi genus neque priùs
neque posterius contigisse vllus

lib. 8.
probl.
9.

comperit; sic non ita pridem horridus capillitij morbus Plica dictus Poloniam primùm vexauit; paucisque abhinc annis Anglicanos pueros male habet Rachitis; & quod ad nostrum hoc institutum attinet, *ἀνίσθητος* erat Ephemera illa pestilens quæ regnum Angliæ anno 1486. cœpit peruagari, & à sudoribus vbertim & assidue proruptis sudor Anglicus appellabatur; imò famosam Atheniensium pestem nusquàm antehac spectatam *au-* lib. 2.
thor est Thücydides.

At dicet aliquis: Annon venena per se sunt corpora naturalia quàm homini bellum indixerint? Annon eorum nequitia virtus inest ad magnos vsus? Annon cicuntur, solertique artificio euadunt in alexipharmaca? Annon denique multa vni animalium generi no-

26 FEBRIVM MALIGNARVM
xiosissima , alteri sunt amica , ce-
duntque in alimoniam ?

Lucret.
l. 4.

*Tanta in his rebus distantia differi-
tasque' sit*

*Vt quod aliis cibus est , aliis fiat
acre venenum.*

Quare ergo habentur inter naturæ
παρὰ φύσιν ? Respondemus rem
non esse de venenis externis quæ
mixta sunt verè physica ; At de in-
ternis, & quæ in hominum condun-
tur visceribus ; ea enim nec medi-
cinalia sunt vnquàm, nec cibalia,
verùm perpetuò *Φαρμακὰ* , ac id-
circo generantur *ἐξ ἀνάγκης*, pro-
pter necessitatem materiæ , non
ἐκ ἐνδεᾶς πλὴτος atque ex naturæ consilio,
cum finis & bonum reciprocentur.
Sed è diuerticulo ad viam.

Modò dicebamus *πλεὶς κακῶν θείας*,
per omnium febrium differentias
vagari ; febrium , inquam , sæpè

sæpius continuarum; sed quandoq;
 etiam (etsi aliter visum sit Galeno) ^{4 Aph.}
 intermittentium quæ extra vasa ni- ^{43.}
 dulantur. Nam Hippocrates in
 constitutione pestilenti quam lib.
 3. Epid. describit, febres memorat ^{sect. 3.}
 & tertianas, & quartanas, & quo-
 tidianas quas nocturnas vocat,
 quod noctu inuadant; ac ne quis
 autumet febres istas fuisse conti-
 nuas, mox continuarum meminit
 Hippocrates, vt à notatis intermit-
 tentibus distingueret. Auctoritati
 astipulatur experientia quâ constat
 interuallatas febres præsertimque
 tertianas & magis adhuc erraticas
 malignitatis characterismo signa-
 tas in praxi non ita infrequenter
 obuias fieri. Ratio idem suadet;
 neque enim tanta semper est vene-
 ni *αιεργεια*, vt è fomite extra venas
 locato assidue cor laceßat; sed suæ

28 FEBRIVM MALIGNARVM

quoque & agendi & otiandi tempestates, permultis venenis fuerunt concessæ : sic materia venenata in manuum pedumque extremitatibus cumulatâ, non continuam, sed circuitibus discriminatam suscitât Epilepsiam. Deinde cum venenum in febribus malignis non sit sincerum ; sed humori putrido commixtum, & quandoque opus habeat externo motore, quo vis eius consopita expergefiat, quis dubitabit ad materiæ febrilis putredine ebullientis motum, venenum exacerbari, & pari pacto ad eiusdem quietem, illud consilesce-re? Sciendum autem febres malignas, etsi dilucida habeant ἀντιπερίστας interstitia, intra septimam tamen periodû propter paroxysmorum sæuitiem, vitæ filum sæpenu-merò præcidere, ac ideò esse exci-

piendas à generali Hippocratis
 placito, febres periculo vacare,
 quâcumque ratione intermise-
 rint.

4. Aph.

43.

Post enucleatam causam mali-
 gnæ febris coniunctam, causas
 quoque remotiores scrutemur &
 internas & externas.

Internæ sunt calidior, humidior-
 que corporis temperies: viscerum
 infarctus, humores enim interclu-
 so eundi redeundique commer-
 cio, instar aquæ defidis cunctatio-
 ne, vitium capiunt: Malè peruia se-
 cretorum effluuiorum spiramenta,
 si nempè ἀπὸ τῆς ἐξέλιπτος febris suc-
 cendatur: nam corpora densioris
 texturæ sunt *δυσπαθῆ* à causis exter-
 nis, *εὐπαθῆ* verò ab internis, rario-
 ris è diuerso; sed quoniam duæ po-
 tissimùm febres malignitate vestiri
 assueuerunt, causæ des & synochus,

30 FEBRIVM MALIGNARVM

hinc fit vt inter causas internas primatem locum obtineant impuritas cholericæ, & plethora, tam ad vasa quàm ad vires; in priore enim plethorâ spatij defectu motus sanguinis sistitur, vnde eius corruptela: in posteriore verò cum vniuersus sanguis à natura gubernari nequeat, pars derelicta computrescit: Nam sanguis calidus & humidus statim putret, ni multis perfundatur spiritibus, qui ignei sunt ideòque putredinis ἀλεξήτῃρες; si igitur spiritus pauciores sint quàm vt redundantem sanguinis massam animent, huius portionem spiritibus non illustratam breui putrescere extra dubium est.

Causæ procatarcticæ numerantur triplices, aër, alimenta, contagium. Vt à contage incipiamus, febres malignæ crebrius contactu,

sed nonnunquàm quoque fomite,
ac interdum etiam ad distans spar-
so volatili spermate, pestis instar
volgantur, procliuiorque est inter
consanguineos contagio, ob cor-
porum similitudinem per quam
patiens agenti parum resistit.

Improbi cibi sunt quasi illices
eiusmodi febrium, vt panis è milio;
panico, zeâ, similibusque frumen-
taceis confectus, atque etiam è tri-
tico cœleste malum passo, rubigi-
nem, nempe aut carbunculatio-
nem: Carnes morticinæ, crudiores,
recenter mactatæ, aut vetustate ac
situ marcidæ; quamobrem in ca-
stris ac per annonæ caritatem fe-
bres serpunt mali moris: fructus
omnes corruptelæ obnoxij vt ho-
rarij, potissimum si immaturi fue-
rint: aquæ lacustris, stataria ac pu-
ridæ potus; imò ab aqua quàm à

32 FEBRIVM MALIGNARVM

r. pro-
bl. 14.

cibis magis ægrotamus ex Aristotele, quod non modò in potu; sed & in cibis atque obsoniis ea vtamur.

Sed quia affectus communissimus causam postulat communissimam, aër profectò cuius vsurâ nemo carere potest, & qui rectà ac subitò ad cordis sinus inspiratu permeat, necnon quoque à priuatis partibus indefinenter perspirando allicitur, ius possidet singulare in febres malignas, easque quatuor modis promouet.

Primo propter intemperaturam, dum ventorum Meridionalium quorum feralis est hostilitas, tenetur dominatu. Pestilens siquidem aëris status, quem describit Hippocrates lib. 3. Epidem. erat *Austrinus, pluuiosus, obscurus, mollis, silens à ventis, paucique Etesie disinctim spirauere.*

HISTORIA ET CVRATIO. 33

rauere. Et quandoquidem Australis tempestas duplex est, vna quæ paucas vel nullas demittit pluuias, altera quæ largo imbri depluit; illa est magis *πρυωδης*, hæc minorem noxam nocet, quod & aëris & terrarum, aquarumque palustrium inquinamenta à pluuiis compescantur atque abstergantur. Notandum autem quamuis ex decreto Hippocratis: *Siccitates in vniuersum imbribus salubriores sint, minusque mortiferae*, ^{3. aph. 15.} cœlum tamen summe sudum febrium male moratarum fœcundum esse. Narrat ^{lib. 7. dec. 46.} Liuius Romæ pestem olim obortam: *Quod eo anno siccitate plurimum laboratum fuerit, neque cælestes modò aquæ parce descenderint; sed terra quoque ingenito humore egens, vix ad perennes annes suffecerit.* Ratio est quod squalloribus nimis humores &

34 FEBRIVM MALIGNARVM
valde incrassati plurimas obstru-
ctiones ingenerent , & retorridi
malignam prauitatem de facili
concupiant , vt videre est in Ele-
phantiasi; item in Cancro cui du-
plex insidet venenum, vnum pu-
trefactium abominando fœtore
plus satis sese promens , alterum
corrosiuum partium astantium po-
pulatione notissimum. Vt tacea-
mus ab extremâ ariditate fruges
vredine ac tabo affici, debitamque
præpediri maturitatem,

3. Æ-
neid.

-----tum steriles exurere Sirius

agros,

Arebant terra , & victum seges
ægra negabat.

Secundò inimicatur aër, si dispari-
les sorbeat terrarum aspirationes:
Est enim aër quasi vniuersi area,
per quam velut per cribrum alio-
rum corporum virtutes & vitia

transfunduntur.

Tertiò aër malignarum febrium
fator est atque propagator, non
modò immoderantiâ qualitatum,
aut alienæ materiæ miscellâ, sed
etiam substantiæ suæ putrilagine.
Omnia namque, excepto igne in
putredinem delabuntur, ex doctri-
nâ Aristotelis; impurum autem & 4. met.
infimum quo circumuallamur
aërem intellige, purus enim atque
sublimior, tutus est à putrefactio-
ne, cùm hæc mixtioni contrarietur,
nec idcirco sit elementorum, sed
mixtorum seu perfectorum, seu im-
perfectorum; quâ distinctione ab
ἐναρπνολογία vindicabitur Philoso-
phus in problematis, aërem igni
socians tanquam putredinis exor-
tem. Ad aëris autem vt & aquæ
putredinem immobilitas pluri-
mum conducit, vbi aër nec ap-

36 FEBRIVM MALIGNARVM

pulsu alterius renouatur, nec ventis scopariis euerritur, vel etiam dum tactu radiorum solarium ceu ignis cuiusdam expurgatorij non mundatur; vnde laconica & domicilia subterranea grauia sunt atque insalubria, & Thucydides inter Atheniensis pestilentiae causas iure recensuit, quòd plebs habitationum defectu in tuguriis suffocantibus nec perflatis aestiuo tempore degeret.

Demùm aër haud solum imbuitur manifestâ labe, at cæcâ etiam ratione venenatur, tuncque febris reuerà pestilens potius exoritur quàm simplex maligna: Non censemus autem integrum aërem; sed nonnullas duntaxat huius particulas sparsim veneno pollui, alioquin vix vllus malum effugeret.

Itaque planum est aërem non

tantum ut medium & quasi proxenetam quatenus scilicet, vel contagiosa laborantium *μολυσμα*, vel tetios undecumque halitus gremio suo excipit, ad febrium malignarum generationem conferre; verum etiam ut causam, quatenus ipsemet vel intemperatus, vel putridus, vel venenosus efficitur. Liquet præterea hunc aut suam dyscrasiam deleteriam qualitatem creare in humoribus dispositis, aut malignitatem nobis communicare quam in se complectitur, aut delitescencia in corporibus nostris venenata semina in actum deducere.

De eiusmodi *δυσκράσια* loquitur Hippocrates, morbis quibusdam ^{initio progn;} videlicet Epidemicis inesse scribens *τὸ κοινόν*, fidissimusque eius interpreter Galenus, *τὸ κοινόν*

38 FEBRIVM MALIGNARVM

αἰερος κατὰ τὰς αἰτίας apposite interpre-
 tatur, quam alio loco Hippocra-
 tes ὁλὴν ἀγωγὴν dixerat: supersti-
 tiosam enim Gentilitatem non pu-
 duit ἀποθέωσις elementorum, Deos-
 que Genios nominabat quod ex
 iis gignantur omnia. Hippocrates
 ipse, quæcumque aliàs sit eius ἀδει-
 σιδαμονία, Terram numerat inter
 θεὸς ἀποθεώσεως, Numina Auerrun-
 ca; sed præ cæteris elementis Aër,
 fortassis propter inuisibilitatem &
 πρῶτον καὶ πᾶσι cæterasque mirandas
 dotes, diuinitatis particeps crede-
 batur, ac Diogenes Apolloniates
 Deum vocare solitus erat; imò ple-
 rique Iouem appellauere, ob ful-
 gurationes & fulminationes, sic
 Galenus ἐκ τοῦ αἰέρος, inquit, tem-
 pestates ex aëre, & τοῦ ὕδατος Theo-
 phraστο sunt aquæ cœlestes, seu
 pluuiæ, & αἰθήρ Græcis serenitatem

1. 1. E-
 pid. in
 prin-
 cip.

1. de in-
 somn.

1. de
 caus.
 Sympt.
 7.
 2. de
 caus.
 plan. 8.

significat; ita apud Horatium *Sub* Ode. 1.
Ioue frigido pro sub aëre; & Lucre-
 tius *dias in luminis oras*, id est aerias; l. 1. & 4.
 & iterum, *sub diuo splendor aquai*
ponitur, hoc est, sub aere.

Nec est quod hîc omittamus, si
 maligna febris communi aeris in-
 iuriæ suam originem debeat, no-
 biles magis percelli, vtpote humi-
 diores, delicates, & lacteâ te-
 neritudine præditos: si victus er-
 rori, agrestes ac plebeios crebrius
 impeti. Adde quod horum ædes
 à pluribus incolantur, angustiores
 sint ac immundæ, itavt velocissima
 detur contagies, obscænusque aer
 & quasi mucidus inibi spiretur,
 quanquàm vniuersi aeris regio in-
 salubris non sit.

Præter contagium, alimenta &
 aerem; sunt qui insimulent fune-
 stas cœlorum influentias, ob certos

40 FEBRIVM MALIGNARVM

Astrorum *στησιμονίαι καὶ συν-
θεσίμοναι*, configurationes & con-
uentus. Sed Nænias istas Achilleis
argumentis doctissimi Philosophi
pridem confutarunt, quibus Astro-
logorum *σκληροπραχίων* vulgus
conuictum, lite tamen non cedit.
At demus sydera esse *ἰσόλογα*, nil
istud ad Medicos qui posthabitis
vniuersalissimis, remotissimisque
causis quæ sunt *ἀπὸ πρῶτων*, emendabi-
les dumtaxat dispiciunt, apud quos
proinde aeris mutatio meritò est
pro omni Astrologiâ, præsertim
cum ipsismet *ἐργασολέγοις* aer dica-
tur Astrorum pararius.

Quæcumque porrò affuerint pe-
regrinæ causæ, sciendum tamen
earum vim elanguescere, nihil ad-
miniculantibus inquilinis causis,
ac deficiente *ὁμοστασίᾳ*, hoc est, vt
loquitur Tertullianus paraturâ sub-

HISTORIA ET CVRATIO. 41

iecti febrem suscepturi. Quemad-
modum, ait Plutarchus, florum lib. de
odores suapte naturâ euanidi ad- sanit.
mixto oleo quasi sufflamine reti- tuend.
nentur; sic exterioribus causis hu-
morum in corpore redundantia ve-
luti substantiam suppeditat, secûs
facile dissipantur, sanguine puro &
ad morbum αἰτιολογία, motum ea-
rum excipiente.

DIAGNOSIS.

TRansecamus ab αἰτιολογία ad
διαγνώσιν quæ respicit vel no-
tas huic illive febrium differentiae
propriæ, vel signa sociam maligni-
tatem testantia: prioribus præter-
missis, vtpote ad singularum fe-
brium historiam attinentibus, po-
steriora persequamur, ac febrium
malignarum, in quantum malignæ

42 FEBRIVM MALIGNARVM
sunt, lineamenta depingamus. In-
credibile dictu quàm numerosa
symptomatum seges adolescat;
ideoque præcipua, & magis fami-
liaria præstingere satis erit.

3. pro-
gnost.
40.
6.3.p.33. Speculari oportet, inquit in pro-
gnostico Hippocrates, *Παρά*, hoc
est inuasiones, vel vt loquitur 6.
Epid. *Ἔργα* siue modos morbo-
rum popularium, necnon quoque
temporis constitutionem. Si quis
igitur febriciter, ac febres malis
moribus moratæ, passim in populo
iactentur, simul cum circumfusi
aeris morbidâ vi, coniectura ac
opinio habetur de malignitate,
quam sequentia signa non iam to-
picâ probabilitate, sed apodicticâ
certitudine indicabunt.

Περὶ τοῦ Διάφθορον facies sibi
plane dissimilis, cuius scilicet flos
deformatur in colore, caractere

& mole, idque primis morbi diebus, ac sine causâ euidente, putâ nullâ prægressâ vacuatione seu manifestâ, seu occultâ per labores, mœrores, vigilias, dolores aut inedia: passionum enim vt animi, sic & corporis vestigia in facie propter raritatem atque laxitatem, primùm & maximè imprimuntur. Istaque vultus necnon etiam reliqui corporis alteratio subitanea & ἀνὰ φανε-
 ρῆς πλεγμασιος, oritur non modò fufis febris ardore atque nequitia frugi succis, ac vltimo membro-
 rum alimento; sed adipibus etiam, carnibus, ac partibus ipsis solidis liquefcentibus; illoque liquamine vel insensibiliter per halitum dis-
 perdito, vel sensibiliter effluente per sudores, vrinas, aut deiectiones; febres namque malignæ sæpiusculè sunt ἀσφορντινὰ ἔσονται.

44 FEBRIVM MALIGNARVM

καὶ πρὸς : quod si forsan compactior corporis habitus fuerit quàm vt liquamenta per Ἀγρόρησιν sudoremve emanare queant, vel si hæc crassiora fuerint, iis sub cute commorantibus pro collapsu cùm faciei, tum cæterarum partium, fiunt, vt

3. de
plac. 6.

ait Galenus, Ἐκφυσίδοι ὕδρωδεις κατὰ τοιαύτας repentinæ intumescentiæ hydropicum in modum, eoque sensu Hippocrates 1. Epid. ex mala colliquatione dixit natos esse hydropas.

p. 35. &
36. f. 2.

1. prorhet.
40.

Ἀδυναμία παρὰ λόγον κατεσχισμένη virium iactura mox à primo morbi insultu absque præuia inanitione, iis nempe non modò materiæ copîa oppressis, sed malignitate morbi resolutis. Venenum enim persepe ita est præsentaneum, vt puncto ferme temporis virtutem nostram demoliatur, quam alioquin

HISTORIA ET CVRATIO. 45
nonnisi ægritudinis progressu atte-
ri consentaneum est.

Νωδρὴ κατὰ φύσιν propensio ad
somnia cum segnitie totius cor-
poris, aut propter narcoticam ve-
neni qualitatem, aut etiam propter
ἔξοχὴν putredinis à caliditate & hu-
miditate plurimâ prognatæ; hinc
enim eadem nascuntur in animali
facultate incommoda quæ Hippo- Aphor.
crates 5. Aphor. adscribit περμασμα- 16.
τι, seu fotui aquæ dulcis calidæ,
nempe ὀρεκτῶν ἐκθίλωνσις, νεφρῶν ἀκρα-
τία, γαστρικῆς νάρκωσις, carniū effæ-
minatio, nervorum impotentia, & men-
tis torpor: vel quæ Austro tribuit 3. Aph. 5:
Aphor. scilicet *auditum bebetare, ca-
liginem inducere, caput grauari, pigros
& languidos reddere*. Si enim à
madoribus externis, quantò ma-
gis ab internis, cerebro cum suis
propaginibus emollito, princi-

46 FEBRIVM MALIGNARVM
patus animalis labescet ?

Propter comitem hunc mentis
stuporem delirium si exurgat, est
plerumque ἀσυνεπείδης, quod tamen
ex leui manuum gesticulatione,
excrementis citra censum profusis,
oculis fixis trucibus & cerebri sym-
pathiâ rubentibus ac flammigeran-
tibus detegitur :

Lucret.
l. 6.

*Principio caput incensum feruore
gerebant,*

*Et duplices oculos suffusâ luce ru-
bentes.*

Atque vt superfluæ humiditates
virtutem memoratiuam inter prin-
cipes animæ potentias maximè de-
bellant, sic per febres malignas illa
potissimùm occidit,

Lucret.
ibid.

*quosdam cepère obliuia rerum
Cunctarum, neque se possent co-
gnoscere vt ipsi.*

Ad cerebri symptomata pertinent

etiam conuulsiones, tremores, ac
excruciantes capitis, potissimum-
que syncipitis & frontis dolores:
quales æstuantis cerebri vermina-
tiones febrem illam malignam &
pethechiale[m] consectabantur, quæ
anno 1566. Hungariam primò va-
stauit, indeque per Europam dif-
feminata est, & à natali solo Hun-
garicæ nomen sibi adoptauit. At-
que ut cerebrum valde grauatur
per hæc febres, sic aures sunt ma-
gis consortes eius offensæ quàm re-
liqui sensus, sæpèque vel obsurdes-
cunt vel tinniunt: Auris enim ita
vicina est cerebro & colligata, ut
nihil propius esse possit; Nam in
cerebrum cauitas eius definit, & à
quinto pari neruos accipit, qui si-
mul cum durâ membranâ in ca-
uum auris explicantur.

Sed cor non minùs quàm cere-

48 FEBRIVM MALIGNARVM
brum malignitate febris vapulat,
hinc anxij pressique cordis succus-
siones, quas παλμούς vocant: hinc
lipopsychiæ, hinc dyspnœæ, hinc
animæ insuauitates enascuntur.

Humores prætereà ἰομεγίς ac ve-
nificâ tincturâ imprægnati, iniquis
vasorum etiam maiorum conce-
ptaculis propter ζέσιν & ζύμωσιν co-
erceri non sustinent, sed è secundâ
corporis regione, quæ diuersorium
est continuarum febrium, in pri-
mam & tertiam, vbi desinunt vena-
rum oscula, vtrimque regurgitant,
& velut extrâ ripas diffuentes di-
ra longè latèque mouent sympto-
mata: putà in aluinis partibus, quæ
eò promptiùs plectuntur quod in-
star stabuli Augiæ sordibus nun-
quàm careant, nauseam, vomitum,
singultum, cardialgiam, ventris
meteorismum, sitim inexplabilem,
ac

ac vice versa omnimodam aliquan-
do sitis absentiam, eamque cum
linguæ siccitate, sine tussi, sine vir-
tutis superioris ἀβλεψία, itavt irro-
rantis catarrhi, aut mentis seu de-
liræ seu sepultæ absit suspicio, sed
vel facultatis appetentis interne-
cionem, vel humidi putredinalis
abundantiam consequatur; adiu-
uante interim humiditate aeris qui
non modò perspiratu ad ventricu-
lum pertingit, sed cuius etiam in-
spirati tantilla portio subinde ad
ipsum defertur, sicuti pariter ali-
quid potus in spiritalem arteriam
inter bibendum deerrat, hinc flu-
minum viciniâ & ventorum Austr-
alium spiratu lenitur sitis; & contrà
qui hiant ore dormiunt, sitim ex-
periuntur, resiccato aeris appulsu
ventriculi ostio. Porro inter ven-
triculi symptomata notabilis est

50 FEBRIVM MALIGNARVM

esculentorum omnium βδελυγμός,
& quidem tantus vt nullis dapum
lenociniis edendi prolubium sit re-
uocabile, ac multi πλεὺς ἀποκαρτέρησιν
mortem ex fame oppetitam ciba-
tui pretulerint : Author est Gale-
nus eos ferme omnes è peste inco-
lumes factos, qui animi fortitudine
vim sibi inferentes cibum assum-
pserunt ; sed plurimos maluisse ine-
diâ enecari quàm alimenta degu-
stare.

p. 58. f. 3.
l. 3. E.
pid.

Alui quoque excrementa ob-
seruatu digna sunt : nam interdum
cadauerosa bilis, interdum sangui-
ne διορρυσμένη illuuiēs serosa detur-
batur, interdum amborum mixtu-
râ excretionēs fiunt ὕδαρ' ἄχραι ;
quandoque ab adipis, partiūmque
ipsarum liquatione fœces egerun-
tur oleosæ leues & glutinosæ, hæque
nunc albæ à recenti pinguedine

HISTORIA ET CVRATIO. ^{si}
liquata, nunc subflauæ & simul
valde olidæ ab eadem pinguedine
non modò liquefacta, sed etiam
putrescente; sicuti rancidus adeps
flauescit perditâ aëreâ quâ exalbes-
cebat substantiâ, syntecticæ eius-
modi deiectiones semper exiguæ
sunt, quod liquamentum paulatim
fiat non aceruatim, hasque Hip-
pocrates criminatus est. *Malum* <sup>2. pro
gnost.</sup>
stercus, inquit, *quod & exiguum est* ^{21.}
*& viscidum, & album, & subpal-
lidum & leue.* Aliquando etiam
viuificatâ in vermes putredine,
animantum copia exos & exanguis
intestina perfluctuat, ac paulò post
iidem veneno trucidati aluo vel ore
pelluntur. Nam si verè scripsit Se- <sup>2. natur.
quæst.
31.</sup>
neca animalia venenata non vermi-
nare, nisi postquàm fulmine fuere
percussa, id illis quadrât quæ à na-
turâ non à morbo talia sunt.

52 FEBRIVM MALIGNARVM

In habitu verò corporis , disper-
tito vndiquaque per membrano-
sas neruolasque particulas ferino
vapore , crebri citantur rigores fe-
bribus continuis per se incon-
gruentes , iique incerti ac erronei ;

p. 25. f.
2. l. r.
Epid.

sic Hippocrates in febre tritæo-
phya obseruat rigores contigisse

ἀτάκτως , πεπλανημένως , ἐλάχιστα , καὶ
ἥκιστα , *incomposite, errabunde, parcissi-*

me & minime. Dolores etiam toto
corpore sæuiunt mobiles atque

vagabundi ; item artuum ἀσυστό-
τοι , ac lassitudines spontaneæ ,

s. pro-
bl. 7.

ὀστέϊς , vt ait Aristoteles *quasi colli-*
sis , compressis atque conquassatis.

Sudores nonnunquam liberali-
ter funduntur , sanguine vi febris
ferefcente ,

ossaque & artus

*Perfundit toto proruptus corpore
sudor.*

HISTORIA ET CVRATIO. 53

Nonnunquam ἐφιδρώσεις tantum
 seu subsudationes rorulentę cutem
 madefaciunt ob naturę mouentis
 languorem, nihilque promouen-
 tis: sudores quoque vel calidi sunt,
 vel frigidi, omnium pessimi ob
 caloris νέκρωσιν; vel vniuersales, vel
 particulares, nempe capitis, colli,
 thoracis: aliquando tenaces, pin-
 gues, praeuolentes, quia colliqua-
 tiui.

Quomodo etiam è prunis accen-
 sis scintillę emicant, ac è candente
 ferro stricture mittuntur, feruens
 que è sartagine oleum exilit; sic per
 febres malignas pustulis tanquam
 ambustis gemmat vniuersum cor-
 pus πεμφιζώδες πυρετοὶ ἰδιῶν δυνοὶ fe-
 bres cum phlyctenis aspectu graues.
 Vel vice exanthematum ob venu-
 las tabo ac sanie refertas quę circa
 cutem dehiscences ἐκχυμῶσαι, pur-

p. 28.1.
 6. Epid.

§4 FEBRIVM MALIGNARVM
purascentibus maculis , violaceis ,
cæruleis , viridibus , liuidis aut ni-
gris obferitur cutis , vermiculatam
pellis Babylonice picturam repre-
sentans. Hæ febres vulgò purpu-
ratę cognominantur : & quia pe-
culiarem optant disquisitionem ,
fatis erit impræsentiarum commo-
nefacere , maculas istas , instante
morte , interdum evanescere , quod
calor natiuus iam iam defecturus
ad ~~est~~ laresque suos refugiat , si-
mulque sanguis exteriora deserat ;
sed statim à morte easdem in cute
denuò efflorescere , imò aliquando
nonnisi post obitum eiusmodi ma-
culis cutem variegari , & quidem
non operâ virtutis expultricis ,
quam in cadaueribus , absente ani-
mâ , vel momento superesse possi-
bile non est ; sed quod tenuissima
istarum macularum materia quę

viuo homine liberè transpirabat ,
post interitum sub cute detineatur;
vel potiùs quod in recenter defun-
ctis ichores sanguinei qui nullâ vi
retentrice ampliùs reguntur , vnâ
cum euaporante partium intima-
rum calore, intùs foràs moti sub cu-
te densiore subsistant: qua similiter
ratione sanguis aut sanies per os,
nares vel aures interdum in mor-
tuis effunditur : Calorem autem
vitalem illicò à morte in corpore
residuum non tam in visceribus
extingui, quàm euolare perspicuè
declaratur exemplo eorum qui
nondum è vitâ egressi ad tactum
frigent , ob caliditatis reuocatio-
nem ad præcordia : At vitâ functi
mox incipiunt calefcere propter
expansionem caloris.

Paratides insuper in febribus ma-
lignis non rarò emergunt, ceu sto-

56 FEBRIVM MALIGNARVM

lones atque βλασήματα malignita-
tis internæ, cerebro potissimum
inuistæ: Neque enim eadem est ra-
tio ac febrium chronicarum per
quas τὰ παρὰ τὰ ἄλλα quoque eru-
ctantur, sed ob humoris ad excre-
tionem inidonei copiam & crassi-
tiem, vnde pro excretionē ἀπὸθεσις à
naturâ succenturiatur.

Tot ominosis signis adiicien-
da quoque est hæmorrhagia siue
profusa fuerit, siue tenuis valde &
accisa, vt in narium stillicidio; san-
guinem enim magna perniciæ as-
persum, si sit desperatæ coctionis,
natura haud amplexatur, sed mali-
tiæ suæ permittit: vnde non tam
actione naturæ propellitur foràs,
quàm vi propriâ ac instar transfugæ
è seditiosa ciuitate venis elabitur,
more venenorum, atræ bilis atque
lumbricorum sponte terga dan-

tium. Sed quod miremur, sanguis iste profugus, ac plerumque etiam ille ipse qui sectâ venâ educitur, rutilus optimusque apparet, quod venenosa qualitas sensum lateat, solisque patefcat facinoribus, sicut edulia veneno delibuta odoris, coloris, saporisque gratiam seruant, vel quod venenatæ putredinis focus altior sit, strictisque limitibus circumscriptus.

Quid demùm dicemus de vrinâ & pulsu? Illa quandoque intercipitur, quandoque ægrè ducitur atque tortuose, quandoque immoderate fluit, sanguine liquefcente in serum, quod nec aluo nec sudore exitum habens ad miçtuales ductus conuertitur. Insuper aut aquosa vrina redditur ac limpida, aut confusa, aut rubens, liuida & nigra, aut oleaginosa propter partium

58 FEBRIVM MALIGNARVM

συντηξιν, aut denique sanorum vri-
nam referens, siue propter incon-
spicua veneni vim, siue propter
situm morboſi apparatus circa cor
verſantis, necdum deriuati ad trun-
cum venæ cauæ descendentem per
quem ſerum ab hepate ad renes
distribuitur: quod ſuboleſciſſe vi-
detur Hippocrates damnans ὀρε-
πύπωνα, vbi plerique perperam le-
gunt ὀπύπωνα. Notandum autem
vrinarum infidelitatem haud eſſe
malignis febribus propriam, ſed
interdum quoque licet rariùs poſt
vrinas diu coctas in ſimplici putri-
dâ, interitum nullo errore confe-
qui, ſicuti ſuffragante experienciâ
ſatis ſuperque vulgari à Fernelio
præclare annotatum eſt: adeò vt
obiter mirari lubeat Galenum ſcri-
bentem tantam ab vrinâ in acutis
febribus vim eſſe, vt ſoli ipſi fiden-
dum ſit.

2. pror-
rh. 24.

c. 10.
Meth.
gen. cur
febr.
p. 10. f.
r. l. 6.
Epid.

Pulsus aliquando humilis est, occultus, inæqualis, intercidens; aliquando celer, frequens, robustus; aliquando à seipso parum aut nihil mutatus: Nam interdum propter caloris febrilis ac veneni vim strenuam atque pernitem, febris micat mox ab ipsa εἰσβολῇ, portensque odiosa est terribilibus; interdum interpolis est fucosa, nec Medicis modò δυσγνωστοί, sed ipsis quoque ægrotantibus qui etsi mentis compotes, se perbelle degere affirmant, vel se mori quidem conqueruntur, sed quid sentiant mali, verbis exprimere nequeunt. Captiosi isti morbi quasi post siparium suas exercentes tragœdias, à Sabino apud Galenum latronibus apprime comparantur, qui incautos viatores, sui que nimium securos ex insidiis opprimunt.

60 FEBRIVM MALIGNARVM

Cur autem pulsus in malignis febribus perstet immutatus, alij aliud causantur. Existimant nonnulli naturam, putredinis magnitudine perterritam, non audere morbum adoriri, eoque misso, corporis regimini velut in sanitate totam se dedere; itavt intentata materia morbifica, pulsus non alteretur, vti nec vrina: quemadmodum in tumoribus quamdiu membrum humorum copia atque qualitate premitur, neque dolores, neque febres vigent, sed tùm demùm symptomata inualescunt, vbi natura certamen instituit cum morbo, ac προποίνσιν aggreditur.

lib. de
conf.
fact.

Verùm quia absurdum est naturam quæ, vt ait Galenus ὁ μόνον ἔχει ἔστι σοφός, ἀλλὰ προτάσσιν ἀλόγος cum consilio & libertate operari: Aliis placet hanc, non quia pauefactam,

HISTORIA ET CVRATIO. 61

sed quia veneni maleficio derepente eneruatam à pugnando abstinere. At si natura ad arteriarum pulsus in modulos certos, legesque metricas affatim habet roboris, quidni ad luctam cum morbo eadem sufficiet? Deinde cur crescente iam ac surgente febre, viribusque magis labefactatis, pulsus demutari incipit, & à genuina integritate deflectere?

Plerique ad qualitatem venenatam confugiunt arcano modo non caliditate cor infectantem: At venenum istud purum non est, sed ut demonstrauius, putredini sociatum.

Galenus docet debilitata potentia pulsifica, auctoque ventilationis usu, pulsus fieri mediocres, exemplo hominis imbecilli hostem fugientis, quem fugiendi necessi-

r. de
caus.
puls. s;

62 FEBRIVM MALIGNARVM
tas velocem reddit, imbecillitas
tardum, ex qua velocitate atque
tarditate, motus medius & mode-
ratus confurgit. Contrà verò in
febris bene moratis quotidie
obseruare licet facultatis infirmita-
tem, cum adauctâ ventilationis ne-
cessitate, neque tamen pulsus esse
sanis quàm simillimos; & reuerà
languida virtus pulsus necessario
accerfit paruos & debiles, vsusque
incrementum crebros ac celeres.

Nos igitur fraudulentia februm
malignarum, ac potissimum men-
dacis earum pulsus causam, partim
à veneno, partim à putredine ex-
piscandam esse iudicamus: Vene-
num si minùs actiuum fuerit, ope-
ribus & cuniculis rem gerit, donec
viribus eundo acquisitis iam non
clandestino, sed aperto Marte, &
quasi passis vexillis prælietur: pu-

HISTORIA ET CVRATIO. 63

tredo autem profunda ac sordida
 tam exorbitante scatet humiditate,
 vt obrutus febrilis calor non possit
 ἐκλάμπειν, quousque tandem eui-
 ctâ putrilaginosâ vligine, sopiti
 suscitentur ignes, dentque clara in-
 cendia lucem: pariter ac natiuus
 puerorum calor superfluo humido
 suffocatus, non ante exsplendescit
 quàm huius nimietatem puberta-
 tis aduentus moderauerit: Nam vt
 siccitas est lima caloris, sic humidi-
 tas caliditatem retundit: hinc fe-
 bres Ὀΐποι; sed maximum incen-
 dium præ se ferentes, vbi incipiunt
 κακὸν ἔχειν illicò βληχεροὶ fiunt atque
 χλιαροὶ, omniaque symptomata à
 calore sobolescentia desæuiunt,
 dum interim floret venenata qua-
 litas, viresque suas exerit.

Hîc tamen notandum est non
 semper contingere vt febrium ma-

64 FEBRIVM MALIGNARVM

lignarum calor, eo quo dictum est
modo intepefcat; sed hunc sæpe-
numerò in interaneis reâpse vige-
re, ac inibi tanquàm in cubili fera-
rum more φωλδέειν, nec propter ac-
censæ materiæ crassitiem, aliâve
impêdimenta exspatiari, itavt exter-
no prospectu μὴ πικρίται illudat, mi-
nusque luceat exteriùs quàm inte-
riùs adurat, πρὸ ὑποσφύχιον, ἀλαμπές
& δριμύ, vocat Aretæus, *Ignem alte*
demersum obscurum & acrem, vt ex
linguâ nigrâ & scabrâ, anhelosâ &
quæ ore patulo obitur respiratione,
firi, atque alysmo, satis innotescit,
necnon quandoque ipsorummet
ægrorum de incendio interno que-
rimoniâ, ne syndones quidem to-
lerantium, id in peste Atticâ ceci-
nit Lucretius,

lib. 6.

*Nec nimio cuiquam posses ardore
tueri*

Corporis

2. de
caus. &
sign. a-
cut. 7.

HISTORIA ET CVRATIO. 65

*Corporis in summo, summam fer-
uescere partem,*

*Sed potius tepidum manibus pro-
ponere tactum.*

*Intima pars homini verò flagrabat
adesa,*

*Flagrabat stomacho flamma, ut for-
nacibus intus.*

Porro non requiritur ut omnia ma-
lignitatis symptomata superiùs ce-
lebrata agminatim ingruant, sat est
plerumq; vnum aut alterum è quo
malitiosam, vaferrimam atque ver-
sipellem febrem velut ex nẽuo ho-
minem, aut ex vngue leonem a-
gnoscat sagax & exercitatus Medi-
cus, cui longo vsu symptomatum
malignorum nescio quod ἀπὸ τοῦ,
ut ita loquar, Ποσειδάωνος inno-
tuit.

Atque canes ut montiuage persæpe Lucrēt
l. i.
ferai

66 FEBRIVM MALIGNARVM

*Naribus inueniunt intectas fronde
quietes*

*Cum semel institerunt vestigia cer-
ta viai;*

*Sic aliud ex alio per te tute ipse
videre*

*Talibus in rebus poteris, cecasque
latebras.*

*Insinuare omnis, & verum pro-
trahere inde.*

Postremò vt ad dignotionem tem-
periei ad iustitiam in animalibus
præter generalia testimonia, ratio
præcipua habenda est actionis quæ
vnicuique illorum speciei particu-
latim competit; puta ad *ἀνθρώπου*
homo debet esse sapientissimus,
leo fortissimus, ouis mitissima, ca-
nis fortissimus simul & mitissimus:
sic quoque præter vniuersalia indi-
cia malignitatis, huius noxæ sepa-
ratim attendendæ sunt; Exempli

HISTORIA ET CVRATIO. 67

gratiâ , si æger febre ardente æstuans, in qua vigilias perennare æquum est, ὕπνω βασιλίσκου ferreo sopiatur somno, venenum erit narcoticum : si insania tumultuosior fuerit, quàm pro sorte febris ad solani maniaci naturam illud accedet : si sitis fatiget prægrandis, imparque sit febrilis calor, ac imprimis si sitis illa fuerit ἀπλήρωτος, siue inexhausta, διψαδὸν ἰδωµα æmulabitur, quorum venenum crassius affusâ aquâ viuiscit, ignesque Græcos ac artificiales imitatur caloris adco tenaces, vt in mediis aquis ardeant: si sanguis ore, naribus aluo, vtero, vrinis, venis hæmorrhoidalibus profiliat, serpentis hæmorrhœi genium participabit, vel plantæ illius hæmagogæ apud Thraces Bithynicos nascentis, de qua memorabilem historiam tradidit Galenus

lib. de purgant. medicam. facult. & ita de aliis.

In genere cardo *ἡγομένως* maxime vertitur in exactâ symptomatum cum febre collatione, nimirum: An illa sint *ἀτόμα* totoque cœlo distent à febre, vel saltem quoad gradum & intensiorem sint febre superiora, aut ante debitum tempus instent, & quæ in vigore afflictare fas est, morbo coæua sint, atque ab eius primordiis compareant; Nam si desit analogia effectuum cum sua causa, aliquid maligni in hac latitare necessum est.

Restat vt ponamus discrimina febrium simpliciter malignarum, quas nonnulli spurias pestilentes vocant, & vere pestilentium. Primò igitur illæ victus incuria, sæpius quàm aëris flagitio; hæ contrà aëris magis quàm diætæ crimine illabun-

HISTORIA ET CVRATIO. 69

tur. Secundò illæ minùs traduces
sunt, & contactu frequentius ac
expeditius quàm relicto fomite,
aut ad distans profeminantur; hæ
sunt magis contagiosæ, ac præter
συνάφῃς φθοροποιῶν per fomitem &
ad remota ope *ἀποκρίσεων νοσούντων* fa-
cillime diffunduntur: Nihil est tam
volucre quàm pestis, nihil facilius
emittitur, nihil certius excipitur,
latius dissipatur. Tertiò illæ minus
crudeles ac sæuæ existunt: hæ im-
mites ad summum ac horrendæ,
præcipuè verò inguinum, axilla-
rumque bubonibus notatissimæ
sunt, protrusis ab hepate & corde
in sua emunctoria infensissimis hu-
moribus; Comites etiam eunt an-
thraces per cutem hic & illic erum-
pentes, quibus quasi accensis fa-
cibus, pestis intus recondita fulgu-
rat, donec tandem syderet; cum

70 FEBRIVM MALIGNARVM
in febribus malignis, parotides bu-
bonum, ecchymata ac puncticulæ
carbunculorum loco sint. Deni-
que distinguuntur & motu & peri-
culo; Nam quemadmodum tem-
poraria venena lentas trahunt mo-
ras, priusquàm interimant, sic ma-
lignæ febres propter veneni ac pu-
tredinis ignauiam, longæ esse pos-
sunt, harumque mentionem fecit
Hippocrates lib. 3. Epid. & quamvis
sæpe sæpius sint de numero acuta-
rum, non tamen festinantissime sua
percurrunt tempora, deinde plures
ab iis seruantur quàm intereunt:
pestilentes autem incitata admo-
dum rapiditate, cursum suum per-
agunt, & potiozem mactant ægro-
rum partem, imò populosissimas
ciuitates coloniis exhauriunt.

sect. 3.

1. E.
pied.

*quis funera fando
Exprimat, aut possit lachrymis equare
labores.*

P R O G N O S I S.

PErgamus iam ad prognosin.
 Celebris est Aphorismus : ^{2. Aph.}
Morborum acutorum non omnino cer- ^{19.}
tas esse prædictiones, neque salutis ne-
que mortis. Sed in febris quarum
acumini malignitas auctariò iungi-
tur, præsagium multò magis infi-
dum est : ægri enim quandoque
vallati pernicialium symptomatum
phalange, & in quorum labiis iam
fatum oberrabat, insperato defun-
cti, superstitesque euaserunt ; in-
terdum autem cum vrina laudabili,
pulsu valido, pleno & æquali, alio-
rumque optimorum symptoma-
tum caterua improviso perierunt,
ita vt cautos, prudentesque Medi-
cos deceat, quia specie recti facile
decipiuntur, iudicium suspendere,

72 FEBRIVM MALIGNARVM

l. 2. de
prælag.
ex pul-
lib. 4.

ne ante tempus triumphantes, co-
gantur detriumphare, vt verbo
Tertulliani vtar; hîc namque pro-
fanantur sanctiores augurandi le-
ges; sic testis est Galenus plurimos
quidem senes & pueros cum inter-
mittente pulsu à febribus libera-
tos, iuuenem vero neminem: nihi-
lominus tamen iuuenes non pauci
cum eiusmodi pulsu, febris mali-
gnæ periculum eluctati sunt; sic
alui fluxus in morbi principio è re
fuit ægrotantis, reluctante licet
Hippocratis decreto, ὅτι κρίνεται
ἐπὶ τῷ βέλπον μὴ αὐτίκα ἐπιφανεῖσθαι,
quod nocua & adulterata materia
nequeat nimium cito corpore ex-
terminari. E contrario autem mor-
bo iam prouecto ac lucente pepas-
mo, aborta diarrhæa ægrum per-
emit, quantumuis indice Hippo-
crate: *Cochiones celeritatem criseos,*

P. 45. l.
2. l. 1. E-
pid.

HISTORIA ET CVRATIO. 73

certamque sanitatem polliceantur. Etsi enim putredo, coctionis beneficio emendata sit; superest tamen altera, eaque perniciosior causa, videlicet indomita, ac per moramentum altius impressa principalibus membris malignitas hominem tollens è medio. Somno tranquillo atque moderato vt nihil efficacius est ad virium refocillationem, & materiæ concoctionem, ita nihil certius ad salutis prædictionem; ille tamen nihil opis affert febribus malignis; quin potius ipsas exasperat, ac nouis auget symptomatis; spirituum enim & natiui caloris excursionem coercendo simul quoque concentrat venenatam cacochymiam, hancque superare non valens, commouet saltem atque exagitat; quade causa in historiis Epidemicis multi è somno deliri facti sunt ac

74 FEBRIVM MALIGNARVM

2. aph. cephalalgici, meritoque Hippo-
1. crates: *In quo morbo somnus laborem*

4. aph. *facit, lethale.* Pronunciauit Hippo-
28. crates surditatem euanescere su-

perueniente alui fluore. At per
hasce febres, aluo fluente haud ra-
renter aduenit surditas. Deinde

quantumuis natura sit φιλέσθδμος,

& Dea illa impare gaudeat nume-

ro, attamen febres malignæ diebus

paribus salutariter desierunt, πάντα

ἐν τρισὶν ἡμέραις ἐκταῖα ὁσάα

4. Epid. ἐκρίνετο, inquit Hippocrates. Nec

est quod aliquis contendat has fuisse

sanguineas, ac sanguinem pari-

bus diebus moueri: Nam malignæ

febres etiam è biliosarum classe, pa-

ribus diebus tutò & sine recidiua

solui visæ sunt, contra edictum Le-

gislatoris nostri τὰ ἐν ἀρτίῃσι κρινόμενα

διόκετα καὶ φιλυπόστροφα. Tandem

Nulla è naribus etiam atque etiam à

præceptore infamata tanquàm erectum de triumphatâ naturâ morbi trophæum, supplet quandoque vicem legitimæ ac perfectæ criseos, paucumque sit criticum, quod malignus succus more venenorum, modicus sit in quantitate, multus in virtute: ita febrem Hungaricam cuius suprà meminimus, sanguinis arterialis ac purpurei sub stillo iudicatam fuisse, fama est.

In tam lubrica atque ambagiosa euentus coniectatione quædam monenda sunt. Primò has febres in vniuersum præcipites esse atque luctuosas, etsi minus quàm pestis. *Febres malignissimæ*, inquit senex noster, *& cum grauissimis signis coniunctæ*, quarto die occidunt aut etiam prius. Sic Criton eiusmodi febre correptus, secundo die ereptus est. Nam malignarum febrium vene-

3. prog.

3.

p. 26.

f. 3. l. 1.

Epid.

76 FEBRIVM MALIGNARVM
num potens est atque capitale, cui
non ratione propter vim eius ab-
strusam, non etiam experimentis
quod sæpenumerò nouitium sit,
nec vsquam animaduersum, pro-
priam antidotum quimus oppone-
re, generalibus alexipharmacis
contenti quæ vtilia quidem sunt,
at non specifica atque *ἐναντία*. Sed
in recenti præsertim earum grassa-
turâ, luduntur Medicorum cona-
tus, communia therapeutices theo-
remata sectantium, antequàm mul-
torum ægrorum detrimento sapue-
rint, & anormem sæpe febres istas
heteroclitas curandi modum adin-
uenerint. Stat siquidem experien-
tiâ, aliàs profuisse phlebotomiam,
aliàs eos omnes è vitâ migrasse, qui-
bus secta est vena; & similiter pur-
gationem seu *ἀγνὸς* seu *κατὰ* præscri-
ptam nunc fructuosam esse, nunc

damnosam; ita Hippocrates in pestilenti statu lib. 3. Epid. plerosque ^{f. 3. p.} à catharticiis multum offensos fuisse ^{56.} narrat.

Secundò animaduertendum signa prognostica non esse numeranda sed ponderanda, vniusque maleficientiâ plurimorum probitatem posse euinci, sic in variolis atque morbillis vnica pustula, præcipue circa thoracem, nigra, liuida aut violacea, contra fidem cæterorum signorum salutem spondentium, abunde est ad mortis præsa-
gitionem: sic duæ tresve sanguinis denigrati è naribus stillantis guttulae, ceu atri anteambulones exitium prænunciant; sæpe exiguus mus augurium tibi triste dabit.

Tertiò notandum febres malignas partium quarundam interimento cum miseris agris inter-

78 FEBRIVM MALIGNARVM

dum pacisci, aliosque luminibus:
 cassos, alios auditu spoliatos, alios:
 mente captos, alios memoriâ or-
 batos superuiuere, alios etiam ar-
 tuum corruptione mutilos; sic à
 variolis vlcera Telephia nonnun-
 quam supersunt, à quibus ipsa quo-
 que ossa depascuntur, & Hippo-
 crates in pestilenti constitutione
 pluries à nobis citatâ, membrorum
 ἐκπύεσις memorauit: item Thu-
 cydides in nobilissima peste Attica,
 necnon Lucretius his verbis:

lib. 6.

*Profluvium porro qui tetri sangui-
 nis acre*

*Exierat, tamen in nervos huic mor-
 bus & artus*

*Ibat, & in partes genitales corpo-
 ris ipsas.*

*Et grauius passim metuentes limi-
 na lethi*

Vinebant, ferro priuati parte virili:

*Et manibus sine nonnulli pedibus-
que manebant*

*In vita tamen, & perdebant lu-
mina partim.*

Postremò obseruandum est quò
venenum segniores ciet turbas, eo
res ægrotantis deteriore loco sitas
esse; quoniam furtiuâ mansione
illud magis radicatur, firmioresque
nanciscitur malignitatis, vt sic di-
cam, neruos: quamobrem si in
therapiâ febrium pure acutarum
fugiendæ sunt diffusiones & com-
perendinationes, quod Medicina
sit ὀλιγόχρος; in curâ malignarum
promptissima celeritas etiam mora
est, momentoque quolibet ocys
subueniendum, ne venenum ne-
glectum humoribus ac partibus
sefe penitiùs insinuet inseratque,
ac vt habetur in ea Epistola quæ
circumfertur nomine Hippocratis

80 FEBRIVM MALIGNARVM
ad Crateuam. *Ab omni arte aliena est
procrastinatio, maxime verò à Medi-
cinâ in qua dilatio vitæ periculum af-
fert; temporum autem opportunitates
curationum sunt animæ, earumque ob-
servatio, finis. Itaque properemus
ad curationem, hancque paucis
absoluamus.*

THE R A P I A.

VT sagittæ aberrant, nec um-
bilicum contingunt vbi col-
lineatio fallit, sic temere admini-
strantur remedia, nisi dexterâ & co-
gita indicationes prius desumantur:
quod enim erant iter facientibus
statuæ Mercuriales in biuiis olim
extructæ, quod nauigio clauus est,
quod Architecto libella & linea, id
medenti sunt indicationes. Hæ in
curatione febrium malignarum
multi-

HISTORIA ET CVRATIO. 81
multiplices occurrunt, nempe plenitudo cacochymica atque venenata *κινωπικῆς* detrahenda; obstructions *ἐκφακτικῆς* reſerandæ; calor extraneus *ἄλλοιωτικῆς* reſtinguendus; venenofitas *ἀλεξίτηλοις* edomanda; Natura demùm cardiacis munienda; quibus ſcopis ſatisfiet auxiliis hauſtis è triplice fonte, Chirurgico, Pharmaceutico, & Diætetico.

Itaque ad eluenda alui ſuperuacanea ac refrigerium viſcerum, crebris clyſmis, tanquàm balneis quibuſdam internis, detergentibus, refrigerantibus & emollientibus venter ſubducatur.

Venæ-ſectio, eaque pro modulo virium metienda atque iteranda, (ſecùs ſummum ius, ſumma foret iniuria) præſidium putetur *Ἀρναϊότατον* & *οἰζύτατον* generoſiſſimum &c

maxime præsentaneum, quod inter ληξί: πόρεξα ordine primum sit, vt dignitate præcipuum, nulli ætati nec infantili, nec senili negandum, renitente licet auctoritate Veterum quorum αὐτοὶ ἐν γάλαξιν & ἐν σπαραγαῖσι, in lacte & fasciis Medicina quodammodo versabatur. Nolimus itaque ἀρχαῖα & Φοβερὰ, ac ratio ætatum duntaxat ineatur pro definiendâ frequentia & copiâ educendi sanguinis. Tundantur autem primum venæ superiores, ac postmodum inferiores in suppressione solemnis effluuij menstrualis aut hæmorrhoidalis; vel vbi præter vacuationem opus est ἀντίσπασιν humorum sursum excurrentium, vt in cephalalgicis, paraphoricis & cataphoricis symptomatis; quodque mirum, innumeris compertum est experimentis, ipsasmet prægnan-

HISTORIA ET CVRATIO. 83

tes, potissimum mediis gestationis mensibus saphenæ apertionem fœ-
liciter & sine abortu tolerasse.

Apage igitur αἰμοφόροις conspe-
ctis in cute papulis venæ-sectio-
nem superstitiose abhorrentes.
Nam vt fileamus naturam oneris
parte leuatam, maioribus ausis,
aduersus reliquias materiæ alacrius
insurgere; certissimum est cutaneas
illas efflorescentias esse symptoma-
ticas, atque ἐκβροχιατὰ siue reie-
ctanea sanguinis exæstuantis, pro-
indeque phlebotomiam expostu-
lantis. At demus eas esse criticas,
tamen sine dubio crisis erit ἡμίρρο-
πος semiflua, & abscessus quasi di-
midatus, morboque impar, quem
adiuuare æquum est, eundo semi-
tam naturæ, ἀκτέα ἢ ῥέπει *lib. de*
συμφερόντων χειρῶν; *humor.* Atqui idem est
motus exanthematum & venæ-

84 FEBRIVM MALIGNARVM
sectionis, è centro ad circumferen-
tiam, è corporis penetralibus in
eius planitiem, tantum abest vt
apertâ venâ reflentur succi ad cu-
tem euocati, iterque relegant: An-
non enim inanitis per venæ-sectio-
nem artuum venis, sanguis è maio-
ribus interioribusque vasis conti-
nuitate quadam illicò affluit va-
cuum locum repleturus? quis igitur
negare aufit à phlebotomiâ sangui-
nem ferri non foris intro, sed in-
tus foras? Vnde etiam in inflam-
mationibus internis, item in mœ-
rore & timore improuiso vena sta-
tim ferienda est, ad sanguinis ac
spirituum in visceribus collecto-
rum explicationem; & quanquàm
post phlebotomiam somnus inter-
dum premat, ob dissipatos spiritus
quos natura refarcire satagit, is ta-
men iure interdicitur, ne præsidium

HISTORIA ET CVRATIO. 85

suo frustretur fine, nempe diffusio-
ne sanguinis ab internis ad externa.
Porrò venæ-sectionem in febribus
malignis minimè dissuadet color
sanguinis extracti non rarò flori-
dus ; id namque contingit quod
focus putredinis profundus sit at-
que angustus, putà exiguum venæ
cauæ spatium occupet, vt vel inde
probat, quod repetito sæpius sæ-
piusque hocce remedio ἡ γὰρ μοι κῶ,
ipsa quoque morbi minera tandem
exhauriatur, sanguisque putridus
effluat. Et quod sedulò notandum
motà febrili camarinâ assueuerunt
ægrotantes animi defectione cor-
ripi, sed quæ Medicum in artis ope-
ribus exercitum ac detritum haud
terrefacit, nec dimouet ab incepto;
Attamen hîc opus est cautione :
Nam tantò pleniore manu sanguis
extrahi debet, quantò putredo ve-

venenum superat ; ac vice versâ tanto parcius ille mittendus est, quanto venenum putredini præpollet, quâ de causâ liberaliorem phlebotomiam, quandoque nocentissimam fuisse dictavit experientia, itavt peste febris experte laborantes, pariter ac illi qui venenum ebiberunt, Medicos exoptent sanguinis, vt ita dicam, abstemios.

Phlebotomiam excipiet catharsis, potissimum si affuerit ventris multâ humorum fœditate saburrari *et c.*; quamuis nulla vel saltē adhuc obscura sese offerant pepasmi rudimenta, secûs dum vltiorem præstolamur coctionem, æger interim à cunctante veneno per se suffocatur. Alij tamen anticipandæ purgationis aliam causam afferunt, videlicet humorem malignum in contrariam abiisse coctio-

ni dispositionem, nec modo huius actum, sed potentiam quoque refugere, ac idcirco frustra expectari mitigationem humoris quæ nulla futura est. At hi manifesto aberrant; nam verum est quidem in febre maligna lethali materiam haud solum incoctam esse, sed etiam incoctilem, propriâque culpâ ac peruicaciâ τὸν ἐκ φύσεως χρόνον gratiam & ornamentum naturæ nunquam suscipere; sed in febre non lethali, succos malignos à natura utcumque coqui ac subigi indubitatum est, cum huius victoria in humorum pepasmo posita sit, ac variolæ suppurent, imo carbunculi, bubonesque pestiferi, si res ægri prosperæ sunt ac secundæ, ad maturationem perducantur; neque etiam bubones venerei, naturæ coquentis imperium detrectent.

88 FEBRIVM MALIGNARVM

comm.
2. de ar-
tic.

Purgatio autem in hisce febribus non mochlica sit, sed blanda, &, si fas sit cum vulgo βαρβαρίζω, minoratiua, quam συρμητισμὸν vocat Galenus, ex tamarindis, pulpâ filiquæ Ægyptiacæ, foliis orientalibus, rheo, syrupis diarrhodon, ac è floribus mali Persicæ, manna Calabrinno ad expurgationem serosæ immunditiei per febres malignas vberime luxuriantis.

lib. 1. de
dixi.

Præsente autem nausæâ, nec deiectionis sat proficuis iuxta ῥοτῶν humoris arte concitetur vomitus, quo non solum primæ, sed secundæ quoque & tertiæ corporis regionis impuritates emundentur: Nam si ventriculus iuxta maris facultatem dat omnibus & ab omnibus accipit, vt legitur apud Hippocratem: si mediante iecore, vniuersis corporis partibus copulatur, recipit.

que earum excrementa, iuxta doctrinam Galeni, quis non videt partes omnes etiam remotissimas ab humorum molestantium sarcinâ per ventriculum posse expediri? Nec immeritò obseruatum esse ab Aristotele ipsammet lassitudinem, ^{2. prob. gnost.} et si eius materia per musculosum genus longissime dispersa sit, vomendo sedari: præsertimque soporati egri sumpto Emetico euigilant, seu cataphora sympathica fuerit à plenis, fumantibusque præcordiis, seu idiopathica cerebro humorum multitudine inebriato: dum enim lancinatur vomitorio ventriculus, cerebrum simul proritatur ac communi quassatu atque *ὑμμάχια* humorum moles vtrumque hoc viscus opprimens excutitur; Nam propter nerui sextæ *συνίης* progeniem ventriculo largius circumfu-

4. prob.
bl. 7.

90 FEBRIVM MALIGNARVM
sam, eximius est ventriculi ac cere-
bri consensus; sic vomunt phreni-
tici, vertiginosi & hemicranici, ca-
pite sauciatis *πλεμσία* superuenit,
& singultus sternutamento fuga-
tur; hisque rationibus concinit ex-
perientia permultorum febricitan-
tium qui in Carum cæteris præsi-
diis inexpugnabilem iam delapsi,
ex ipsismet Orci faucibus, citato
vomitu, quasi virgulâ diuinâ reuo-
cati sunt; itavt huic veritati aduer-
sari, hominis sit plane inscientis,
inexpertiatque contentiosi: quod-
que notatu dignum, ipsamet gra-
uiditas in mulieribus vomitum non
dehortatur; hic siquidem nisi vio-
lentissimus sit, simulque deorsum
humores moueantur, reuellendo,
abortum potius arcet quàm prouo-
cat, cùm vtero gerentes etiam pri-
mis mensibus, quibus ob fœtum

HISTORIA ET CVRATIO. 91

adhuc tenellum religio est purgare Hippocrati, spontaneis nauseis ac vomitibus citra abortum quotidie diuexentur, quinimò reliquo gestationis tempore, illę melius habeant ac auspicius pariant.

Sed de vomitorij delectu inter viros grauissimos magno æstu disceptatur; *adeò indelebile malum est*, in-
 quiebat quondam Galenus, *eluique non potens circa seētas ambitio, ac scabie quāuis ad sanandum rebellius*. Alij enim stibium vtvt artificiosè præparatum tanquàm stygium traducunt remis velisque fugiendum; Alij verò eius in vino albo infusionem, sicut & puluerem, ceu augustissimum artis Phœbeæ Palladium venerantur, in quo spes inclinata recumbit. Hippocrates pro ciendo vomitu plurimùm utebatur veratro albo quod Elleborum sine adiun-

4. Aph.
1.

1. de nat.
tur. fa-
cult. 13.

92 FEBRIVM MALIGNARVM
cto appellare consueuerat. Sed
cum Elleborus albus venenatus sit,
ac *πυμεθς*, credibile est quamdam
eius correctionem Hippocrati fuisse
cognitam. Utinam hæc tempo-
rum iniuriâ non intercideret, idem
remedium lubentissime vsurpare-
mus; Ut enim in bello, sic in Me-
dicina veteranæ copię recenter
conscriptis præstantiores sunt, ac
medicamenta amicorum in mo-
dum haberi debent, è quibus no-
uos non decet veteribus anteferre:
Verum cum ista Ellebori castigatio
posteris fuerit inuisa, non est cur
tutissimum veratri Hippocratici
ἀντιβαλλόμενον tot victoriis reporta-
tis nobilitatum, scilicet Antimo-
nium, repudiemus, tametsi nupe-
ris temporibus adinuentum: Et
quandoquidem lis est de facto, si
quandoque viris placeat eruditissi-

HISTORIA ET CVRATIO. 93

mis qui tam aculeato eloquio in hocce remedium declamitant, posito omni præiudicio, salutarem illius virtutem experiri, iuxta illud præceptoris *μὴ δὲν εἰκῆ, μὴ δὲν ὀρε-*

p. 17 f.

2. l. 6.

Epid.

εργάζεσθαι nihil temere, nec nisi bene

subductâ ratione agendum, nihilque negligendum, confido fore ut

Antimonium colant pro Sospitâ

Medicinâ, nec ipsos pudeat præsi-

dium à musteis Chymicis mutuari,

cum iusserit Hippocrates nos etiam

lib. de

præ-

ceptis

ab idiotis discere quæ conferunt ad

curationem, nec pauca remedia à

brutis ipsis ars nostra medicauerit,

alioque loco idem Hippocrates di-

lib. de

Veter.

Medic.

xerit Medicinæ principium & viam

iam dudum patefactam esse, reli-

qua verò in posterum detectum iri;

item scientias & artes per addita-

lib. de

arte.

menta fieri: pariterque à Galeno

scriptum sit, materiæ facultates de-

2. 2^a m.

mus l.

94 FEBRIVM MALIGNARVM

clarari experiētiâ, ac per hanc auxiliorum copiam progressu temporis adaugeri. Quod si Antiltiani, ἰσχυροὶ μὲν εἰς, ad opinionem conceptam semel atque adamatam tanquàm ad saxum velint adherescere, tenentur saltem aliud nobis sufficere vomitorium Hippocratici Elleborismi Ἐποτρυντῖον; vel cogitent apud se, Annon ipsis iure tribui possit illud Galeni, *qui eiusmodi sectis sunt addicti, non solum nihil norunt, sed ne discere quidem dignantur.*

Idenatur. facult. 13.

Post sufficientem & aluinę & venosę plenitudinis depletionem, cucurbitulę scarificatę, scapulis, lumbis, ac interne crurum regioni vtiliter affiguntur, imo fortius reuelunt, ac leuiore virium delibatione quàm ipsa venęsectio: Nec infructuosa sunt quamplurima cornicu-

HISTORIA ET CVRATIO. 95

la cum tenuissimis cuticulę incisuris , hic & illic aptata : *Φοινίαν* quoque remedia , & magis adhuc vesicantia , non solùm interscapulio & pone aures , sed brachiis quoque & cruribus applicita , humores altius insidentes ad cutem euocant hancque , vt loquitur Aurelianus , ^{3. tardus} ^{pass. 14} papulare faciunt.

Nec tantùm sensibiles euacuationes sunt instituendę , sed insensibilis quoque per cuticulares meatus diffusio concilianda. In quem finem præter alexipharmaca & cardiaca remedia , iamiam enumeranda , quorum pleraque conducunt ad *Ἀλγὸς* , rareque faciunt lateramina cutis ; laudatur Antimonium quod deposita vomitoria ac purgatiua virtute , diaphoreticum euasit ; viui etiam catuli , pullive columbini per mediũ dissecti , aut

96 FEBRIVM MALIGNARVM

veruecum recens mactatorum pulmones lienesve detonso vertici, alis, inguinibus, carpis manuum, plantisque pedum meritò apponuntur. Sunt qui bufones lecto subiiciant vt venenum ægrotantis, propter similitudinem, ab istorum animalium veneno eliciatur, haud secùs ac ignis partis ambustæ Empyreuma prolecat. Alij in eundem scopum, tempora, axillas, manuum carpos & inguina oleo scorpionum inungunt, atque etiam arsenicum præscribunt ad cordis regionem è collo pendulum.

Cæterum vacuationi cùm patenti tùm latenti ita incumbendum, vt interim de alterantibus simus solliciti pro extinctione incendij febrilis: Nam quemadmodum sublatâ portione aquæ bullantis, hæc non tepescit, sed venti frigidi afflatu,

tu, ac præsertim frigidaë affusione,
 fluctus eius sternuntur atque con-
 flaccescunt; sic ad humores tumi-
 dos vndantesque deprimendos at-
 que tranquillandos, refrigerantia
 sæpenuerò plus profunt quàm
 euacuantia. Talia verò eligantur
 quæ obstructas vias vnà recludant,
 vt radices fragariæ, graminis, den-
 tis leonis, herbæ cichoracæ, inty-
 bacæ, endiuia, cicerbita, buglof-
 sum, borrago, ac oxytriphylum præ-
 cæteris conuenientissimum, pro-
 pter aciditatem, sicut & oxalis præ-
 cipue rotunda. Vt enim extra cor-
 pus materiæ sulphuræ inflammabi-
 litatem acida reprimunt; sic intra
 corpus, flammantem bilem frē-
 nant: id docet Hippocrates sect. 3. part. 38.
 de diætâ acutorum, vbi ait acetum
 picrocholis magis conferre quàm
 melancholicis, quoniam in his

98 FEBRIVM MALIGNARVM
atrum humorem fermentat atque
multiplicat : in illis verò ab aceto
τὰ πικρὰ διαλύεται καὶ ἐκφλεγματῶται
μεταερίζονται ὑπὸ αὐτῶν, amara dis-
soluuntur ac pituitescunt, dum ab
ipso in sublime attolluntur. Neque
autem per ἐκφλεγματῶσαι intel-
ligit Hippocrates in pituitam verti;
sed pituitę qualitatibus vt frigidi-
tate & crassitie donari, quo sensu in
senibus bilis dicitur φλεγματῶσαι,
ideoque reddi κατὰ ῥόπον. Itaque
ex plantis dictis, maxime ex acidis
parentur decocta ad amplas doses
quibus in gratiam egrotantium,
saccharum dissoluetur; sed in mi-
nima quantitate, quod saccharata
omnia non minus quàm mellita
obstruant ac bilecant, saccharum
enim amarescit longiore cocturâ,
continetque sulphureos spiritus
qui in tenebris affricu ignescentes

coruscant ; vnde etiam immoderato eius vsu, non minùs quàm foricarum putore ; aut assumptis actu nimium calentibus ; niueus dentium candor nigrescit. Prætermitto semina quatuor frigida maiora communiter sic vocata, eò quòd cucumeris semen iudice Hippocrate, humectet quidem ; sed vrat propter pingue & oleosum ; sicuti amygdalæ, docentè eodem Hippocrate, quia carneę nutriunt ; sed sunt estuofę ratione pinguedinis. Hic quoque serum lactis è caprâ præsertim recenter foetâ, suas meretur laudes, ac profectò nobiliores quàm ingrata apozemata atque nauseosa, ne dicam cum Hippocrate *μονὴ τοῦ γάλατος* : Nec renuit eiusdem Hippocratis auctoritas ; cui piaculum est lac propinare acutâ febre correptis. Lac namque è

l. 2. de
diæt.

ibid.

lib. de
decent.
ornat.s. aph.
64.

100 FEBRIVM MALIGNARVM

triplici coagmentatur substantiâ,
 butyrosâ, caseosâ & ferosâ; buty-
 rosa, quoniam pinguis, proindeque
 conflagrabilis, auget ἐκπύρωσιν ca-
 loris natiui, in qua febris natura
 consistit: caseosa quę terrestris est
 atque crassa, obsepit vias, ac idcir-
 co coniunctam fouet febris putridę
 causam: At serosa rite depurata re-
 frigerando atque aperiendo & fe-
 bris essentiam, & eius causam op-
 pugnat, potissimum si ἀγανιστικῶς
 hauriatur.

Neque solis ingestis, verum ad-
 motis etiam ψυχτηρίοις feruentia
 viscera contemperentur; vt enim
 ἐκπύρην, sic εἰσπύρην τὸ σῶμα, paretur
 ergo fatus abdominis tepidus ex
 decoctione foliorum lactucę, por-
 tulacę, solani, violarum, florum
 nymphę factâ in oxycrato, mini-
 meque audiantur qui externa re-

HISTORIA ET CVRATIO. 101
media flocci faciunt. Quemadmo-
dum enim in prælio non gladiis so-
lùm & grauioribus telis res geritur;
sed etiam funditorum quædam
opera, leuifque armatura est, sic in
militia Medica non tantùm poten-
tibus remediis, tanquàm armis de-
cretoriis dimicandum; sed mitiori-
bus quoque velitandum est.

Alexiteria postmodùm & car-
diaca in vsum veniant; quoniam
autem mixtæ plerumque sunt fa-
cultatis, & quæ veneni vim infrin-
gunt, simul quoque cordis virtu-
tem tuentur; & pariter quæ cordi
benefaciunt, venenositati contra-
riantur; ideò vtrorumque coniu-
ctim mentio facienda est.

Hoc in loco non possumus non
detestari impudentiam haud Agyr-
tarum modò, & parabolanorum;
sed, pudet dicere, quorundam

etiam Medicorum, qui vni lucro
inhiantes, illicitum monopolium
in Rempubicam Medicam, secre-
tis suis non verentur introducere.
Conqueramur quoque de sum-
ptuosis eorum officiiis qui magni-
fica ostentant remedia, vt ipsi apud
imperitam plebem, *avidum genus*
auricularum, magni pendantur; ver-
bi causâ, margaritas, sericum, la-
pidum quinque pretiosorum frag-
menta, atque adeò, si diis placet,
aurum ipsum: item lapidem bezoar
qui malis institorum artibus fere
semper adulterinus est, & quamuis
germanus suppeteret, vix maioris
esset efficacix: Os de corde cerui,
quidni & bouis? cuius cor osse quo-
que non caret: Cornu Monocero-
tis, id est quadrupedis fabulosi,
nec vsquam visi; rectum enim illud
ac procerum cornu tam curiose

asseruatum, piscium quorundam
ori vtrunque adnascitur instar fal-
catorum apri dētium, vt Groënlan-
diæ nauigatores nuper retulerunt.
Hicque nonnullorum Medicorum
futilitas redarguenda est, qui vim
margaritis inesse humorum acri-
moniam, vt loquuntur, dulcoran-
di, exinde nituntur probare, quod
acerum peractâ ipsarum dissolutio-
ne, dulcescat: patet enim salem quo
imbuitur dissoluens, margaritis
vniri, atque liquorem relinqui qui-
dem dulciorem, verum margaritas
liquefactas ab adiuncto sale ita
acres reddi, vt post præcipitatio-
nem, exacta indigeant ablutione;
quapropter concludamus expeten-
dam esse candidis Medicis legem
sumptuariam quæ medicamento-
rum, similiter ac conuiuiorum &
vestium luxum compescat; attar-

104 FEBRIVM MALIGNARVM

lib. de
vict.
rat. in
morb.
acut.

men media via terenda est, nec minus vitare conuenit remediorum sterilitatem quàm luxuriam, ne in Magistrorum Cnidiorum errorem labamur, quos reprehendit Hippocrates, quod paucis numero vterentur præfidiis: Quin potius Medicum vt in peruidendo morbo Argum esse expedit, sic in eodem propulsando Briareum, liceat vti hâc metaphorâ: medicamenta enim, authore Herophilo apud Galenum, manus sunt Deorum, necnon etiam Medicorum qui ἰατροθεῶν elogio honestantur.

Igitur remediis quibus plus vanitatis inest quàm veritatis, valere iussis, optimum erit in febribus malignis cordis vim roborare, simulque veneni diritatem mollire, tincturâ florum violarum, buglossi & borraginis in aqua acetosâ, scabiq-

sæ, cardui benedicti, aut calendu-
 læ cum spiritu vitrioli vel sulphuris
 extractâ ; item aquâ stillatitiâ aut
 decocto radicis Scorzonæræ Hispa-
 nicæ, admixto succo mali Punici,
 vel aquâ rosaceâ ; sed præcipue
 commendatur mali citrij succus,
 cortex & semen è quo emulsioncs
 poterunt concinnari : hic namque
 fructus est καρδοφύλαξ, & corru-
 ptioni tam valide obfistit, vt à ve-
 stibus quibus interponitur, tineas
 abigat. Narratur ab Athenæo hi- lib. 3.
 storia de duobus reis ad serpentum
 morsus damnatis, qui dum ad
 theatrum ducerentur, malum ci-
 trium singuli acceperunt à caupo-
 nâ quâdam obuiâ eorum vicem
 dolente, moxque ab aspidibus
 commorfi, nihil molestiæ sense-
 runt, hæsitabundo ac attonito iu-
 dice; audito autem citrium ab ipsis

comestum; postridie alteri rursus
dari curavit, alteri denegari, am-
bosque denuò deduci ad suppli-
cium; hicque serpente percussus
confestim periit, altero incolumi
qui citrium esitauerat. Præterea
cristallum minerale valentissimū
est venenatæ putredinis, ἀλέξημα;
Nitrum enim extra corpus, figit
frangitque venenum arsenici & au-
ripigmenti, antimonij malignitas
nitro corrigitur, venti frigidi sicci,
quia nitrosi stupefaciunt animalia
venenosa, loci in quibus nitrum
gignitur, rarò tentantur peste, ac
pyrij pulveris virtus singularis ad
purificandas ædes pestilentiam infe-
ctas, nitro præsertim debetur eius
compositionem ingredienti. Quod
spectat ad officinales antidotos,
probatissimæ sunt confectiones de
hyacintho, & de cocco baphico, vñ

neque reprobari debent trochisci
viperini, nisi obstet febris ardor.

Postremò notandum est per fe-
bres male moratas, etiam in peren-
nitate vigiliarum, nonnisi cum
μετὰ ἀκριβοῦς seu accuratâ circum-
spectione ad narcotica deuenien-
dum esse: hæc namque conclama-
to frigore, vel potiùs tacitâ discor-
diâ (cum ne plures quidem niuis
aut glaciei libræ talem effectum
præstare valeant) natium calorem
vi morbi iam marcescentem facile
exstinguunt; tantùm abest vt affli-
ctos spiritus erigant, perditosque
recreent. Proindeque hîc locum
dare tutius est Dioclis sententiæ,
stupefacientium vsum penitùs im-
probantis: sæpe enim vfu-venit vt
malignâ febre laborantes, narco-
ticis quanquàm debitâ dosi sum-
ptis, è peruigilio repente in Ca-

108 FEBRIVM MALIGNARVM
rum demergantur inexuperabi-
lem, qui non veluti publicanus vi-
tæ dimidium aufert (vt de somno
naturali dicitur) sed tanquam fica-
rius integram vitam eripit.

lib. de
Vet.
Med.

Iam ad diætam. Docet in gene-
re Hippocrates ægotantes plus
lædi à victu sanorum, quàm sanos à
cibis brutorum; sed speciatim in
febris malignis, si in alio quouis
morbo, legitima viuendi ratio im-
pense seruanda est, quæ nimirum
non modò naturæ studeat, sed
etiam cum morbo pugnet: Nam fa-
cilius est corpus secundum primas
qualitates immutare per cibos &
potus, qui & maiore copiâ inge-
runtur, & in humores ac partium
substantiam transmutantur; quàm
per medicamenta quæ & in mino-
re assumuntur quantitate, & in cor-
pore parum morantur: Adde quòd

natura medicamentum vt aduer-
sum respuat, alimenti autem beni-
gnitate capta, illud auidius ample-
ctatur. Quâ de causâ hygieine om-
nium Medicinæ partium antiquis-
sima est, & Asclepiades, aliique
prisce Medici vnam *ὑγιεινὴν* exco-
lentes, *φαρμακευτικὴν* ablegabant.
Igitur nutriatur æger alimentis me-
dicamentosis, nempe iurulentis è
carne pulli ac vituli, quibus olera
refrigerantia incoxerint, additâ
agrestâ, aut succo Arantiorum. Re-
iciantur carnum expressa ac torti-
ua iura, quoniam serosa atque siti-
fera, ac multò magis iuscula stilla-
titia, quæ omni nutritoria facultate
exuuntur. Ab ouis etiam nuper
editis ac sorbilibus, si fieri possit,
febricitans abstineat; Quorum
namque albores refrigerant qui-
dem; sed vitellus calefacit ac ver-

110 FEBRIVM MALIGNARVM.

titur in bilem, vtpote è quo oleum
satis copiosum arte exprimatur. Eò
πρωτέως καὶ ἀσποτέως cibetur æger
quò vires imbecilliores fuerint, &
febris malignitas intensior. Potus
fit decoctum è ferragine, vt cum
^{4. tard.}
^{pass. 8.} Aureliano loquar; hoc est rasurâ
cornu cerui & eboris, vel purum vel
cum syrupo ribes; oxyacanthæ;
aut acetosi simplicis. Tandem absit
pædor omnis atque sordities quæ
& calefacit, & perspirationi officit,
& foetore cor ac cerebrum inqui-
nat; nec idcirco Medicis quibus-
dam scrupulosis atque inofficiosis
assentiendum, qui linteorum mu-
tationem tam seuerè ægrotantibus
prohibent.



DISSERTATIO PATHOLOGICA.

DE RHEVMATISMO.

P*Ευματισμός* specialiter pro catarrho nonnunquam auditur, siue humoris è capite decubitu; interdum generatim, ac iuxta vim etymi sumitur pro materiæ vnde- cumque ad quamvis partem ap- pulsu; qua significatione conge- stioni opponitur, & tumores vel *κτ' ῥθιματισμόν* ab humore aduenâ, vel *κτ' σιναδεγῆτον* à materia indige- na dicuntur generari.

Vsus verò obtinuit vt rheuma-

112 DE RHEVMATISMO.

tissimi nomine , dolores erratici intelligantur externum corporis habitum occupantes , ab effera materia vltro citroque peruolitante. Quemadmodum populares morbi sub eadem specie plurimos homines peræque corripunt, sic in rheumatismo vnus speciei dolores, ceu priuata quædam Epidemia , in plures hominis partes sparsim grassantur.

Hi dolores defultorij ac humorum ὄργασμος ab Hippocrate celebratus in eo conueniunt, quod in vtroque affectu errabundus humor quasi lasciuiat, more animalium quæ libidinis æstro percita stare loco nesciunt: At in tribus discrepant. Primò quidem Hippocraticus humorum orgasmus acutissimarum atque malignarum febrium comes est, ac licet hæ tempora sua velociter

DE RHEVMATISMO. 113

citer percurrent; orgasmus tamen
 rapidiore adhuc celeritate suum
 conficit cursum; furit siquidem
 per initia febrium; sed iisdem iam
 prouectis conquiescit: Contrà ve-
 rò rheumatismi non infrequenter
 sunt ἀπὸ ρετι, vel saltem blandâ
 febre comitati, ac diutissime ægro-
 tantes exercent: Secundò rarò
 turgent humores, τὰ πλεῖστα ἔκ ὀργᾶ, 1. Aph.
 inquit Hippocrates, rheumatica 22.
 autem affectio haud insolenter sæ-
 uit: Denique in orgasmo impacati
 humores atque procellosi penetra-
 lia corporis magis quàm eius atria
 perambulant, ideòque iuxta Hip- 4. Aph.
 pocratis præceptum, in ipso ægri- 10.
 moniæ principio, quamuis integra
 sit cruditas, ipsos cathartico festi-
 nanter deturbari æquum est, ne
 impetuosè ruant in partē aliquam
 internam & principem. Rheuma;

H

tismorum verò dolores corporis duntaxat pomæria obsident, nec penitiora eius subeunt adyta, proindeque si alicui parti humor sese affigere meditetur, hæc externa est atque ignobilis, nec idcirco materiæ inclinatio præcipitem ante peripasmum purgationem extorquet.

Mouentur vagæ illæ dolorum tempestates à biliosâ vel ferosâ colluie, ex alto corporis in tertiam eius regionem ablegatâ, cuius ἐρεθισμὸν cum singulæ partes ægrè tolerant, eam confestim à se amandant, vnde humor horsum vorsum varie impellitur, nec vllibi locorum desidet, ita ut non pauciora sint supplicia quàm membra. Imò subitanei ac incerti eiusmodi transfluxus causam agnoscimus, non modò conatum naturæ, humoris γαλαλισμὸν impatienter ferentis, verum

DE RHEVMATISMO. 115

quoque indolem ex se volubilem
ipsiusmet humoris, qui non solum
qualitate quâ naturam prorit,;
acerrimus est, sed etiam substantiâ
tenuissimus; & temperamento vel
corruptione calidissimus, ideoque
spontaneo & velut meretricio ap-
petitu, alias aliasve partes vicif-
sim infestat, noua semper quærens
hospitia: quæcumque enim calore
excellunt, simulque constant exi-
litate partium, sunt ἀντικίνα &
ἀεικίνα, vt patet spirituū exemplo.

Quidam forte arbitrabuntur fre-
quentem illam ac inordinatam do-
lorum παραλλαγὴν, minime pen-
dēre ab vnius eiusdemque humoris
huc & illuc deportatione; sed vel
materiæ propagationem subin-
de fieri, vel materiam in omnibus
partibus eodem tempore contine-
ri, atque in illis successiuam pati

fermentationem; similiter ac pruriginosi, mox vnius, mox alterius membri prurigne vruntur, non humore hinc inde traducto; sed succo acri qui sub vniuersâ cute dispersus est modo hîc, modo illîc feruente. Verumtamen si daretur in rheumatismo materiæ morbificæ non *μεταστάσις*, sed *ἐπιπύρεσις*, recentes dolores pristinis adiicerentur; at nullo pacto sese inuicem exciperent, nec vno dolore nascente, alter actutum denasceretur: tam momentanea etiam atque fugax eorumdem humorum in eodem loco consistentium nunc commotio, nunc quies vix possibilis est, ita vt erroneos dolores à diuagante materiâ oboriri longè probabilius videatur.

Materia rheumatismi duplex constituitur, bilis flaua eaque sub-

DE RHEVMATISMO. 117

tilissima, ardens atque mordax seu putrefacta, seu putredinis expers, & serum quod non est pura puta aqua, sed phlegma, ut loquitur no-uitia pyrotechnicorum gens, sale imprægnatum: si itaque serum vel vberiore, vel acriore sale aspersum fuerit, tales dolores procreare aptum natum est: appositæque Aristoteles ichorem ita distinxit ut alius generetur necessitate materiæ, alius verò gratiâ finis, quo tanquam vehiculo per omne corpus ducitur sanguis: *ὁ μὲν ἐξ ἀναγνῆς ἰχὼρ, ὁ δὲ αἷματος χάλει βέλ*: hic per se mitior, ille agrestior ac rheumatismorum parens, cuius quoque feritatem augēt. *ἡ ἀκρίσις*. Nam quemadmodum tertianarum intermittentium paroxysmi crudelioribus stipantur symptomatis, quàm continuarum anadiplofes, quoniam illic extraua-

2. de
part. 2.
nim. 4.

fata ac sincerior bilis, est ἀχάλινος totaque sui iuris; hîc vero bilis quæ in venis stabulatur, non est αὐτόνομος, sed à commixto sanguine χαλινωγύεται; sic in rheumatismo biliosi, serosique humores exinde petulantiores euadunt, quod à proborum succorum cœtu sint secreti, nec sanguinis commercio amplius contemperentur.

Si quis duabus hisce causis pungentes vapores, flatusque distendentes annumeret, ille profecto à veritate non aberrabit, cum in halitiosa ac flatulenta materia, nullæ earum conditionum desiderentur quæ ad mobiles dolores membris infligendos necessariae sunt. ˆ

Cæteri succi ut pituitosi atque melancholici utpote qualitate mites, substantiâ crassi, ac temperie frigidi, & naturam minus percel-

lunt, & pigriores sunt quàm vt tam promptè currere & transcurrere queant: sanguis quoque, partim quia viscidior atque *βραδύπορος*, partim quia carens aculeo, inconstantes eiusmodi dolores nuspiciet, nisi vel putredinis maleficio faceffat in bilem, vel caloris colliquantis ope ferescat.

Causa rheumatismi, vlcerosæ lassitudinis & rigoris, tametsi cognata sit, adeo vt hi tres affectus persæpe consocientur; differt tamen quod vlcerosæ lassitudinis materia immota perstet, membris pertinaciter astricta; humor vero *πυρρὸς* circa particulam cui adhæret, agitetur quidem, sed sedem non mutet, neque inde alio transmigret: hinc enim fit vt concutiantur partes ad obiecti laceffentis ac immorantis excussionem: quod non

contingit in rheumatismo cuius humores palantes, vel potiùs discurrentes acriter, sed non diu vnamquamque partem fodicant.

Biliosam serosamque illam *πλεονεξίαν* cumulant hepar & lien si præcalida æstuent intemperie, ac sicut hepar bilis *ἐργαστήριον*, ita lien feri *μηδ' ὅπολις* existimari debet.

Viscera hæcce nobilia, vt vegeta vis expultrix ad propriam tutelam ipsis naturaliter indita est, sic degeneres ac noxios quos progenuerunt humores tanquam adulterinam sobolem respuunt, eosque propulsant in vasa primùm maiora, dehinc in minora, ac tandem in minima è quibus in habitum corporis eructantur. *Febris ardens fit, inquit Hippocrates, cum venula æstiuo tempore exarefacta acres & biliosos ichoras ad se attraxerint. Ori-*

4. de
diæt.
acut.

go atque genitura rheumatismi ē diametro opposita est, vbi nempe venulæ acri & bilioso sero prægnantes illud in corporis ambitum per quandam veluti *ναυσίασι* euomunt: Itaque affinis est causi & rheumatismi materia; sed in illo fertur humor foris intro, in hoc intus foras mouetur, illic venulæ exhaustæ sunt atque sitibundæ, hîc vero turgidæ atque saturatæ. Iuuat humorum *μεγάλησι* partium suscipientium imbecillitas; nam Oeconomia corporis Oligarchiæ iure comparatur, in qua Magnates plebeculam opprimunt, publicis oneribus in ipsam depositis. Nec tantum *κατ' ὅσιν* humores eo truduntur; sed *καθ' ἐλξιν* quoque raptantur à carnibus siue excalefactis siue dolentibus.

Fauet huic morbo cæcorum cu-

tis spiraculorum, seu obstructorum
 seu densatorum angustia obstitans
 τῇ ἀδύλῳ Ἀγπνοῇ quam latentem
 disiectionem vocat alicubi Aure-
 lianus : Vnde hyeme dolores με-
 ταβλητικοὶ sunt magis familiares, ac
 per noctem potissimum inuales-
 cunt : Attamen vidimus, quod
 obiter dictum sit, inueteratum
 rheumatismum in iuvene robusto
 ac per æstatem ψυχρολογία perfa-
 natum, collecto per antiperistasin
 intus calore qui materiam morbifi-
 cam vel mitificauit vel discussit, eo
 pacto quo liberalis frigida perfu-
 sio tetano medetur apud Hippo-
 cratem.

s. aph.
21.

Ex allatis planum est eos hallu-
 cinari qui hanc passionem catar-
 rhis adscribunt : Nam sicut aqua è
 fluminis alueo in proximos cam-
 pos exundans, pluuia dici non de-

bet, quippe quam de cœlo cadere
 necesse sit: Ita in corpore humano
 humorum è venarum riuis effusio,
 catarrhinomen non meretur, quod
 huius materia ad imbris modum è
 capite necessario depluat. Adde
 quod in vniuersali catarrho mem-
 brorum dolores constantes perma-
 neant, vel saltem superne deorsum
 deuoluantur; non sint vero ἀπαντοι
 ἔκπεπλανημένοι, nec φοβῶν habeant
 inferne fursum, aut è latere ad latus
 saliant.

Patientem locum dicebamus
 esse exteriorem corporis habitum,
 videlicet vel illud totius corporis
 integumentum quod panniculum
 carnosum Anatomici vocitant, vel
 musculos, siue secundum eorum
 carnem, siue secundum membra-
 nam vnicuique musculo peculia-
 rem, aut etiam communem illam

tunicam quæ omnem musculorum
turbam amicit, ne in motibus diffi-
liant : Nam authore Hippocrate :

lib. de *Interstitia musculorum ut spiritu plena*
arte. *sunt in secundâ valetudine, sic ichori-
bus in aduersâ.*

Articuli præterea non rarò in-
festari solent rheumatismo arthri-
tidem mentiente ; distinguuntur
tamen quod ille careat circuitu
(quia nondum adepta est articulo-
rum imbecillitas reducem faciens
morbum) hæc verò periodicè re-
currat : deinde quod ille plures si-
mul articulos, hæc vnum fere arti-
culum affligat, Rheumaticos arti-
culorū dolores Hippocrates ὀδυνῶν
vel πόνος τῶν ἁρθρῶν, aut πᾶσι τοῖς
ἁρθρῶσι consuevit appellare, inter-
dumque addit ὁ πόνος τοῦ ἁρθροῦ ;
quo sensu eos qui in Aeno ex ni-
mio erui est eiufmodi dolores ge-

lib. 2.
prorh.

DE RHEVMATISMO. 125

num contraxerant, non ἀπὸ Σπληνικῆς
 vocat, sed γενναλγείας: ita Eunuchi, f. 4. l. 4.
Epid.
 mulieres & pueri, in quibus podagra
 ἀπολείαν siue vacuitatem tribus
 aphoristicis sententiis ratam esse
 voluit Hippocrates, à rheumatismo
 articulorum immunes non sunt. aph. 28.
29. &c
30. f. 6.

Porro sicuti dantur orgasmi par-
 ticulares, ac humore, verbi causâ,
 intra cranium tumultuante, mox
 cephalalgia, mox conuulsiones,
 mox deliria per vices consequun-
 tur, horumque rursus magna exur-
 git diuersitas, prout materia, vt ita
 loquar, Epidemica, varios cerebri
 tractus peragrat: Ita nec desunt
 singulares rheumatismi aliquod
 membrum impetentes, intacto re-
 liquo corpore. Non ita pridem vir
 splenicus quadraginta annos na-
 tus, rheumatismo brachij sinistri
 κατ' ἰξιν affecti lienis laborabat;

diri dolores; omnes alternatim particulas inter humerum & extremos digitos sitas raptim, & quasi petauricâ iactatione percurrerant, itavt mulierculæ veneficium subesse suspicarentur.

Rheumatismus per se satis innotescit: dolores pro materiæ qualitate modo leuiores inuolant in exteriora membra, modo acutiores itavt ægri à subiectis stragulis, & instratis vestimentis non impune tangantur, ἐν τρώμασι καὶ ἰματίοισιν ὀδυώ-
 3. pror- δειε (inquit Hippocrates.) Eò au-
 rh. 16. tem crebrior rariore est dolorum alternatio; quò humor propter maiorem minoremve tenuitatem, irrequietior aut tranquillior fuerit: situm dolorum quod attinet, hi sæpe sæpius sublimes sunt, rarènter profundi atque ὀσκόποι, quoniam materia λεπτομερὴς perioestio vix ad-

hærescit; sed corporis superficiem appetit; pariter ac in febris tertianæ rigoribus ossi cruciatus absunt, qui in horroribus quartanariis ob materiæ in imo delitescentis *παχυνσιαν* sæuissime torquent: Crebri quandoque ac leuiusculi horrores fatigant; sed *ἀπὸ πρὸς πρὸς*; aut saltem febris quæ affectatur, tepida est, à simplici videlicet efferuescentiâ ferossæ plenitudinis, eademque noctu recrudescit, quo tempore ichorosis humoribus, ob symbolas ratione aquossæ substantiæ cum nocte qualitates, datur perturbari. Quod si febris æstuosior emicet, hanc utique præter rheumatismi genium aliunde accedere indubitatum est: sæpiusculæ autem per rheumatismos perfecta notatur integritas à febre, vel quod humor præferuidus sit, sed incorruptus; imputris enim

humorum excrementitiorum φλό-
 γωσις nullam febrem succendit, vt
 liquet ex cholerico pathemate, ma-
 nia ac hypochondriasi, in quibus
 omnibus, sicut in ira, calor auge-
 tur, sed non πυρετωδῶς; vel quod li-
 cet humor computruerit, hic ta-
 men à præcordiis procul ad circum-
 ferentiam corporis arceatur, natu-
 râ legitimos succos ad vitæ custo-
 diam intus asseruante; vnde san-
 guis primis diebus corruptus detra-
 hitur, sed iteratâ multoties phlebo-
 tomia, tandem laudabilis effluit,
 aut ad summum ἀκρῆτος, id est orba-
 tus rorulenta sua humiditate quæ è
 venoso genere quaquauersum in
 carnes tota ferme diffunditur,
 nisi forte ea sit feri copia, vt. venas
 repleat, simulque in carnes resta-
 gnet. Quicquid sit, febres putridæ
 in continuas ac interpolatas diri-
 muntur,

muntur, quarum illæ in grandioribus vasorum stipitibus, hæ in parvis aluinis focum suum habent: At nullarum minera posita est in corporis habitu; sic à lassitudine phlegmonosâ, febris per se remota est, licet omne musculosum, nervosumque genus ἐπιφλόγισμα perpetiatur.

Rheumatici dolores vt sede & nocturnâ exacerbatione, ita etiam contumaciâ, cruciamenta venerea æmulantur; Nam plurium mensium, imo etiam annorum spatia quandoque superant, cùm ob partium nutritiarum firmatam intemperiem quæ perenni & continuatâ generatione materiam renouat, tum quod vagabunda ac disseminata materia coctiua non sit; Nam

vt ait Hippocrates, ὅσα πεπαίνεσθαι p. 23. f.
 δεῖ, καὶ κικλῆσθαι δεῖ, 2. l. 6. quæ maturatio- Epid.

nem postulant, ea occludi conuenit. Si effrænis humor post tot velificationes & circumlationes, in membro aliquo externo tandem sistatur, illud in tumorem attollit, motu spoliât, doloresque stabiles ei infert, prioribus tantò rebelliores, quantò incuneata materia volatili minus est morigera: Notum est illud Hip-

p. 16. f.
6. l. 6.
Epid.

ποκράτης, ἐν τοῖσι παλιμῶδουσιν αἱ μεταβολαὶ ὠφελέουσιν: In morbis facile mutabilibus mutationes iuuant. Lubricus est rheumatismi in arthritin transitus, præsertim si æger peccet in vitæ genere, & articulari tormento aliàs obnoxius vixerit; communis namque est vtriusque morbi materia, itavt nonnulli rheumatismū vniuersalis arthritidis nōmine donauerint. At internæ ac principales partes ab incurso seditiosi humoris tutæ esse solent, ni tantâ

DE RHEVMATISMO. 131

ubertate circumfluat; vt vix vllum
 sit membrum, vel externum vel in-
 ternum quod oberrantis cacochy-
 miæ ictus declinare valeat. Datur
 rheumatismus criticus naturâ sub
 finem morborum ἀποσαίν siue se-
 cessionem humoris moliente non
 κατ' ἐκκρίσιν, ob vires materiæ elimi-
 nandæ impares; sed κατ' ἀπορρίσιν tan-
 quàm excretionis vicariam. Rheu-
 matismus vtiliter vrinis, sed com-
 modiùs sudoribus soluitur; quan-
 doque etiam crassior huius mate-
 ria in cutaneas turpitudines vt sca-
 biem & phlyctænas egerminat.
 Tandem venæ electam materiam
 interdum resorbent, fitque ἀμύρω-
 ης illius succi, cuius facta fuerat
 πλημμυρίς, ægrique vorfuram sol-
 uunt propter humoris παλινδρομήν
 ad incaua corporis spatia quæ χεῖλαι
 vocat Hipp. in quibus vitæ præsidia
 locata sunt.



DISSERTATIO PATHOLOGICA.

DE BOMBIS AVRIVM.

A Er auribus implantatus, is-
que, si Philosopho fides,
2. de a- ^{ἐμψυχος} sedes ac domicilium ^{ἀκρότης}
nim. 8. non modò purus, verùm
etiam immotus esse cupit: si puri-
tas eius inquinetur, vt Nautis, Pis-
catoribus cæterisque θαλασσοποιοῖς,
homines efficit surdaestros; si turbe-
tur illius tranquillitas: *Fiunt sollicitæ*
Lucrer. *plenaque sonoribus aures*, licet foris
lib. 6. omnia taceant.

Hoc symptoma ^{ὁδὸς ἀκρότης}, παρὰ

DE BOMBIS AVRIVM. 133

αυροις & παρὰκουσμα Græcis dicitur,
Latinis quibusdam obauditio, ac
nonnullis aurium tonitru. Auer- lib. 3.
roës auditum phantasticum, id est colli-
get. c.
falsum & apparentem appellat. 37.

Super hacce Auerrhoïs ὄροματλο-
για notandum est mediantibus so-
norum simulacris in gremium me-
moriæ reconditis, delirantem phan-
tasiā posse in medio silentio præ-
sentes sonos temere sibi imaginari;
sic Theophilus Medicus apud Ga- lib. de
lenum aulædos in domus angulo differ.
adesse pro certo affirmabat, die no- sympt.
ctéque sine intermissione tibiâ ca- cap. 3.
nentes; Talis etiam fuit nobilis ille
Argiūus apud Horatium:

Qui se credebat miros audire tra-
gedos lib. 2.
epist.
ultim.

In vacuo lætus sessor, plausorque
theatro.

Sed monendum est quoque sensus

externos è contrariò nunquam operari, remotis suis obiectis, proindeque auditum in hoc affectu non deprauari circa sensibile proprium, quia interni soni actu ac positiue τὸ ἀκροῦς αἰσθητικόν afficiunt: At solummodò decipi circa sensibile commune, siue locum istorum sonituum quos audiendi facultas externæ auditioni assuefacta, tanquàm exteriores sentit, licet reuera interiores sint; itavt tamen erratum istud ab interno ac superiore sensu corrigatur; sic oculus in παρὰ φύσιν, aut præternaturali colore tingitur, aut anathymiasī suffunditur; sed non cernit κατ' ἀληθείαν, dum vel *contage sua palloribus omnia pingit*, colorem quo ipse inficitur, quasi exterus esset, apprehendens, vel corpuscula in spatio à corneâ ad crystalloïden natantia foris ob-

Lucret.
lib. 4.

uerfari existimat. Nares quoque ozænicæ, aut sordidum gerentes polypum, non illuduntur, dum fibimet semper putidulæ sunt, nec lingua aberrat, fellei succi quo fucatur amaritiem gustans, sed olfactus gustusque corruptio in eo consistit, quod oblata odorabilia utut suaueolentia, pro fœtidis, & admodum sapida etiam mellitissima pro amaris absurde habeantur. Cæterum inter horum sensuum ludificationes aliquid interest: Oculus enim ea quæ intra se continentur intueri nequit, nisi visa extra se posita vnà conspiciat; clausis siquidem palpebris, ac deficiente lucis adminiculo, visus occidit; sed aurium bombi, olidarum narium fœtor, & linguæ amaritudo absque externo sono odore ac sapore percipiuntur. Hicque iterum obseruan-

da est olfactus gustusque ab auditu differentia, scilicet quod neque nares in domestici pudoris odoratione, neque lingua in amaroris quo imbuta est intellectu fallantur, suaque hæc interna objecta, extranea esse iudicent, siue externi alicuius odoris aut saporis aduentu: Contra verò aurium boatus, etiam absente exteriori sono, peregrinus putetur.

Suo pte sonitu tintinant aures à flatulentis spiritibus aut vaporibus inclusis. Non enim tinnimenta à flatibus fiunt ex angustis aurium, in loci amplitudinem foras exturbatis; quia si apponatur tinnulis auribus vel cerei ardentis flammula, vel lanæ medulla, vel plumula mollior, vel gossypij minutatim carminati flocculus, nequaquam mouentur, quæ tamen motitari

necesse esset, aurâ quâdam sensibili ex aurium latebris erumpente. Itaque intrâ auris internæ cauernulas vêtulos coërceri credibilius est, ubi vel sua sponte, vel ab expultrice potentiâ exagitati, congenitum aërem commouent, tympanumque ferientes ipsum inflant ac extrorsum protrudunt; cum ex aduerso soni qui naturæ lege forinsecus allabuntur, illud introrsum compulsent.

Propter hanc ἀντίκρουσιν sonus internus externi admissionem disturbat; ac licet ille in se paruulus sit, quia parti inest cerebro propinque, potiorémque audientis animæ vim ad se trahit, velut magnus æstimatur, huncque quamvis paulò fortio-rem extenuat. Omne namque αἰσθητικόν debet esse ἀποκάλυπτον, hoc est denudatum qualitate quàm reci-

pit, secùs vt fert effatum vetus, & quasi in triuiis decantatum, *Intùs*
 xi. pro- *existens prohibet alienum*: quamob-
 bl. 29. rem obseruauit Aristoteles oscitan-
 tes obtusiùs audire, quod nempe plurimùm spiritus inter oscitan-
 dum exsufflati per canaliculum cartilagineum palato ac secundo auris ductui, vbi aër innatus habi-
 tat, communem, intrò ad aures per-
 reptet, qui ~~ἀντιπαύει~~ contrauerbe-
 rat, ac exteriorem sonum repercu-
 tit; vnde oscitanti non licet aurem
 32. pro- inscalpere, authore eodem Philo-
 bl. 13. sopho, quia auriscalpium reniten-
 tem ac pulsam versus exteriora membranam perfacile læserit. Vt nihil dicamus de mugitu intra oris fornicem in oscitationibus concitato, auditum interturbante; quare attente audituri, vt venatores, spiritum cohibent, quoniam, ait

Aristoteles: *Efflatio strepitus quidam* II. pro-
bl. 41.
est; ipsa quoque inspiratio sono
 non caret; sed hic longe est submis-
 sior quàm in expiratione, eò quod
 aër exspiratus non modò ob admix-
 ta fuliginosa cordis excrementa,
 crassior sit; sed etiam in fauces, pa-
 latum, cæterasque oris partes ve-
 hementer impingens magis reso-
 net.

Quanquàm autem soni à foris
 venientes, ab internis aurium ru-
 gitibus eludantur; illi tamen si ma-
 gno molimine atque affatim in-
 gruant, interiores sibilos possunt
 euertere; Nam, vt scribit Aristote-
 les: *Aurium sonitus sedatur, accito* 32. pro-
bl. 9.
strepitu, quia sonus externus inten-
 sissimus, internum multò remissio-
 rem repellit, ac flatuosam substan-
 tiam intùs murmurantem per mea-
 tum quem ab intima aure ad palati

testudinem protendi dicebamus, vi foras elidit; imo quoque attractis ad aures & vitalibus & animalibus spiritibus, ipsas adeo calefacit, vt conclusos halitus dissipent.

Vapores soniferi vel in labyrinthis aurium conclauibus localem obtinent generationem ex ἀερίῳ; humoris præsertim pituitosi eò collecti, à quibus affectus creatur idiopathicus, nullas dans naturæ inducias; tametsi nunc seuerior, nunc indulgentior sit: vel aliunde obrepunt, nimirum aut à toto corpore, vt in criticis conflictibus, & febrilium paroxysmorum initiis, aut à præcordiis putà liene, vt in melancholiâ hypochondriacâ; vteroque, vt in hysteriâ passione; ventriculo vt vomentibus, item vino madidis, ac helluonibus ob cruditatem, necnon picrocholis diutinam

inediam expertis accidit; aut denique à cerebro mittuntur, tuncque sonoræ aures, morborum capitis vel imminentium sunt prænuntiæ, vel iam præsentium indices; ita in lue Venerea strepitant aures: compressis quoque naribus canoræ sunt, aëre quem è cerebro per nares expelli oporteret, negatâ portâ, ad aures delato.

Non desunt qui inficientur ab humoribus aures perstreperere, nisi vel mediatè, quatenus *πνέμα τῶνται*, vel per accidens quod itinera obsepiendo, flatuum exitum remorentur; nihilominus tamen quemdam *ὁδὸν πνεύματος* sensum, ab aquoso humore intra ossis pretrofi parietes recipiente, proximè ac per se induci posse non videtur improbabile.

A sexcentis insuper causis susurrant aures; ac primò auris arterio-

la vel à vicini tumoris compressione, vel à copioso atque calidiorē quem complectitur sanguine, validius mota, aërem insitum iactando, internum sonitum prouocat, vt in phreniticis atque maniacis. Aurium etiam vlcere haud ritè coalescente, nudata eadem arteria euidentiùs micat, non aliter ac emaciatis membris euenit, in quibus nulla caro interiaceret obscurans arteriæ percussum. Igitur si perennet aurium fremitus cum à materia καπνώδη quæ euanida est, oriri nequeat, hunc ab arteriæ auriculariæ vibratiore assultu pronasci suspicio esse debet, ἡ χεὶρ τοῦ ὦτος, inquit Hippocrates, τῶν φλεβίων σφυζόντων καὶ παλλομένων, strepunt aures venulis, id est arteriolis, pulsantibus & quassatis.

2. de
morb.

Præterea vermiculi αὐτοματιζέσθαι

DE BOMBIS AVRIVM. 143

τῆς Φύσεως in introitu auris corneo-
lo geniti, ictu tympano strepitum
cient. Deinde si auris vestibulum
sit *κυψαλοβυσσόν*, hoc est à retenta-
rum sordicularum coitu occluda-
tur, vel aliis præpediatur obicibus,
vt suppresso ac incrassato pure, san-
guinis thrombo, tuberculo, lapil-
lis, aut quibusvis aliis rebus quæ
imprudentibus in aurem irrepunt,
arcentur quidem τὰ ἀγνοῦσα externa;
sed internis, confusisque bombis
aures inquietantur, perinde ac si
manu obturaretur auris ostiolum:
vapores enim quorum iugis est fo-
rās commeatus, inuento obstacu-
lo, patiuntur repulsam, ac in cuni-
culoso auris alueolo volutati &
quasi ἀετίζοντες, mussantem stre-
pitum edunt. Neque mirum est
tantam exhalationum copiam ex
aurium antris continenter emitti;

144 DE BOMBIS AVRIVM.

Nam si per occulta cutis foramina, assidua sit & larga transpiratio, quantò profusiorẽ *ἡ ἀφ' ὧν* per patulas aures fieri consentaneum est.

Tandem causæ violentæ vt capitis plagæ & horridi fragores aërem connaturalem vltrà modum incitando, aurium clangores excitant; sed temporarios (nisi forte vapores aut flatus affectum fouentes ad aures depulsi fuerint) quia desinente causarum impetu, aër ille motionis impatiens ex se tranquillatur; quo pacto componitur vertigo, cessante corporis cyclophoriâ, quæ in vndosum, vorticofumque motum spiritus animales rotauerat.

His causis vulgò adiiciunt cum Galeno *ἀκριβείαν τὴν ἀκουστικὴν αἰσθησιν*. Verùm cum auditum quantumuis acutum, sonis internis tangi sit

sit *admirabile*, si hi nulli sint, haud
 secus ac acerrimus visus, sincero
 extante oculo, mendacibus ima-
 gunculis non deluditur. Idcirco
 quibusdam visum fuit vt externus
 aer erroneis atomis nusquam ex-
 pers est, etsi pre minutie in radiis
 solaribus sint tantum aspectabiles;
 ita eundem aerem quantumlibet
 placidam fruatur malaciam, perpetuam
 tamen teneri fluctuatione quan-
 quam exiguissimam, & quae nonnisi
 a valde exquisitam audiendi virtute
 discernatur: sed quamuis comper-
 tum esset nunquam dari perfectum
 aeris flustrum, aucta tamen ad sum-
 mum auditus acuties, morbosa di-
 ci non debet; sicut neque oculi
 praeter naturam se haberent, etiam
 posito quod vagantia per aerem in-
 sectilia corpora, absque radiorum
 solis illustratione possent contueri.

Aliis igitur placet à fumis dum è mæandris aurium in cognatum sibi externum aërem sine morâ eluctantur, minutulos sonos naturaliter citari; sed contrà, fuligines istas, si libere euolent nec egressu intercludantur, insonas esse suprâ probauimus.

Sunt qui autument connatum aërem, utpote naturâ suâ pertenuem, ac maxime mobilem, à spiritu animali appellente, aut perenni cerebri ἀπειρεσίη, tremulo motu, quamuis leuissimo indefinenter concuti. Verumtamen cum ex naturæ lege ceteri omnes sensus nulla sua obiecta intrâ se contineant, quæ esset ratio vnum auditus organum proprio sensibili, sono nempe, naturaliter non destitui? Proindeque ne vel minimum quidem murmurillum, auri secundùm naturam

inēsse; sed aërem ei immersum planè esse ἀποφῶν arbitramur; auditus verò acumen agnoscimus tanquàm causam aurium tintinnientium; sed adiuvantem duntaxat; quatenùs leuiusculus quisque ac neglectissimus aurium sonitus statim exauditur: ita oculi exilem quâ offuscatur nebulam aspicientis perspicacitas, causa est phantasmatum subsidiaria. Sed satisfaciendum est experientiæ quam Galenus ad stabilimen suæ opinionis allegavit; loc. citat.
 Videlicet quemdam aurium tinnitu vexatum postquàm auricularibus remediis incidentibus, attenuantibus; ac discutientibus perperàm usus esset; etsi apophlegmatismis, aliisque præsiidiis toti capiti fuisset quoque prospectum, tandem admixtis narcoticis auditum obtundentibus, scilicet mandrago-

ræ & papaveris succo perſanatum eſſe, quia iuxtà ratiocinium Galeni, non à flatibus; ſed ab auditus acritudine affectio procreabatur. Cui experimento reſpondemus ſtupor facientia profuiſſe vel per accidens inducto ſenſus torpore qui omnis moleſtiæ carmen eſt & quaſi faſcinus, vel etiam per ſe reſpreſſo æſtu vaporum aut humorum in auribus feruentium, à quibus aurium bombos perſæpe oriri liquet.

Ὁξυνκία autem conſequitur vel ſpirituum ἀγρυπτικῶν ac potiffimùm aëris vernaculi ſubtilitatem à calore plerumque profectam, qua prompte impellitur; vel tympani tenuitatem aut eiufdem ariditatem, ſimiliter ac coria militariſus tympanis inſtrata quò magis tenduntur, eò baculis comploſa altiùs inſonant; vel nerui qui ad aures

fertur rariorem texturam: quandoque etiam hicce nervus ludente naturâ multiplicatur, vt in Cardinale Richelio, qui audiendi excellentiâ ad miraculum donatus, ter geminum vtrîque gestare deprehensus est auditorium neruum. Postremò vis audiendi viget, si spirati aurium loculi à primâ typæsi; aut plus iustò tortuosi sint in quibus proinde, vt in lituis, sonus varia reflexione reboat; aut solitò arctiores, non verò patentiores, vt plerique opinantur, ἀκριβέστεροι γὰρ οἱ λεπτοὶ πόροι, inquit Aristoteles, sic natiua πνοοχέλαισι, id est pupillæ paruitas visui commodat, & venatici canes, quibus nasus resimatus est, odora vi pollent, captantque discrimina odorum, quos olfactus humanus non attingit: Contrà homo cæterorum animalium est mini-

150 DE BOMBIS AVRIVM.

10. pro. bl. 19. me ὀσπερτιος, ob apertas nimis
narium semitas, vt legere est apud
Aristotelem in problematis.

33. pro. bl. 19. Cespitauit igitur Auicenna dum
1.3. fen. in hocce morbo auditus imbecilli-
4. tract. tatem criminatus est, propterea
1. c. 9. quod, inquit, languida facultas à
sensibilibus, etiam pusillis, sit faci-
le alterabilis: Nam sensus duabus
conflatur partibus, alteratione or-
gani ab obiecto, & alterationis hu-
ius dignotione, quæ sensus essen-
tiam constituit: Illa inter passionem
refertur, ad quam debilia corpora
forfan paratiora esse non negamus:
Hæc verò actio est, ac idcirco à ro-
bustiore instrumento melius obi-
tur; quis, quæso, hominem lyn-
cæum, auritum, nare sagacem,
gustu eximium, ac tactu præstan-
tem, exinde quod minimis sensi-
bilibus capiatur, sensuum impo-

tentiâ laborare rectè dixerit? Ergo si culpanda veniat bombosarum aurium infirmitas, ea est in virtute illarum naturali siue coctrice, ob quam vapores flatulentos coaceruant, siue expulsiâ quâ eosdem affluentes non retrudunt.

Sonitantium aurium varietas pendet 1. A viarum latitudine vel angustia. 2. Ex consistentiâ materiæ plus minusve crassioris. 3. Ex illius abundantia vel paucitate. 4. Ex ipsius cursu continuo aut interrupto. Ultimò ex eiusdem celeri vel lenta allisione, siue ob maiorem vel minorem expulsiuæ facultatis contentiorem, siue etiam quod materia proprio nisu potentiùs aut segnius ad elabendum insiliat. Igitur humoris pituitosi collisio susurrum facit aquæ molliter defluentis, auresque reddit, si ita loqui li-

ceat, πολυφλοίσβος, id est vndifonas:
 Crassiores flatus spatiofiore loco
 conuoluti, pleniusque irrumpen-
 tes, bombum edunt grauiusculum,
 sic dictum vel à confusa colloquen-
 tium plurimorum hominum voce,
 vel à sono apum, vel à rauco cor-
 nuum murmure, vnde fortassis Gal-
 li vocant, *Cornement d'oreilles*; te-
 nuiores cum impetu duro aurem
 longiore tinnitu instar pulsatae
 campanulae aut crotali euerberant:
 tenuissimi leniter illabentes, cla-
 rum acutumque sibilum, serpen-
 tum, vel locustarum vocis æmulum
 reddunt, quem σεισμὸν nuncu-
 pant, licet hæc nomina plerum-
 que confundantur. Dialecto &
 βραχυλογία alter ille Hippocra-
 tes Aretæus, personantium au-
 rium diuersitatem his verbis ele-
 ganter expressit, ὅτι βομβὴν ὄκως

DE BOMBIS AVRIVM. 153

ρεόντων καναχθόν ποταμῶν, ἢ εἰς αἶμος
 ἰσίοισιν ἐκυβερνέη, ἢ αὐλῶν, ἢ καὶ σείων
 ἐνοπῇ, ἢ τρισμῶ ἀμείξης ἰαχῇ. *Aures ob-*

1. de
 caus. &
 sign.
 diut. 3.

*murmurant instar delabentium cum
 strepitu fluminum, aut tanquam ven-
 tus vela gubernans, aut tibiaram fistu-
 larumve cantus, aut veluti stridoris,
 siue potius stridentis, plaustri sonus.*

Imò cum enarratæ causæ multifa-
 riam coniungi possint, earumque
 gradus sint innumeri; infinitæ quo-
 que sibilium aurium species exur-
 gunt; & speciatim ex flatuum hu-
 morumque coniugio, vt in serpen-
 tinis atque flexuosis intestinorum
 helicibus, sic in anfractibus aurium
 graues sonitus suscitantur, βορβο-
 ρυχοὶ dicti ficto per ὀνομαστικὰ vo-
 cabulo.

Aurium bombus importunus
 est; sed per se indolens, quoniam
 internæ aurium cameræ ossi petro-

so in sculptæ destituuntur perioſtio,
 quod à flatuum copiâ cõprimi, vel
 ab iisdem sub ipſo ſeſe illatebranti-
 bus, à ſubdito oſſe diſparari ac tēdi
 queat. Tinnientes aures ſolis, fas
 ſit ita dicere, ἐν ὧν τιμὴ τοῖς conſciæ
 ſunt; ac iuxta Hippocraticam pro-
 gnōſin, in morbis acutis ἀναδρονίμω
 materiæ ad cerebrum denunciant,
 quæ ſi per hēmorrhagiam ἀναγωγίμω
 habeat, bonum; alioquin vel deli-
 rium, vel etiam lethum intentat.
 In febribus præcipue peſtiferis, re-
 plecto cerebro, aures ſæpenu-
 mero obſtrepere experimento ratum eſt.
 Crepitantes aures vt apoplexiam,
 epilepſiam, cæterosque comato-
 ſos cerebri morbos præcurrunt, ſic
 in eorum decremento fauſti ſunt
 ominis; cerebri namque ſeſe expli-
 cantis, ac humores, quibus inebria-
 batur in flatus attenuantis, trium-

phum denotant : *Lethargici mentis* Hipp. in Coac.
compotes facti de cervicis dolore , sonis
que aures raptim pervadentibus con-
queruntur. Echo siue aër resonus
 diu ac perpetim aures offendens
 rarò curatur ; sed sæpicule surdita-
 tis est præludium : fit enim ab hu-
 more in auribus congesto , cuius
 quantitas sensim augetur , donec
 penitus exsurdet. Conualescenti-
 bus ac post immoderatas vacuatio-
 nes vt oculi vertigine tentantur ,
 ita aures bombilare solent : nam
 membra sensibus dicata à morbis
ἀπεχθῆτα id est defœcata , ac pro-
 inde *διὰ τοῦτο* interdum relinquin-
 tur ; deinde exhaustæ partes ob ca-
 loris paupertatem , & locorum va-
 cuitatem , flatus permultos accu-
 mulant. *Absentes tinnitu aurium præ-*
sentire sermones de se , receptum est ,
 inquit Plinius ; itavt qui laudatur lib. 28.
 cap. 2.

156 DE BOMBIS AVRIVM.

absens, ei auris dextra mussitet, qui
vituperatur, sinistra.

*Garrula, quid totis resonas mihi
noctibus auris,*

*Nescio quem dicis, nunc meminisse
mei.*

Sed ista medica non sunt, imò po-
tius fabulosa, ac superstitiosa; ita-
que manum de tabulâ.





DISSERTATIO PATHOLOGICA.

DE CATALEPSI.

A Vthor definitionum Medicarum, Aëtius Amidenus, & Paulus Aegineta, multam huic morbo obscuritatem attulêre. Ille enim Catochum vocat, cum cap. 12. sensu priuatur anima & corpus omne obrigescit; triâque eius constituit genera, somniculosum lethargus finitimum, vigilans cui sociatur tetanus, ac vteri præfocatio, & phreniticum ex mixtione catochi atque phrenitidis. Aëtius Cato-

cap. 4.
serm. 2.
tetrab.
2.

c. 6. &
10. l. 3.

lib. 5.
pathol.
cap. 2.

chen & Catalepsin appellat Mediam affectionem inter phrenitidem & lethargum, quæ delirij species est, & ab humore melancholico sæpius creatur, quandoque etiam à sanguinis multitudine confertim caput adimplente. Paulus denique Catochum interdum vsurpat pro ægritudine phrenitidem lethargumque interiacente; interdum autem pro legitima catalepsi; quæ homonymia recentiores multos ac ipsummet Fernesium decipit, dum Catochum comatis vigilantis nomine vocitans, hunc oriri censet ubi pituita bilisque flaua simul permixtæ in cerebro immoderatiùs exuperant.

Et si vocabulum cataleptæos apud Hippocratem sit *πολύσμηλον*; nuncquàm tamen sumitur pro affectu de quo nunc agimus; quippe qui

ab ipso Catochus vel Catoche con-
 stanter vocetur. Author definitio- loc. cit.
 num Medicarum Catochen latissi-
 me extendit apoplexiam definiens
 per κατὰ τὴν τῆς ἀγνοίας, quo etiam
 sensu numine afflati ἐκ τοῦ κατὰ
 indigitantur, & Aëtius ἀπὸ τοῦ κατὰ lib. 12.
c. 42.
 χας dixit de articulis stupore pre-
 hensis. Galenus τὰ κατὰ χαῖ interpre- 2. prom.
rh. 6.
 tatur τὰ πρὸ κατὰ χλὺς ἐπιφύεσθαι, pas-
 siones catochen inducentes; à qui-
 busdam verò explicari scribit τὰ
 βεβαίως ἰδρυμένα καὶ οἷον κατεχόμενα
 νοσήματα, morbos firmos & radici-
 tūs hærentes. Hæcque acceptio fa- In Co-
ac. &
priorrh.
 miliaris est Hippocrati apud quem
 κατὰ χας ὀδυνοὶ δισίλλι sunt qui diutur-
 no conflictantur dolore (quæ enim
 catochi ἀσθενεῖς ἀσθενεῖς necessario infe-
 rentis potest esse cum dolore com-
 munio?) & κατὰ χας παρακείμενοι
 qui delirio tenentur contumaci:

catoche namque correptos vel opere, vel verbo, vel cogitatione desipere est plane ἀδωάτης; opere non delirant quia immobiles sunt; non etiam verbo utpote ἀφωνοί; nec tandem cogitatione ob functionum principum labefactionem, authore siquidem Galeno Catochus est παρὰ λυσις τῆς φανταστικῆς, ideóque alibi idem Galenus Catochum cum desipientiâ non pugnare docens, per catochum intelligit vel ἀγρυπνῶν κῶμα cum plerisque Veterum, vel catalepsin quidem, sed inchoatam in qua vis imaginatrix nondum abolita est.

Hîc Catalepsis, Catochus & Catoche voces sunt synonymæ affectum significantes per quem æger sensibus cùm externis tùm internis voce atque motu repente captus, in eâdem corporis figurâ quæ ante
pathe-

lib de
symp
caus.
c. 3.
2. progr.
rh. 56.

pathematis insultum fuerat, cum palpebrarum inconniuentiâ, oculis in conum stabilem fixis, ac inflexibili membrorum rigiditate ceu conspectâ Gorgone permanet. Stupendus sane morbus qui propriè nec sopor, est nec vigilia, etsi ex utroque compositus, & peruigil quædam dormitatio, aut soporatum peruigilium appareat. Nam quemadmodum lepores sunt *δρ-
χουνείς*, & Corybantes Iouis infantis in Cretâ custodes adaper-
tis palpebris dormiisse finguntur; sic Cataleptici *ὑπνω* pressi *αὐπνω*, sub vigilanti-
tiâ specie patētibus oculis velut obdormiscunt, & *ἀσκαρδαμύκτως* in-
spicere videntur, adeò ut ne ad mi-
nas quidem nictent. Aretæus de-
fixas palpebras *βλέφαρα ὅτε ὕπνῳ* *κα*
appellauit: Intrepida verò oculo-
rum statio *πῆξις τῶ ὀφθαλμοῦ*, &

i. de
caus. &
sign.
diut. 7.

in Co-
ac. prog-
rh. &
5. Epid.
2. Noct.
Attic. I.

ὀφθαλμὸς καὶ ἀπλῆς Hippocrati di-
citur.

Istius morbi ideam imitabatur
Socrates, dum, referente A. Gellio,
fese exercens in vestigiis patientiæ
perdius atque pernox ἐξ ἡλίου εἰς
ἡλίον, ab altero solis ortu ad alterum
orientem cogitabundus, ἀκίνητος
& immobilis perstabat; ita vulgus
τῶν κατὰ χεῖρας vocat ἐκστατικὸς, veluti
raptos, & altioribus mentis specu-
lationibus occupatos.

Catalepsis vel est grauissima
qualem descripsimus in qua præ-
ter respirationem nulla lucet vis
animalitatis, vel leuior quæ non
omnes operationes animales, aut
non penitus destruit: sic nonnun-
quàm virtus motrix haud ita concidit,
quin ægri ab aliquo impulsī in-
star statuæ arte progredientis am-
bulent, & quocumque illorum

membra inflectuntur in eadem po-
 sitione consistent. Aliis non tam
 infixæ est atque rigida luminum
 intentio, quin versiles sint oculi,
 manumque obtentam ac circum-
 motam suo obtutu sequantur.
 Quidam nec auditum, nec visum
 integre extinctum, neque cerebri
 potentias omninò consopitas ha-
 bent; talem Catochen in suo con-
 discipulo observauit Galenus, qui <sup>2. pro-
rh. 56.</sup>
 cum assiduo disciplinarum studio
 sese fatigaret instar ligni prorsus
 inflexus, durus & extentus sine vo-
 ce & motu iacebat, reclusis nec
 conuiuentibus oculis astantes in-
 tuebatur, loquentesque obtuse au-
 diebat, adeo ut à passione liber,
 actiones quorundam recordatus
 enarraret: ita quoque Hippocrates <sup>3. pro-
rh. 67.</sup>
 Catochum, anxietati, conuulsioni,
 & tremori connectens, de mitiore

Catocho exponendus venit, in quo vis motrix non funditus euertitur; secus enim consummatę Catoches motum ex toto auferentis nullum consortium cum istis symptomatis potest intercedere; nisi quis Catochum pro Comate vigili ab Hippocrate loco allegato acceptum contendat.

De causis Catalepseos discordes sunt Medici. Quidam existimant effusis per nimias, intentasque meditationes spiritibus animalibus in propagines cerebri, nervos videlicet sensorios atque motorios, si spiritus mox remeant, homines velut attonitos nonnihil stupere, statimque ad se reuerti; verum si iste spirituum effluxus diutius perseveret, Catochum subsequi, sensibus internis propter spirituum in cerebro inopiam a suo munere ces-

fantibus; motu autem haud deper-
 dito ob nervos spiritibus animali-
 bus non defraudatos; sed dunta-
 xat deprauato quod ægri pristinum
 seruent *χηματισμὸν*, ac provt am-
 plior aut parcius est illa spirituum
 expansio, sic plures vel pauciores
 functiones, & quidem magis mi-
 nusve oblædi autumant: cui opi-
 nioni patrocinari aiunt Hippo-
 cratis Aphorismum, à *capitis plagâ* 7. aph.
ἐκ πληξίς, *malum*, spiritibus nempe 14.
 animalibus in organa sensus atque
 motus percussione impetu propul-
 sis. At falluntur huius sententiæ
 assertores, dum per ingentes, lon-
 gasque mentis actiones, spiritus
 animales è cerebro in nervos dif-
 fundi putant, cum è contrariò hi è
 nervis ad cerebrum, ad ferendas
 principio suo suppetias intrò con-
 dantur: citatus verò Aphorismus

minimè conuenit Catalepsi, quam capitis ictu progigni nunquàm compertum est; sed cataphoræ caroticæ competit, spiritibus nouâ subitâque iniuriâ velut in pauore constipatis, & in angusta præsidia sese recipientibus.

Alij propter rigorem neruorum, Catochen cum tetano male confundunt; hunc enim atrocissimi cruciatus affectantur absque facultatum ἡ γαμονικῶν iactura; ab illâ verò absunt dolores, & ratio sensusque pereunt: deinde in quadam catochi specie membra sunt flexilia, quæ in omni tetanica conuulsione ad instar stipitum flecti nesciunt.

Non paucis ratum est Catalepsin fieri à materiâ replente partim tunicam neruos circumuestientem ynde conuulsio; partim medullam

eorum interiorem, vnde resolutio nascitur; itavt Catochus sit proles biformis, & quasi hybrida disparibus causis prognata, spasmo nimirum & paralyfi; ac illum quidem ex tensione, hanc ex flexibilitate artuum coniiciunt. Sed primò non omnium Catalepticorum membra sequacia sunt; deinde an paralyseos & conuulsionis connubium possibile sit, non liquet; postremò Catalepsis mentem prodigit, quod à paralyfi & conuulsione nervorum per se alienum est, ac idcirco probabilius forsàn, licet non verè, hicce morbus ex Epilepsia & Caro conflatus diceretur.

Nos itaque spirituum animalium in cerebro ac nervis congelationem, tanquàm immediatam Catochi causam agnoscimus. Cum enim spiritus ex tenuissimâ sangui-

nis portione conficiantur, vel for-
 san nihil aliud sint quàm ipsa san-
 guinis pars subtilissima, & maximè
 volatilis, profectò parentis sui mo-
 res non adeò exuunt, quin gelabi-
 les relinquantur: verum quemad-
 modum ob igneam naturam sunt
δυσανητοι, sed non penitus immunes
 à putredine, vt patet ex Ephemeris
 pestilentibus: ita substantiæ exili-
 tas, ipsos quidem facit *δυσανητοι*,
 sed à concrezione prorsus non vin-
 dicat.

Sunt qui arbitrentur spiritus ani-
 males sensibus exterioribus motui-
 que voluntario inferuientes in Ca-
 talepsi non coagulari; sed eos tan-
 tùm qui sensibus internis mini-
 strant, itavt externi sensus suis fe-
 riantur obiectis; sed torpida phan-
 tasia quæ superior est facultas, res
 ab ipsis apprehensas & ad se delatas

non animaduertat; eodemque modo motus per accidens lædatur, quatenus ab ignaua imaginatiua non dirigitur; perinde scilicet ægris contingere affirmant, ac illis quorum animus à profundis contemplationibus adeò distrahitur, vt neque externa sensibilia comprehendat, neque motum imperet; hincque rationem petunt; Cur licet ægri nequeant porrectas partes suæ sponte recolligere, vel conductas explicare, tamen vbi membra pelluntur, mouendi potentia sese exerat, & in quocumque ponantur statu persistant.

Verumtamen hæc doctrina à veritate plurimum aberrat; primò enim si spiritus animales in suo fonte nempe in cerebro incrassati subsisterent, illi haud dubie qui motus sensusque instrumenta irradiant, &

consistentiam suam labilem ac dif-
fluentem supponuntur retinere,
nullâ morâ dissoluerentur ob ne-
cessariam perennitatem τῆς ὑπὸ πόνου,
sicque sopor, non autem Catalepsis
generaretur: Nam quamvis occlu-
sâ arteriâ spiritus vitalis, obstructio-
nis locum præteruectus non illico
discutiatur; alia tamen est conditio
spirituum animalium qui sicut æ-
therei & vitælibus longè defæcatio-
res, ita quoque magis euanidi sunt,
ac tam perniciousè auolant, ut nouas
copias iugiter suppeditari opus sit.
Proindeque credibilis est anima-
les spiritus in nervis, non minùs
quàm in cerebro spissescere, nec
ideo disperdi. Secundo Catocho-
rum immobilitas stupefactæ phan-
tasie falso tribuitur: nam comme-
moratus Galeni condiscipulus abs-
que imaginationis ruinâ, omni

motu spoliabatur. Postremo non omnium κατεχόμενων membra externis impulsoribus obsequuntur; sed plurimi ægrotantes truncorum modo sunt σκληροσάματοι.

De causâ antecedente Catochi non minus est quàm de coniunctâ inter Authores dissidium. Fernellius qui, vt suprâ notabamus, Catalepsin à comate vigili non distinguit, illius originem retulit ad bilis atque pituitæ in cerebro πείσασιν. Verum isti duo affectus & naturâ & causis plurimùm differunt.

Qui hunc morbum ex convulsione & paralyfi constare opinantur, illum cuiuscumque humoris aut vaporis sobolem esse credunt, itavt ægri tudines toto cælo diuersas, putâ cerebri abscessus, carum, phrenitidem, causum, πάθος hystericum, intestinorum lumbricos vel

comitetur vel consequatur; atque etiam in eodem ægro crebra soporis, Catoches, epilepsiæ & convulsionis vicissitudo non raro visa fit.

Nonnulli Catalepsin fieri tradiderunt à sanguine numerosas meningum venas & arterias affatim opplente; quia autem hæc affectio non venarum est, sed cerebri ac neruorum, aiunt natiuum cerebri calorem, negatâ ob plenitudinem ventilatione, strangulari, cerebroque refrigerante, spiritus animales gelidos reddi; vnde iuuenis ille apud Aëtium obortâ liberali hæmorrhagiâ à Carocho liberatus est. Sed particularis vasorum capitis plethora, carum quidem, at nullo pacto Catalepsin procreare apta est, quod priuatiuo frigori siccitas ad Catochum requisita non adiun-

gatur. Deinde si recte probauimus spiritus animales non solum in cerebro; sed etiam in neruis omnibus conspissari, quomodo repletio venarum cerebri, spiritus animales qui neruos à cerebro dissitos irrigant, suffocabit ac refrigerabit? Quod si quandoque hocce malum sanguinis per nares eruptione iudicetur, sanguis iste sincerus non est; sed aliis succis præsertim melancholicis commixtus; sic causi *interior* in adolescentibus est fluxus sanguinis è naribus, sanguinis nempe bilis vbertate referti, quippe quæ febris ardentis genitrix sit. Natura enim ad criticam hæmorrhagiam sese accingens, humorum duntaxat vitiosorum expulsionem intendit; verum propositum sibi scopum assequi non potest, quin aliquid sanguinis etiam optimi per

174 DE CATALEPSI.
apertas venas simul effundat.

Frequentior ergo Catochi causa est humor melancholicus frigiditatem atque siccitatem solito potentior adeptus; quandoque etiam licet rarius pituitosus: pituita tamen nequaquam humida *λύσι* non *ῥασι* nervis concilians, verum frigidissima ac nonnihil resiccata, cuiusmodi est vitrea vel albuginea: ita scirrhus, tumor alioquin melancholicus, à pituitâ superexsiccata non infrequenter gignitur. Rectè itaque Galenus: Valida, inquit, cerebri frigiditas, cœtu & conciliatu humiditatis, lethargum; coitione concursuque siccitatis, Catalepsin efficit.

2. aph.
3.

Dubitatur an frigus *αἴλου* hanc calamitatem valeat procreare. Certe si morbus fiat à causis internis, humor semper associatur, secus pa-

roxyfimorum inuasio atque solutio non esset subitanea, quia intemperantia immaterialis ac potissimum sicca, nonnisi multo tempore introduci vel depelli potest. Verum summa frigiditas forinsecus ingruens, etsi nuda atque simplex, ut vehementissimus algor eorum qui per niues itinerantur, sat est ad huius ægitudinis productionem: cum enim causæ procatarticæ internas actiuitate plurimum superent, breuissimè partes immutant, pariterque semotis iisdem causis externis, membra alterata arreptitias qualitates radicali temperamento promptè excutiunt: Si autem spiritus animales saluis neruis gelascent, ad extranei motoris nutum ducuntur membra, stantque in collocato situ: si verò ipsæmet partes nervosæ à siccitate indurentur, tunc partes

rigent quasi faxeæ vel gelicidio
compactæ, nec corpus magis mo-
uetur,

6. Æ-
neid.

*Quam si dura silex, aut stet Mar-
pesia cautes.*

Placet nonnullis posticam cerebri
partē in Catocho laborare; aliis au-
tem anticam, propter casum imagi-
natiuæ potentiæ, quàm ibi residere
asserunt. Nos verò vniuersam cere-
bri machinam morbo detentam
iudicamus; sed præcipue eius pup-
pim è qua spinalis medullæ trun-
cus, neruorumque rami fruticant.
Si quis porrò à materiâ Catalepticâ
cerebrum simul cum ministris spi-
ritibus non modo intemperie affi-
ci; sed posteriorem prætereà eius
regionem, humoris mole obturari.
acriter instet, ille solidis rationibus
vix poterit conuinci: Non enim
rite concluderetur Carum inde
nasci-

nasciturum esse ob interceptum viarum infarctu, spirituum animalium cerebrum perfundentium & eorum qui per nervos distribuuntur, commercium: quia quamvis spiritus animales propter miram fluxilitatem, instar radiorum solarium obstaculi interpositione, momento quolibet ocyus evanescere consueverint; nihilominus in Catocho spiritus per nervos transvecti, propter acquisitam spissitudinem in auras non abeunt, etiamsi interrupta sit eorum cum cerebro continuïtas: sic insecta mouentur amputato capite, quoniam spiritus ob naturalem crassitiem minus fragiles sunt, tardiùsque dissipantur.

Vt nihil indiscussum omittamus, difficultates quædam nobis incumbunt enucleandæ. Prima quomo-

M

do tanta reperiatur in viuo corpore frigiditas, quæ instar brumalis frigoris spiritus animales congelat. Secunda. Cur insignis illa nervorum siccitas conuulsionem immedicabilem non cieat. Tertia denique quare omnes melancholici non sint Cataleptici.

2: de
loc. affect.
5.

Ad primam respondemus, Galeno teste, pituitam vitream actu frigidam aceruari in humanis corporibus, ac vitales quidem spiritus, proximos vitæ authores ab illa non posse glaciari, homine superstite; contra quam animales qui ad vitam nihil profunt, nisi quatenus spirationi famulantur; quamobrem in Catocho pusilla spirituum animalium portio illæsa seruatur ad moliendam respirationem, quam natura solers corporis œconoma incolumem tueri totis

viribus enititur. Imo cum spiritus
 animales nequeant esse αἰκνύοντες,
 nisi feruentissimi extiterint, ad ho-
 rum gelationem; siue ad sistendam
 eorum volatilitatem sufficit remis-
 sus calor qui intensioris compara-
 tione, frigiditatis nomine donari
 solet: Eoque sensu partes in calidas
 & frigidas, id est minus calentes
 dirimuntur; plumbum ab igne re-
 motum cogi dicitur à frigore; etsi
 adurat tangentes; & anathymiasēs
 somniferæ cerebri frigiditate den-
 santur; quanquàm, Galeno iudice, 8. de vſu
 cerebrum quouis aëre æstiuo cali-
 dius sit; sic Hippocrates rigorem 1. de
 concitari docet; vbi bilis (quam
 sanguine frigidiorē statuit, nem-
 pe habitâ ratione caloris natiui)
 sed potissimùm pituita sanguini
 commixta ipsum congelant: Non
 tamen, inquit, omnino, neque enim

*viuere posset homo, si sanguis densior
& frigidior seipso multis modis eua-
deret.*

6 Aph.
39.

Ad secundum dubium dicimus
ficcitatem ex humorum concre-
tione non esse conuulsificam, quod
neruorum longitudinem vel pa-
rùm vel nihil minuat; sed eam mo-
do quæ fit ab humiditatis exhaustu;
idque innuit Hippocrates non sim-
pliciter à ficcitate, verum ab ina-
nitione conuulsionem oriri pro-
nuncians.

Tertio demùm quæsito satisfacere arduum non est: Nam humor
ater Catochen non parit, nisi im-
pense algidus fuerit atque siccus;
alioquin non tam spirituum anima-
lium temperiem primis suis quali-
tatibus corrumpit, quàm opacâ suâ
nigritie vernaculum eorum splen-
dorem offuscat, vt in deliriis melan-
cholicis.

Causæ Catochi euidentēs sunt
 acre cœli frigus, vt experiuntur qui
 hyeme per niues iter agunt : aqua
 prægelida vel capiti occursans, vel
 confertim epota præcipue ab ho-
 mine æstuantē & ieiuno, quia pa-
 tefactis à caliditate partium spira-
 culis, frigus sese penitiùs insinuat,
 quo pacto aqua feruens citiùs gelu
 stringitur quàm frigida : perpes in-
 somnia : curæ : studiorum nimia
 assiduitas : graues mœstitudines, ac
 cætera quæ vim animalem infir-
 mant, cerebrum neruosque exare-
 faciunt, & nigram bilem conge-
 runt. Prætermittimus narcotica;
 etsi enim spiritus animales segnes
 immotosque præstent; attamen
 propter sociam humiditatem ner-
 uosum genus molliunt potius
 quàm siccant, sicque soporem, non
 verò Catalepsin accersunt.

Neoterici Catalepseos causas annumerant vaporem quemdam, ut loquuntur, fixatium spiritus animales inspissantem : quæ concretio alterius sit generis, quam vulgaris illa à frigore oriunda, sic à fulmine vinum in dolio sæpe congelascit, sic aliquot mectores dum sub quercu cœnarent, de cœlo tactos sub ea specie qua decumbabant, exanimatos fuisse scribunt, ita ut alius manum patinæ admouere, alius comedere, alius poculum dextrâ tenere, alius bibere, alius aliud agere putaretur. Talis est vis spirituum illorum qui in terræ moribus, & aliàs quoque è terræ cauernis erumpentes, homines & bruta quasi in marmoreas effigies derepente conuerterunt. Mirandam istam figendi virtutem in nitro, plurimisque aliis mineralibus

& metallis spagyrici detexere; ac fortassis excrementum melancholicum spiritus animales non tam suo frigore condensat, quàm propria aciditate, qua sanguini *δεξι-
κωσι*, vt coagulum lacti *τορωσι* confert.

Catalepsis vel est idiopathica vel per consensum seu totius corporis, vt in febribus quibusdam malignis, seu partis alicuius, putà, lienis, superioris orificij, ventriculi, vt vult Galenus, ac intestinorum lumbricis scatentium. Notandum autem sympathicam Catochen esse rarissimam, hancque à salina ac *πικτικῇ*, iuxta doctrinam Chymicorum, potiùs quàm à frigidâ expiratione prodire. Quî enim in febribus glacialis vapor ad cerebrum eleuaretur? vel alius verminosa quæ non vitreâ ac frigidissimâ, sed

i. de
sympt.
caus. 73

dulci & tepidâ pituitâ restagnat, algentem fumum exhalabit?

Signa Cataleptics ex allatis clare innotescunt, quibus solummodò adiiciemus faciem sanæ similem esse, vel paulò coloratiorem; pulsum ac respirationem non immutari, nisi hæc magna sit atque rara, ob sepultæ mentis inconsiderantiam; fæces quoque & urinam sisti non percepto propter sopitam facultatem pungentium excrementorum stimulo: præterea Catochis, ait Galenus, tensi sunt & aperti oculi, non ut comatosi & cataphorici clausi; in his enim humiditas nervos effœminat, in illis verò siccitas nervos contendit. Quibus verbis etsi impalpebratio, ut loquitur Aurelianus, tanquàm signum Catoches ἀπὸ κοινοῦ commendetur; observatu tamen dignum est, si

2. pro-
rh. 56.

DE CATALEPSI. 185

æger dormiens, vel quocumque modo palpebras committens, subitariâ raptetur Catalepsi, superciliolas non esse palpebras, sed occlusas, ægro eandem posituram conseruante quæ immediate aderat ante ægritudinis aduentum.

Catalepsis ita insolens est vt à senioribus Medicis in populosa ciuitate Medicinâ facientibus perrarò occurrerit. Morbus autē est acutus saltem ratione accessionis, quæ intra tres aut quatuor ad summum dies, vel attritis viribus, vel sublatâ, per absolutam motus priuationem, spirandi opportunitate, iugulat: quandoque etiam fit *mixta* in epilepsiam, apoplexiam vel melancholiam, ac in genere paucissimi restituuntur.



DISSERTATIO PATHOLOGICA.

DE
INCUBO.

DE Incubo altum in Hippo-
crateis & Galenicis monu-
mentis silentium : Nam pauores in
somno quos in infantulis νεογνῶν ob-
seruat Hippocrates, & φοβεραὶ φαν-
τασίαι quarum meminit Galenus,
ab hacce ægritudine δις δύο πρῶτον
discrepant.

aph.
24.
comm.
in hunc
locum.

Incubus vel Incubo Latinis di-
citur ab incubando, propter oneris
velut incumbentis sensum : Græcis
ἐφιάλτης, sicut Pæonia ἐφιαλτία

quod ei medeatur. Sunt qui hanc passionem habito magnitudinis respectu, & Ephialtem Gigantem Neptuni filium cognomines esse autument, pariter ac Elephantiasis & Epilepsia nuncupantur morbi Herculei utpote *δυσπαταμάχῳ*: sed probabilius est Ephialtem vocari quasi insultorem *ἀπὸ τοῦ ἐφάλλεσθαι*, quia turpissimæ libidinis usum sibi exigere, vel se ab aliquo inuadi ægro- tans imaginatur; quapropter nonnulli *ἐπιβολήν* siue incursionem appellauere. A Themisone apud *l. 3. c. 15.* Æginetam *πνιγαλίω* siue suffocator hic morbus nominatus est, ob insignem anhelitus laborem; ac Plinius suppressiones nocturnas *lib. 27. c. 10.* dixit.

Placet Theologis Dæmones sese in hominem induentes, falsâ Venere mortalibus illudere, itavt illi

sint succubi qui muliebria patientes viris sese subiiciunt; ij verò Incubi qui mulieribus commiscuntur.

Verùm Medicis Incubus est, nocturna spirandi difficultas, absurdâ superiniectæ molis opinione somniantem deludens.

1. 25. c. Pullata ex triuio turba ab Empusis, lemuribus atque laruis tristitia ista visa soporatis immitti stolidè suspicatur, ac ipse Plinius Faunorum in quiete ludibria vocitauit: sic Panici terrores dicebantur quasi à Pane Deo inducti, quem ceu inopinatarum consternationum authorem Gentilitas agnoscebat; sed ἐνὸς ἁλῆσιν cuius causæ naturales sunt in propatulo inter Dæmonopathias recensere superstitiosum nobis videtur atque ἀφιλόσοπον.

Dicamus itaque Incubi essen-

tiam in duobus potissimum consistere, nempe respirandi anxietate, & graui inanique insomnio: dum enim per somnum, sensus tactus in thorace dyspnœæ molestiam obtruse persentiscit, imaginatio tunc quoque torpida, nec veram pressi anhelitus rationem internoscens,

Et unde

Lucret.

*Tanta mali tanquàm moles in pectore
constet.*

lib. 3.

Hostilem imò Demoniacum insultum, vel saltem externum pondus prægrauans comminiscitur, & quidem duplici de causâ: primum quod sicut per aërem caliginosum visibilia seipsis maiora cernuntur; ita in insomniis cerebro opacâ anathymia si obnubilato, obiecta parua velut magna consuescant apprehendi; vt patet vel illius exemplo

lib. de
prælag.
ex in-
somnia.

apud Galenum qui inter dormien-

dum factus altero crure paralyticus, crus lapideum se gestare somniabat. Secundò quod perturbata imaginatio concipiat quæ intùs delitescunt, perinde ac si foris locata essent; phrenitici namque quibus crystallinum humorem inter & ceratoëidem tunicam, adustæ fuliginēs obuoluuntur, solent καρφοδορεῖν καὶ κροκιδίζειν; & insani quibus fluctuosus spiritus intra aurium mæandros coërcitus perstrepat, tubicines se audire φαλαγγίζονται, vt de Theophilo Medico narrat Galenus: quibus duabus causis accedit auræ ἐς βοεῶν ὅπου elatæ conditio vt plurimum melancholica, μορμολυκία siue terriculamenta quædam animæ prætendens.

lib. de
differ.
sympt.
cap. 3.

Igitur Ephialticus importuno putatæ grauitatis thoracem præfo-
cantis sensu, aut vano irruentis ad-

uersarij phantasmate perterritus,
 ad clamorem, frustrante vocem
 imbecillitate, irritato conatu eniti-
 tur; vel saltem inarticulatè & sub-
 misse, ideòque ἀσπυγνός quirita-
 tur, ac interim rem opprimentem
 manibus amoliri, atque etiam fur-
 gere ad fugiendum hostem, totis
 quidem viribus; sed ob captam vim
 motricem incassum contendit; do-
 nec incubi causâ post longam &
 arduam luctam superatâ, tandem
 euigilet: quodque mirum, violan-
 tur animales omnes potentia; nam
 seducitur ὁ φανταστικὸς, sensus hebe-
 scit, motus accisus est, vox fauci-
 bus hæret, vna memoria peritans
 incolumis, fugato paroxysmo, præ-
 gressarum æumnarum exacte re-
 cordatur. Incubum his versibus
 graphice depinxit Poëta,

12. Æ.
 neid.

*Ac veluti in somnis , oculos ubi
languida pressit*

*Nocte quies , nequicquam avidos
extendere cursus*

*Velle videmur , & in mediis cona-
tibus ægri*

*Succidimus , non lingua valet , non
corpore notæ*

*Sufficiunt vires , nec vox , nec ver-
ba sequuntur.*

Facultates animales in Incubo of-
fenduntur , vel à succo aut halitu
densiore , cerebri basim , à qua se-
ptem neruorum coniugationes ,
spinalisque medullæ truncus ena-
scuntur , obstruente ; vnde illibe-
ralis succedit *τῷ ἐνοπμῶντων ἐπιρ-
ρῶν* : vel etiam à narcoticâ qualitate,
absque vllis viarum obicibus , spi-
ritus animales quodammodo vin-
ciente , ac ex impigris & indefidi-
bus , inertes segnesque reddente.

Suspi-

Suspiriosa verò respiratio sequitur
compressionem partium thoraci-
carum ac præcipuè diaphragmatis,
ab humoribus aut vaporibus co-
piosis atque crassis, seu inferne eue-
ctis, seu per se intrà vasa stabulanti-
bus.

Neutra porrò istarum noxarum
videlicet cerebri atque pectoris,
seorsim sufficit creando Ephialti;
sed ambas combinari opus est, &
quasi conferruminari: Nam du-
ctuum cerebri obturatio in incubo
minùs completa est, aut spirituum
animalium *vapours* minùs eximia,
quàm vt spiratui officere queat,
cum ipsimet carotici pro voto
aërem ducant, licet in Caro longe
pleniùs quàm in Incubo cerebrum
contingat offerciri: Carus siqui-
dem est cataphora *δυσδιέρετος* inte-
gram animalitatis ruinam afferens,

seruata cæteroquin spirandi libertate: Incubus contrà, non est admodum *δυσλειτουργός*, nec principatum animale penitus labefactat, cum phantasia somniet, voxque saltem tenuis ac subfurda elidatur; & tamen laboriosa editur respiratio, quam proinde non cerebri contagione, sed ab inferâ causâ præpediri meritò iudicamus.

At nec vicissim septi transuersi, aliorumve instrumentorum *ἀναπνευστικῶν* constrictio ephialtem potius est inuehere, nisi cerebro coaffecto, vis animalis in nervos exilire prohibeatur, i. quia vnà cum respiratione & voce, vniuersi corporis motus, & eapropter commune mouendi principium oblæditur. 2. quoniam incubus perniciosorum cerebri affectuum, vt apoplexiæ & epilepsiæ est *παραδεδωμένος*. Tandem

quod Ephialtici sat ægre expergif-
cantur, excitati verò necdum pe-
nitùs discussâ capitis plenitudine
in errore τῆ φάσματος aliquamdiu
perseuerent, vti mox dicetur. Con-
cludamus ergo incubum esse velut
monstrum δειπνον, seu mixtum
πάθημα è pectoris coniunctim &
cerebri memoratâ inualetudine.

Laborat cerebrum vel idiopa-
thicos à materiâ crassâ & pituitosâ
in ipso coaceruatâ, dummodò huic
primario cerebri malo organorum
spirabilium ab aliâ causâ coarctatio
eodem tempore consocietur; vel
sympathicos, vbi eiusdem aluinæ
expirationis quædam portio mo-
rans circa diaphragma ipsum vexat,
altera autem sublimiùs conscen-
dens opplet neruorum origines.

Causam incubonis anteceden-
tem quod spectat: bilis tenuior est,

nec propter acredinem quâ naturam indefinenter prorit, in ea copia potest congeri, ut thoracis πρίξιν, cerebrique ἐμφραξιν, præstet. At eâ demptâ quilibet alius humor ciendo incubo paratus est. 1. phlegmaticæ immunditiei in prima corporis regione turgescientis cumulus. 2. humoris melancholici ζύμωσις, μεπαισιμός τε καὶ πολλαπλασιασμός. 3. sanguis luxurians atque ebulliens; hinc enim fit ἀναδρομή vaporum hypnoticῶν ad cerebrum, pectorisque venæ simul intumescentes spiritus angustiam pariunt. Denique feruidioris vberiorisque seminis orgasmus, qui venereis insuper illecebris egrotum ludificans mouet ἐξονδρωγμόν.

Causæ procatarcticae sunt multiplices: ambientis frigiditas obstant inconspicuæ difflationi: Cibi

flatulenti, vaporantes, & coqui
contumaces ut fabæ, tubera, lentes,
omniaque legumina: Cruditates
vel culpâ ventriculi, vel in ventri-
culo licet ἀναμίξω ob ingluuiem &
remulentiam conglomeratæ: lum-
brici in aluo ebullientes: somnus
statim à pastu plethoricis causis ca-
put implens, cum nempe inter
vigiliam & adultam quietem in pri-
ma somnij nebula adhuc se vigilare
existimat, qui dormire vix cœpit;
secus enim ut vigilantes hanc ægri-
moniam non experiuntur, partim
vaporum inopiâ, partim etiam
quod eorum imaginatio, non ut
dormientium hallucinetur; sic
altus sopor creando incubo ineptus
est, exhalationum in cerebro
πλεονεξία nullum somniis locum
concedente. Demùm si somnus
supino ineatur decubitu, sympathi-

cus exurgit Ephialtes, aut quia cor dorsi vertebris vicinius commodè non pulsatur, indeque quamplurima aceruantur excrementa fuliginosa; aut quia calefactis lúbis quibus vena & aorta innitútur, sanguis estuat, permultique halitus iuxta spinæ rectitudinem ad posticam cerebri partem obrepunt. Incubus item idiopathicus isto iacendi schemate prouocatur, cerebri superuacaneis, quæ per consuetos meatus anteriùs sitos, nempe os atque nares educi oporteret, ad posteriora deriuatis.

Pater ex allatis incubum minutæ vel nocturnæ epilepsiæ titulo perperam insigniri, nec Ephialticos, vt vulgò dicitur, iisdem tædiis noctu per somnum implicari, quæ epileptici interdium perpetiuntur: Incubus enim expers est omnis

conuulsionis, quæ totam vel præcipuam epilepsiæ ὑπαρξιν constituit; quinimo incubus rectius exigua apoplexia quàm parua epilepsia dici posset, eiusque natura, symptomata atque causæ morbo syderato quàm comitali magis respondent.

Causæ incubi, indiciiis humorum παύσασιν & quasi præfecturâ demonstrantibus sese prodūt, quibus vnū adiicimus à iuuantibus ac lædentibus petitum; nimirum incubum à fermentatione succi atrabilarij prognatum intendi à calidis, remitti à frigidis, factâ ἀπεινώσει humoris ἀπαισιζομένης: Incubum verò ἀπείσια genitum, è contrario se gerere.

Si cerebrum male habeat per societatem vapidorum viscerum, quoniam rapta sursum exhalatio,

humore subtilior est, absolutâ derepente eius diaphoresi, illicò resipiscit morbida imaginatio, præcordiorum querelâ, ac potissimum dyspnœâ aliquantulum protractâ. Cerebro autem essentialiter ac per se afflicto, præter capitis gravitatem, aurium tinnitum, vertiginem, & reliqua quæ & antecedunt & consequuntur cephalica symptomata, expergefactus æger spiritus, motusque integritatem protinus quidem recuperat: At quia materia morbifica caput occupans propter crassitiem tardius dissolvitur, non confestim sibi redditur turbata imaginatio, pertinaciter affirmantibus persæpe ægrotis hominem, Dæmonemve se conspexisse & alloquutos esse; sed eum in fugam versum, dum comprehendere tentarent. Notat insuper Au-

relianus, amputato somno: *Faciem* lib. 1. tard. pass. c. 3.
atque transforationis partes, ut oculos,
nares & aures vuidas & humectas
sentiri, attestante grauedine cervicis
cum tussiculâ leui, molli stimulatione
commotâ.

Pueros incubus frequenter exer-
 cet; quia propter voracitatem cre-
 brò ἀπὸ πείσων, & τῇ ἀφορμῇ adiungi-
 tur animi ὁ ἐξ ἀπατήτος ἀγῆστοις,
 scribit Aurelianus ab hoc morbo
 haud semper abesse periculum sa- ibid.
 lutis; sed cum *vehementior impresse-*
rit præsocatio, quosdam interfici;
 additque ex Silimacho contagio-
 sum quondam & epidemicum in-
 cubum Romæ grassantem multos
 pestis instar iugulasse. Verùm hîc
 est opus διορισμῶ; Nam incubus
 rarenter recurrens, & ἀπὸ φανερῆς
 ποσφάτος, verbi causâ, à crapulâ
 oriundus, vacat prorsus discrimine.

Siverò per plures noctes, vel pluries vnâ nocte repetat, ac domesticum fuerit eius seminarium, periculosus censerì debet; non tamen vt causa, sed vt signum, quatenùs est *μλέτη καὶ παροίμιον* dirorum ac feralium morborum vt apoplexiæ vel epilepsiæ, potissimum si accessio diuturnior sit atque sæuior, obesosque homines aggrediatur quorum corpus non est *ἀέριον* ac perspirabile. Postremò Ephialtes à bullante humore melancholico genitus *πάθος ὑποχονδριακόν* minitatur, huicque conterminus est: ac in genere ille incubus statuitur formidabilior qui vertiginem, mentisque stuporem & confusionem post se relinquit, eò quod cerebri idiopathiam denunciet.



DE SPVRIA
CONVVLSIONE
AC SPECIATIM
DE SPASMO CYNICO.

PRæter veram, legitimamque
conuulsionem datur fallax at-
que nôtha quæ per se non contin-
git, sed musculorum oppositorum
paralyfin ex accidenti consequitur,
ac idcirco collectio rectiùs quàm
conuulsio dici debet? huius memi-
nit Hippocrates lib. 2. Epid. docens sect. 2.
vertebris lateraliter luxatis partem,
in quam ipsæ vergunt, resolui, la-
tusque aduersum conuelli: Gale- 1. de
nus quoque scribit, Motuum qui mot.
musculi
9.

sibi inuicem succedunt, vno per-
eunte, alterum adimi; Exempli
Gratiâ, tensore musculo resoluto
aut amputato, membrum ab anta-
gonistâ flexore statim flecti, ac fle-
xum & immobile permanere, quod
ampliùs expandi non possit.

lib: 3;
de a-
nim.

Ad rimandam huius euentus
causam duo obseruanda sunt. Pri-
mò cum ex Aristotele omnia vel
pulsu, vel tractu moueantur, mo-
tusque animalium non pulsione
partium, sed tractione perficiatur;
constat vnicam esse musculorum
actionem, nempe contractionem,
neque musculus, dum conductus
est, seipsum laxare posse, verum
vbi oppositus musculus sese con-
trahit, tunc illum ad huius motum
eodem tempore retendi, adeò vt
contracti musculi extensio, passio-
nis potiùs quàm actionis nomen

mereatur. Attendendum secundò duplicem musculis inesse contractionem vnā arbitrariam quæ obitur per influxum spirituum animalium è cerebro; alteram insitam quæ non modò non fit à voluntate, sed nequidem ab animâ peragitur: mortui enim musculi, ac per medium transuersim dissecti, vna portio superne, altera inferne recedere festinat: abscisso illius principio, totus versus caudam proprio impetu ducitur: inciso eius fine ad caput suum repente confugit: ac denique si superiorem, inferiorémque musculi partem simul secueris, hunc quasi conglobatum, & ex vtroque extremo in sese coëuntem conspicias, Galeno authore.

r. de
mot.
musc.
10.

Ea igitur est fabrica musculorum, vt etiam in mediâ figurâ locati, omnemque motum animale

intermittentes , mediantibus tamen membris in quæ inferuntur, mutuam sibi præbeant ἀντίστασιν, cuius ope seruetur partis mouendæ ἰσορροπία, siue æquilibrium, quandoquidem musculi antagonistæ sint ἰσοδυνεῖς, nisi que æquabili contendantur. Hæc porrò natiua contranitentia motum tonicum quodammodò æmulans, exigua est ac proinde ἀνέμαλτος, nisi vel in summe imbecillis qui illam mediæ figuræ tensionem quanquam parvam vix tolerant, ideoque posituram dolore carentem vanâ spe quærentes, membra huc & illuc crebrò proiiciunt; vel etiam in valentibus ac robustis, si diuturnior fuerit illa musculorum intentio, tunc enim vtvt leuis sit, importuna nihilominus paulatim redditur, hominesq; medio situ tandem defatigati hunc coguntur variare.

Sed, inquiet aliquis, si musculi naturâ suâ sint ἀντίστοιχοι, sequetur aliquo eorum καὶ πρὸς αἰσθησιν adducto, aduersarij relaxationem violentam fore. Respondemus violentiam quamdam adesse respectu musculi laxati, nullam verò ratione totius animalis; sic motus localis animalibus naturalis est, etsi membris eius utpote grauitate pollentibus vim inferat.

His ita positis patet musculo resolutio eius antagonistam sublatâ ἀνθολογῇ illicò colligi, non pro arbitratu ægrotantis, ac per virtutem locomotiuam & animale[m]; sed necessariò ac inuoluntarie, putà per contractionem illam musculis à natura inditam, nec appetitus imperio subditam.

Resolutio autem fit dupliciter, vel quia impeditis neruis, spiritus

prohibetur à penetratione ad musculos, aliàs secundùm naturam se habentes; vel quia penetrat quidem, sed vitiat musculus eius impressionem non suscipit: priorem modum Hippocrates *νύκτων ἀκρατίας*, posteriorem *ἄρκων ἐαθήλουσιν* videtur appellasse.

5. aph.
16.

Igitur si nerui culpâ paralysis oriatur, saluo cæteroquin, corpore musculi ad quem nervus ille ducitur, alter quidem musculus ei oppositus potest pro voluntatis imperio vel contrahi, vel non contrahi, neque hunc voluntariè semel collectum, sponte nostra ampliùs extendi possibile est: Verùm hîc propriè agitur de accidentatia convulsione quæ semper est iniussa, & quæ velis nolis, aduersi musculi immobilitatem & ignauiam consequitur; dicimusque talem convulsionem
nun-

nunquam posse contingere, si ner-
 uus *ἡ ἐνορμύωντων* delator solum-
 modò affectus sit, ac ipsa musculi
 in quem nervus iste inseritur, sub-
 stantia per se sana fuerit; eò quod
 licet obstructo, verbi causâ, neruo,
 confestim auferatur ob spirituum
 animalium penuriam, spontanea
 subiecti musculi systole; altera ta-
 men contractio eidem musculo ad
 libramentum innata seruetur; quip-
 pe quæ non à facultatis motorix à
 cerebro influxu, secus libera esset,
 sed à propriâ musculi, præsertim-
 que tendinearum eius partium
 constitutione dependeat: proindé-
 que hanc corrumpi, nempe ipsum-
 met musculum mollescere, flacce-
 scere, & ut ait Hippocrates, effœ-
 minari necesse est, ut alter ei aduer-
 sus perditâ *ἀντίστασι*, absque iussu
 voluntatis stipetur in sese, partem-

que in quam implantatur, secum abripiat.

Quod spectat ad musculos antagonistas destitutos ut sphincteres ani & vesicæ, sciendum quoque duplicem illis inesse contractionem, unam animalem à cerebri influenza pendentem, qua fœcum ac urinæ effluxum arctius aut laxius pro libito remoramur; alteram naturalem atque insitam quæ iniussa, minusque stricta existit à fibrarum circularium in sese versus centrum necessaria nec libera coitione, per quam anus & vesica, nobis etiam non cogitantibus, oppressulantur, ac nequidem in cadaueribus fœces atque urina prodeunt, nisi vel ante mortem tale quid præcesserit, vel æger suffocatus obierit; unde abdomen ita comprimitur à diaphragmate, ut alui & vesi-

AC SPASMO CYNICO. 211

cæ excrementa vi foras elidi con-
tingat.

Resolutis ergo sphyncteribus à
negato appulsu spirituum anima-
lium, interimque superstitie alterâ
contractione ipsis ingentâ, excre-
menta haud inconsultò effugiunt;
contrà verò emollitis sphyncterum
fibris ex infessu, verbi gratiâ, super
marmore frigido, aut morâ in aquâ
algidiore, statim accedit *λα. σπασμος*,
siue clandestina atque inscia super-
uacaneorum euacuatio, vt piscato-
ri cuidam contigit apud Galenum.

47 de
loc. af-
fect.

Hinc carotici nec commeiunt, nec
concacant stratum, tametsi adeò
grauetur cerebrum, vt eius irradia-
tione sphyncteres penitus orben-
tur; At è contrariò lethargici in
quibus vis animalitatis magis afful-
get, obseruantur ὅφ' ἐαυτοὺς χαλασιπς
vt loquitur Hippocrates appositè

ad Gallicum idioma, *L'ascher tout sous eux*. Ratio est quod in Caro tota materia morbifica cerebri ambitu concludatur, nec deriuetur ad musculos; cum ex aduerso in lethargo humoris quædam portio è cerebro in musculosum genus depluens soluat eius tonum, faciatq; λυσιν illarum particularum quarum κράσις sicca esse debet. Neque tamē laxatis eo pacto alui aut vesicæ claustris siue sphincteribus, accidentariam conuulsionem superuenire potis est, quandoquidem desit oppositus musculus qui ipsam præstet.

Fucata autem ac illegitima conuulsio quamuis germani spasmi characterem mentiatur, ab eo tamen multifariam differt. Primò quidem in hoc pars sana versus ægram rapitur; In illâ verò muscu-

lus sanus contrarium muscolum ex paralyfi remissum attrahit. Secundò in hoc tanta est energia causæ conuulsificæ, vt musculi discerpan- tur potius quàm patiantur se redu- ci, præsertim si affectio fortis & ve- tustior fuerit: In illâ autem muscu- lus collectus non rigescit; sed ad arbitrium externi impulsoris flexi- lis est, quamuis sibi derelictus mox recolligatur: Imò si musculus reso- lutus manibus retrahatur, eius *αὐτομάτως* qui saccomatis defectu in sese coactus fuerat, reparato æqui- pondio, pristinum naturalemque habitum statim recuperat, ac tam- diu in eo permanet, quamdiu du- rat illa paralyticæ particulæ retra- ctio. Denique in spasmo propriè dicto, integra sæpe est ac perfecta morborum musculi contractio: In adulterinâ verò conuulsione pro-

pter partis trahendæ cū sua mole
 grauantis , tū extranei ac crassi
 humoris copiā onustæ reluctan-
 tiam , musculus incolumis vltimam
 contractionem non assequitur ab-
 sique virtutis animalis adminiculo;
 Exempli Gratiâ , si ægrum iubeas
 vt particulam ex euentu conuul-
 sam impensius flectat , hæc sane
 perspicue flectetur; rursus si iubeas
 exoluere voluntarium flectendi
 motum , videbis eandem confe-
 stim extendi, quousque præceden-
 tem,mediocremque flexionem re-
 petat: & hinc quoque fit vt homo
 sanus extremâ flexione membri
~~αεγαπητικῶς~~ factâ , cum ipsam sol-
 uerit ; musculus flectens nonnihil
 discedat , membrumque ad mode-
 ratam flexionem proprio motu re-
 uocetur.

Vt facies domicilium est pul-

chritudinis, hæcque in membro-
rum debito situ, & aptâ figurâ ma-
ximè consistit; sic partium seu re-
solutarum seu conuulsarum *Αγ-
σποφῆ* in facie quam dehonestat
præcipue conspicua est: hæc &
Oris tortura & spasmus Cynicus
promiscue vocitatur; quas tamen
voces satius est ita distinguere, vt
altero tantùm vultus latere peruer-
so Oris tortura & distensio dicatur,
quia curuitatis fœditas in oris am-
bitu seu potiùs angulo quem *χαλι-
νὸν* Græci vocant, euidentiùs quàm
in reliqua facie apparet: distortio-
ne verò vtrumque oris latus obfi-
dente à rictus canum irâ percito-
rum, & ad mordendum sese com-
parantium similitudine, *σπασμὸς κυ-
νικὸς*, Latinis raptus caninus appel-
letur; Canes namque ringendo
vtramque simul oris partem didu-

2. de
differ.

puls. 3.

cunt. Galenus varias Canis nominis significationes proponens, inter cætetas ait morbum in facie quandoque significare ubi spasmus Cynicus proculdubio intelligitur. Risum quoque Sardonium nominant à Sardoâ herbâ, id est batrachio quodam venenato in Sardiniâ iuxtâ fontium margines nascente, quod si edulio fuerit dehiscere in rictus ora cogit, itavt qui mortem oppetunt, sub ridentium specie intereant, quam herbam Apuleius sceleratam, vulgus Apium risus nuncupat.

In hoc affectu rarò os solùm laborat; at plerumque narium, palpebrarum, cæterarumque faciei partium musculi, necnon etiam latus musculus *μωσδης πλατυσμα* dictus, qui omnibus vultus particulis communis est, ac vniuersam

eius cutem naturaliter mouet, vnâ
afficiuntur; ita vt non modo labia,
sed faciei dimidium distorqueatur.

Oculus etiam atque lingua eam-
dem noxam non infrequenter par-
ticipant, quinimò oris distentio,
teste Aureliano: *Colla quandoque &*
humeros simul rapit, & ita patientes
facit commoueri tanquàm onus hume-
ris bajulantes transferendi ponderis
causâ.

2. tard.
pass. 2.

Canina conuulsio essentialiter
symptoma est oblæsi motus anima-
lis; sed si effectuum ratio ineatur, in
genere causæ morbificæ collocari
debet, quod morbum in situ ac
figurâ progignat.

Oritur ista affectio vel à conuul-
sione partis contortæ, vel à paralyfi
partis oppositæ, velut habenis hinc
illincve aut adductis aut remissis
capita equorum torquentur. Con-

uulsio alteram sæpiùs quàm vtramque oris partem occupare consuevit, paralyfis alterum duntaxat latus tentare debet, si oris torturam præstitura est, cum facies vtrimque resoluta in neutram partem detorqueatur: quod si conuulsio atque paralyfis in eodem latere alternatim sese excipiant, os modò dextrorsum, modò læuorsum quasi per artem ludicram deflectet, prout nunc spasmus, nunc resolutio per vices infestabit.

Conuulsio vel idiopathica est, vel sympathica: sic spasmus Cynicus nono die post testis euulsionem nonnunquam superuenit, & quidem cum ægri perniciæ. Traiecto quoque in præliis, gladiatorumque spectaculis *ἑρως τῶν πολεμικῶν ὀφειλάς* lethalis risus concitatus est ex Aristotele & Plinio, non qui-

3. de
hist. a.
nim.
10.
1. 11. c.
37.

dem vt in titillatu ob calorem diaphragmatis quem vulnus induxit, sicuti censet Philosophus; sed potius quod diaphragma è tertiâ & quartâ ceruicis vertebrâ neruos mutuetur, è quibus ramuli tendunt ad labia; vnde lege *συμπαθείας* præcordiis ob acceptum vulnus vibraris, conuulsorius risus cietur. Aristoteles autem loco citato tacite videtur subindicasse historiam ab Hippocrate traditam de Tychone s. Epid. xgi. 94. qui confosso catapultâ pectore, ac dum lignum extraheretur, aliquâ spiculi parte circâ septum transfuersum relictâ, tumultuoso risu correptus est, breuique post tempore iuxta Hippocratis prognosin vi conuulsionis interiit.

His causis obliquati vultus addi potest maxillæ inferioris *ωδυνή*; seu a fractura serius vel minus arti-

lib. de
artic.

ficioſe tractata , vt docet Hippocrates, ſeu etiam muſculorum maſſeterum vitio ; tunc enim labia quanquàm per ſe illæſa ſequuntur mandibulę obtorſionem, ſimulq; dentes naturalem amittunt concubitum , & maſticatio impeditur. Dolor in oſſibus faciei vel potiùs eorum perioſtio cum ſtupore & palpitatione cutis , præcurſor eſt raptus canini apud Auicennam , quod humoris exuperantiam indicet , paralyſin aut conuulſionem propediem illaturi.

lib. 3.
ſen. 2.
cap. 10.

Præſente iam affectu faciei ſchema corrumpitur , labia non rite combinantur , ſaliua ſponte effluit, ſpiritus altera tantum oris parte efflatur , manca demum eſt ac implicita loquela ; Nam vt articulatio abſoluatur, firma conduci labra & ad nutum deduci neceſſe eſt: Cel-

sus alia signa adiungit scilicet fe-^{l. 4. c. 2.}
brem acutam, crebramque colo-
ris in facie mutationem; sed ista
aliena sunt, neque perpetua.

Magni porrò est momenti inter-
noscere, an malum vel conuulsio-
nis vel resolutionis soboles sit; illic
enim membro trahenti, hic autem
membro tracto debetur medela,
cum morbus ibi non hæreat, vbi
figuræ deprauatio sese ostendit. Igi-
tur præter signa sinceræ ac insince-
ræ conuulsionis *Διὰ κινήσεως* quæ su-
perius memorata sunt: In spasmo
particula dura est, rugosa ac dolo-
rifica, æger parcius spuit, nec pal-
pebra è directo arcute occluditur:
In paralyti verò pars laxa est, læuis
atque stupida, vberior adest ptya-
lysinus, ac palpebra superior vix re-
cludi potest, inferiorque demergi-
tur: Insuper dimidia palati regio re-

mollescit, aspectusque fixus est ac demissus, perinde ac ægrotans attentæ meditationi incumberet.

Notandum autem partem faciei ex conuulsione tortam atque corrugatam tactu interdum orbari, resolutis nervis eius extimis, quibus tangendi virtus ad cutem delegatur: ac ex aduerso partem faciei ex resolutione laxatam, sensus esse compotem, si nervi exteriores qui euri tactum impertiunt, infantes fuerint.

Facies partim, quia externis iniuriis aperta, partim quia cerebro algido ac madido vicina, frequentius paralyti capitur. Vultus *ἀσπόμενος* quæ nulli corporis parti consentiunt celeriter aut sua sponte, aut ex necessitate sedantur, ex

lib. 2.
protrh.
loc. cit.

Hiopocrate. Tortura oris ultra sex menses protracta, Auicenna teste,

difficilem curationem admittit,
 non tantum propter causæ inuete-
 rationem; sed etiam quod muscu-
 lorum villi à firmo & constante situ
 certæ figuræ assuefacti, hanc ægre
 dimittant, sic artus etiam morbi
 expertes paucarum horarum posi-
 tionem non sine molestia immu-
 tant, & corrigi diu complicatę,
 tandemque explicatę ac sibi dere-
 licte ad plicaturas ultro recurrunt.
 Risus Sardonius ex se turpis est,
 nunquam periculosus; sed exitiales
 passionēs interdum portendit, ver-
 bi causâ, apoplexiam, si sit paraly-
 ticus; aut Epilepsiam si conuulsius;
 aliquando lethali egritudini socia-
 tur, vt phrenitidi & continuis febri-
 bus, crescente circa cerebrum
 morbi malitia; vnde Hippocrates: 4. aph.
*In febre non intermittente, si labrum, 49.
 aut supercilium, aut oculus, aut nasus*

224 DE SPURIA CONVULS. &c.

initio
lib. 3.
Epid.

peruertatur, mors in propinquo est; sci-
licet ὥς ἐπὶ τὸ πολὺ, nam Pythion
couualuisse narratur, cui acuta fe-
bre detento die septima σόμα παρδ-
ρύσθη: Imo quandoque Cynicus
spasmus in crises utiliter cadit, ma-
teria sursum commigrante, & sub-
inde vi naturę deorsum remigran-
te, aut exitum habente per nares.



DISSER-



DISSERTATIO PATHOLOGICA.

DE

DELIRIO IN GENERE.

TRes dantur facultates principes *τὸ ἡγεμονικόν, τὸ φανταστικόν, καὶ τὸ μνημονεπτικόν* : supremum est mentis tribunal : Imaginatio tanquàm iudex ὑπάλληλος sedet, huiusque iudicia in summa rationis Curia retractantur : Memoria est veluti libellio vel tabularius cui acta consignantur.

Mens penitus obbrutescit in amentia, hebescit in fatuitate, corrumpitur in delirio.

P

E limine difficultas grauissima venit enodanda, quo pacto ratio violari queat. Impium esset opinari delirij causas migrare in mentem, hancque corporeis telis atque ictibus esse vulnerabilem; quippe quæ longissimè posita sit extra sphaeram actiuitatis causarum naturalium, omniumque affectionum secunda existat præterquam αἰσέσις, unde officium, quidem animæ tollitur, sed non vis, tantò minus substantia; haud secus ac peritus citharista lyram pullans fidibus solutam, artem callet; etsi ea male fungatur. Cuiusmodi sunt vasa, inquit Hippocrates,

lib. 1. de
diæt.

per quæ excurrit anima, & ut sunt affecta quibus accedit, tum illa etiam quibus permiscetur, sic homines aliter atque aliter sentiunt, ideoque possunt ista per dietam transponi: naturam enim inaspetabilem transformare potis non est.

Hæc diuini senis verba, quanquam aurea & vncialibus litteris digna, nodum tamen non soluunt; Nam cum virtus *ἡγεμονικὴ* mediis corporalibus organis functiones suas non exequatur, vt Medici à Phisicis probatum accipiunt, dubium relinquitur quomodo malorum corporis particeps fieri possit. Credendum ergo Rationem per se, ac instrumenti sui inualetudine vtpote quod nullum sit, more cæterarum facultatum non laborare; sed accidentariò tantùm & ob errorem externum, id est obiecti, scilicet phantasmatis culpâ; quod etsi materiale sit, nec spiritali ac inorganicæ potentiæ accommodatum, intellectui tamen est pro exemplari, itavt ad præsentis phantasmatis similitudinem, intellectus agens fabricet speciem intelligibilem atque im-

materialem , cuius interuentu intellectus patiens seu possibilis intelligendi actum elicit. Igitur quemadmodum vitiiati archetypi effigies imperfectas esse necesse est: ita si idola phantastica distorta atque incondita fuerint, tales etiam erunt imagines dianoëticae, sicque mentem ipsam errare contingeret,

Lucret.
l. 4.

-- *Vt in fabrica, si praua est regula
prima*

Normaque si fallax rectis regionibus exit,

Et libella aliqua si ex parti claudicat hilum

*Omnia mendose fieri atque obstipa
necessum est*

*Praua, cubantia, prona, supina atque
absona, tecta*

*Iam ruere ut quaedam videantur
velle, ruantque*

Prodit a iudiciis fallacibus omnia primis.

Sic etiam ratio tibi rerum prava necesse est

Falsaque sit, falsis quaecumque ab sensibus orta est.

Proindeque nonnisi per sympathiam sensuum ceu exploratorum, testiumve infidelium ratio offendit; ac eclipsin patitur non verè, sed per accidens instar solis deficientis non Lunæ. Sicuti Duces sapientissimi multa temere aggrediuntur falsò, nec opportune moniti, ita mens à phantasiâ hallucinante seducitur; excipit enim quod offertur; at offeruntur vitiosa.

Non me latet plerosque de intellectione aliter philosophari, nempe intellectum agentem non effigiare sibi spectra, sed innato lumine phantasmata illustrare, & à

materiæ imperfectionibus ita defœcare, vt tali irradiatione intelligibilia menti reddantur; quomodo etiam Angelos de rebus sensibilibus per imagines obiectorum materiales iudicare coniiciunt. Sed perinde est hanc illamve amplexemur sententiam: nam vtrinque infertur rationem non aliter quàm per contagionem morbidæ imaginationis ægrotare.

Aliqui existimant in primâ quidem rerum apprehensione mentem opus habere satellitio phantasiæ, quia nihil est in intellectu, quod non antea fuerit in sensu; sed rationem munus suum implere absque concursu imaginationis, vbi species intelligibiles semel consequuta fuerit. Verum an vnâ cum memoriâ sensitiuâ detur memoria intellectualis non liquet: po-

namus tamen animam rationalem non tantum intellectu atque voluntate præditam esse; sed & tertiâ quadam potentiâ incorporatâ specierum intelligibilium lequestrâ, vel saltem has custodiri in intellectu patiente; experienciâ nihilominus ratum est, mentem turbari, nec probe vti simulachris dianoëticis iam acquisitis, si sensus interni adulterati fuerint; ac inconcussum perstat Aristotelis dogma, oportere intelligentem speculari phantasmata, hoc est quamdiu anima corporis quasi ergastulo vel catastrâ detinetur, propter naturalem intellectus ac phantasiæ societatem, illum non posse circâ rem aliquam occupari, quin hæc pro suo captu versetur circâ idem obiectum, aut saltem aliud quidpiam quod cum re intellectâ connexionem habeat, vel ei

lib. 3.
de a-
nim.
c. 7. & 8.

quomodocumque respondeat; verbi causâ, si mens contempletur res vniuersales, vel spirituales, imaginatio res particulares aut materiales intueatur; ac idcirco cum perpetuum sit istarum facultatum in suis operationibus consortium, si erronea fuerit imaginatio, mentem è vestigio perueriti, ac vbicumque hæc à recto tramite deflectit, phantasiâ prius deuiare necessarium est; eoque modo mens licet αὐλῆς, tamen quamdiu materiæ copulatur, astricta est ad morbi catenam, corporisque iniurias desponsat.

Ex dictis patet perperam à nonnullis mentem in media cerebri regione, phantasiâ in anteriore, & memoriâ in posteriore collocari. Primò enim supponunt mentem esse potentiam organicam; deinde

quis non videt idem futurum mentis & imaginationis habitaculum, si mens ad phantasmata conuerti debeat?

4. de
loc. affect. I.

Galenus ut mentem habet pro corporeâ, sic docet in deliriis nonnunquam utramque facultatem & imaginatricem & ratiocinatricem eiusdem lapsus consortem esse (quod semper euenire nos censemus) sed interdum quoque imaginationem tentari illibatâ ratione, quandoque ineptire rationem imaginatione inculpatâ. Prioris casus exemplum recenset Galenus in seipso adolescentulo qui per causum decerpens paleas, floccosque è vestibus auellens, & à duobus amicis mutuò colloquentibus conatum suum ut inanem notari audiens, fraudem confestim deprehendit, auxiliumque ad phrenitidis pro-

phylaxin implorauit, si Galeno fides, absque ullo ratiocinii nocumento, vis imaginatiua cœspitabat.

lib. de
sympt.
differ. 3.

Tradit alibi exemplum Theophili cuiusdam Medici tubicines in cubiculo se videre & die nocteq; audire vanè imaginantis; sed apte ratiocinantis illos, si fuissent, expellendos esse, ut reuerà reliqua prudentia ei supererat, & disputandi & præsentes agnoscendi, posteriorem casum videlicet motæ rationis, stante interim phantasiâ, demonstrare nititur historiâ cuiusdam phrenitici qui occlusis foribus, prætereuntes ex fenestrâ rogans, an vasa vitrea, quæ rectissime nominabat, iaceret ex alto, hique ridendi causâ annuissent, vasa omnia eiecit; ac deinde eosdem interrogans, num etiam puerum deiceret, hique imperas-

sent, eum illicò præcipitem dedit.

Attamen pace Galeni asserimus istis exemplis minimè probari quod ipse intendit. Primò enim Galeni adolescentuli, febre ardente correpti, & festucas colligentis, mens, etsi mendacibus illis imaginibus nondum plene erat addicta (secùs eius erratum nequaquam amici repressissent) sic aliquantulum haud dubiè vacillabat, alioquin similiter ac in vertiginosis imaginationis fallaciam sine monitis astantiũ sana ratio emendasset. Deinde Theophilus ille melancholicus fuit, cuius non solùm imaginatio, sed intellectus quoque peccabat, si non in suo discursu, saltem in apprehensione tubicinum qui nulli aderant. Tandem haud inoffensa fuit memorati phrenitici phantasia, quippe quæ ante

mentis operationem primùm vasa, mox puerum vt proiicienda iudicauerit, in cuius suffragium cum ratio descendisset, proiectio inde subsequuta est.

Porro vt ista explicatius & elimatius enuncientur, duo obseruabimus. Primo cum mentis actio triplex sit, apprehensio, compositio & discursus, non raro intellectum in simplici obiectorum apprehensione, atque etiam in eorum compositione ludificari, discursu aliàs intemerato, sicut quotidiano melancholicorum & speciatim Theophrasti illius iam citati exemplo videre est. Secundo deliria distinguenda esse à mentis perturbationibus sæua appetitus sensitiui passione concitatis, per quas aliena ac insolita pronuntiantur vel patrantur: Ira, verbi causâ, furor brevis est,

ᾠδὴ χαρεῖα mentem excutit, & antequam ingens amor vel metus verum inferat delirium, qui efflictim ac perditæ amant, aut maxime ac improviso timent, è mentis potestate exeunt, & tamen desipientiæ propriè dictæ sunt expertes: quod cerebrum nequidem minimâ aspergatur labeculâ, nec ratio vi morbi, sed obiectivehementia extrâ cancellos rapiatur: Nam in deliriis mentis ægritudo accersit immoderationem appetitus: At in animi pathematis effrænis appetitus mentem trahit extrâ metas; sic maniacorum ἀκρηχολία effectus est non causâ mentis eversæ, contrâ ira in ὀξύθυμοις causâ est non effectus commotæ mentis; proindéque illic præfidiis medicis, hîc præceptis moralibus opus est.

Lubet quibusdam intellectum

non solum à phantasia, sed etiam à memoria imagines recipere, itavt quantumvis mendosæ species ipsi ab imaginatione subministrentur, alias optimas ac integras mutuetur à memoria, quibus mediantibus phantasiæ hæresin castigat, vt in vertigine & oculorum *παρεγκεῖται*. Verum ex hac opinione sequeretur primo mentem species rerum à memoria proxime accipientem operari posse sine præuia imaginationis actione: deinde nullū vnquā fore deliramentum, constante memoria, quod experimentis refragatur, itaque satius est duplicem statuere imaginationis læsionem; vnā per accidens & vitio obiecti nempe ob imaginum præuitatem, incorrupta cæteroquin cerebri constitutione, sicut in vertigine, & oculorum hallucinatione cōtingit;

alteram per se ac læsa facultate siue
 potius organo facultatis : priore
 modo phantasia ex se innocua , re-
 ctarum specierum in memoria as-
 servatarum ministerio , cæterarum
 imaginum quæ obiiciuntur absur-
 ditatem dignoscit , istudque phan-
 tasie decretum à ratione postea
 comprobatur , at posteriore modo
 delirium est inevitabile , quoniam
 phantasia per se illusa , intellectui
 necessario imponit.

Obiicies in legitimo delirio in
 quo imaginatio per se & propriè ti-
 tubat , huius *σφάλματα* ab intelle-
 ctu nonnunquam refelli : Nam Phi-
 lolophus ille *λυσιπποῦ* apud Aëtium , tetr. 2.
 phantasie aquam abominantis de- serm. 2.
 lictum rationis subsidio superavit , cap. 24.
 atque aqua intrepide ebibita à
 morbo liberatus est ; imo rabien-
 tium nonnulli , ne quasi inuiti

ceteros dentibus petant, se vinculis coërceri iubēt, ac etiam astantes ad fugam hortantur. Respondemus peruersam istorū hydrophoborum phantasiam à mente non fuisse erectam, cum hæc illius læsuras nequeat effugere, sed imaginatiuam ac intellectualem potentiam simul contaminatam fuisse, adeo tenuiter tamen atque moderatè, vt ope fidelium specierum in memoria reconditarum, vtraque hæc facultas aberrationem suam recognouerit; vel potiùs dicamus ob instabilem vaporum naturam fugacia fuisse deliria, ac mentem atque imaginationem breuib. sanitatis interual-
lis potitas esse.

His ita præmissis Delirium in genere definiri potest: *Notabilis mentis deprauatio imaginationis errore prognata.* Dicitur, *Notabilis deprauatio*.

uatio. Mens enim extrà rationis semitam paulisper abducta non dicitur delirare, cum homines citra desipientiam multa sæpe præpostere ac imprudenter vel præstent vel loquantur, quomodo Musici, Poëtæ, Pictores non desipientes, sed phantastici vulgò vocitantur, quasi in confinio delirij & sapientiæ positi, tantùmque differunt à delirantibus, quantùm homines boni ac simplices à fatuis discrepant. Additur *imaginationis errore prognata*, vt distinguatur ab æstibus procellosis appetitus sensitiui, rationem demergentibus.

Duplex est imaginationis instrumentum, vnum immediatum, primum & animatum nempe cerebri substantia; alterum mediatum, secundarium & inanimatum scilicet spiritus animalis qui non modo

Q

ut medium internum; sed etiam ut
 organum principibus potentiis fa-
 mulatur. Præcipua igitur delirij
 causa est cerebri morbus, non qui-
 dem organicus (hic enim fatuitatis
 & dementiæ potius quàm delirij
 author est) sed similis vel com-
 munis; ac frequentius calida in-
 temperies: quemadmodum enim
 frigus quia *παρὰ τὸν* spiritusque inac-
 tuosos reddens lædit actionem per
 modum quietis atque cessationis;
 sic calor quia *κινητικὸς*, spiritusque
 plus iustò exagitans, affert offen-
 sam in motu & mutatione confi-
 stentem: quare Hippocrates men-
 tionem faciens desipientiæ à pitui-
 tã genitæ per quam ægri nec vo-
 ciferantur, nec tumultuantur
 non intelligit pituitam naturalem
 frigidam atque humidam; hæc si-
 quidem ignaua est, nec corrumpit,

lib. de
 morb.
 sacro.

verum minuit aufertve cerebri actiones; sed præternaturalem & putridam, vt in lethargo, quæ calore & acrimoniâ deliria mouet, licet multò humaniora atque pacatiora quàm bilis, propter istarum qualitatum remissionem.

At causa delirij minùs principalis est spirituum animalium vel inordinata motio, vel impuritas, vt in melancholicis quorum spiritus pigriores quidem sunt, sed fæculentiores; vel vtrumque simul.

Spiritus animales indebito & variè reflexo motu impulsì, species quarum sunt *ὀφθαλμοί* & quasi baiuli secum abripiunt, vnde phantasmata vel absurda, vel absurdo modo & confusim imaginationi obuersantur; Neque enim solū deceptio est circa motum & situm obiectorum, vt in vertigine, in qua circulantes vnà cum spiriti-

bus imagines suam seriem singulæ retinent; sed in deliriis propter irregularem spirituum cursum, tanta fit imaginum ἀτάξια vt quæ naturaliter disiunctæ sunt, coniungantur, quæ coniunctæ disiungantur, vnde nil mirum si τέρατα δεινόμορφα monstra difformia menti occurrant: idem nimirum spiritibus contingit ac aquæ in quam si plutes dimittantur lapilli, circulatorum orbes sese consulant & confundunt.

Conspurcantur animales spiritus humorum vaporumve extraneorum commixtione, vnde vel imagines hebetantur; vel quædam etiam penitus velantur, seu ex toto, seu ex parte, itavt obiecta mutila & deformia concipiantur ab interiore sensu, aut etiam res seipsis maiores vt in aëre nebuloso appareant; imaginibus quodammodo diuul-

sis , ac veluti extensis à crassitie
medij.

Concludamus ergo maximam
esse mente motorum parilitatem
cum somniantibus , in quorum ce-
rebro rerum imagines iuxta turbu-
lentam vaporum motionem tu-
multuariè oberrantes , ac eorum-
dem vaporum densitate obnubila-
tæ , visa formant prodigiosa ; nec
immeritò deliria vigilantium som-
nia , somnia verò dormientium de-
liria nuncupari.

Prædictæ porrò cerebri ac spiri-
tum noxæ non singulæ & seorsim ,
sed vnitæ & coniunctim desipien-
tiam progignunt : Nam si cerebro
incolumi , spiritus animales dunta-
xat fuerint in vitio , imaginationis
actio non per se & propter læsam
facultatem , sed propter errorem
objecti externum oblæditur , vnde

ratio indeprauata manet, vt in vertigine fieri dicebamus. Pariter cerebro afflicto mens non percellitur, quamdiu spiritus animales inuiolati permanſerint: inde fit vt frequentiffime à vulneribus capitis, aliisque grauiffimis cerebri morbis abſit delirium, quod ſpiritus animales ſint ἀνοοσι; ac ex aduerſo à tantillo vapore ſpiritibus inquinatis, vel ſuprà modum agitatatis, ſimulque cerebro quamuis exiliter alterato, mens ſæpenuerò ſubvertatur.

Duplex autem eſt in cerebro ſpiritus vnus inſitus, fixus & animatus, ad cerebri integritatem pertinens; alter influens, vagus & inanimatus vtpote corpori contiguus non continuus, qui propriè animalis dicitur; hic à genuina conditione recedens *ἡρετική καὶ ὁλόγη* parit

deliria; ille verò à naturali integritate declinans, putà impurior ac intemperantior redditus desipientias promouet ἐκ τῆς καὶ δυσλότης, quales plerumque sunt melancholicæ: spiritus influus afficitur saluo insito; sed spiritus insitus labem suam influenti illicò communicat, quod eius creator sit atque δημιουργός.

Iam verò etsi fiat confusanea specierum phantasticarum in cerebro miscella, & quasi chaos, hæ tamen potius quàm illæ interno sensui inter delirandum obiiciuntur, siue fortuitò, siue quod in imaginationis ac memoriæ campo, quædam species vegetiores atque intensiores facultatem cognoscentem fortiùs feriant, vt recentes ac sæpius recoctæ, quam ob causam diurna cogitata per somnum recurrunt. Refert Lucianus, Comœdum

lib. de
scrib.
hist.

Archelaüm in vrbe Abderitana, Euripidis Andromedem per æstatis retorridos feruores dedisse in theatro, magno populi applausu, eademque estate causum epidemicum fuisse grassatum, ac omnes, quotquot febris inuasit, mente de cussos, eandem Andromedę Tragicœdiam in deliriis grauitè recitasse.

Queret aliquis quo ductore species propriis sedibus luxatæ, fugato delirio ad suum *νόμον* reducantur. Notandum est duplicem reperiri vnius eiusdémque obiecti in cerebro imaginem, vnā mobilem quę inest spiritibus animalibus, & ad eorum motum huc illucque vehitur; alterā immobilem ac cerebro insculptam; hæc illius genitrix est ea vi quam possidet sese in medio diaphano multiplicandi; illa ab

hac dependet & in esse & in conseruari ; nisi enim species substantiæ cerebri infigeretur, huius mollitudo aut durties non officeret memorię ; Deinde cum spiritus influentes sint ἀΨυχοί, anima per speciem herentem in peregrino subiecto, actionem suam ederet, quod possibile non est. Hoc posito ad quęsitum respondemus, sedato post deliria spirituum influentium, vt Aurelianus loquitur, turbore, infidentes eis imagiues quę elocatę fuerant, à cæteris speciebus in cerebri corpore sigillatis quę ῥαῖς suam & concatenationem constanter seruauerunt in pristinum ordinem redigi.

Mente captorum tres sunt classes. Alij enim sola cogitatione delirant, qui silent quidem, sed longam ridicularum cogitationum

sect. 2. telam ordiuntur. Alij verbo deci-
 lib. 2. piunt, sic ab Hippocrate οἱ ἀγλα-
 Epid. γερῶσις ἀλλήλοισι dicuntur qui inter
 loquendum sermones ferunt à ve-
 ritate, ratione vel proposito dissen-
 in pro- taneos, vocanturque alibi ἄλλο-
 gn. φάσποντες & παρεφάσποντες. Alij deni-
 que opere etiam insaniunt qui co-
 gitata dictaque sua factis insuetis
 vel indecoris explent; horumque
 nonnulli adhibent artes, summam-
 que speciem sanitatis præbent in
 captandis maiorum operum occa-
 sionibus, sed exituprehendun-
 tur.

Delirium vel est innatum vel ad-
 uentitium. Illud fit ob infausta τὰ
 πρώτα τῆς φύσεως, naturæ nouercantis
 primigenia; duplexque est, aut à
 parentibus in prolem deuolutum,
 neque enim ut in foro ciuili sic in
 foro naturæ ius liberis conceditur

paternam hæreditatem respuendi;
aut non hæreditarium etsi congeni-
tum ab accidentario seminis vitio;
sic notat in problematis Aphrodi-
seus à prudentibus patribus filios
ignauos progigni, quod illi ob
animum rebus seriis deditum ac
distractum languidiorem emittant
genituram; hinc tritum illud He-
roum filij, noxę, ac Hipp. nepotes
tanquã bardi antiquitus audiebãt.

Aduentitium delirium oritur à
causis seu externis seu internis :
Causę externę sunt πολυποσίη : me- 7. aph.
ditationes crebre & attentę : æstus 7.
solis quo cerebrum vnà cum spi-
ritibus suis inca lescit : ictus capitis
conquatiens cerebri machinam,
spiritusque animales perturbans : 7 aph.
ossis Ἀγκοπή, si in vacuum, hoc 14.
est spatium cranio & meningi- 7. aph.
bus interpositum penetrauerit : 24.

7. aph. item inanitio vel à Venere immodi-
 18. câ, vel à vigiliis, vel ab immodera-
 7. aph. to sanguinis profluuiio, quo perti-
 9. net illud Hippocratis Deliria *ἡ
 ἀρεξάδυνα τῶν αἵματων* prædebilitato-
 rum pessima sunt, quod à causa
 1. pror- perniciofa oriantur, videlicet extre-
 rh. mâ spirituum animalium indigen-
 tiâ : Nam si eò loci Hippocrates
 vires attritas considerasset, non ve-
 lut causam delirij, sed simpliciter
 tanquàm signum assidens delirio,
 profectò nihil noui nos docuisset,
 cum non solùm in desipientiis, sed
 in quacumque alia ægritudine,
 ruentem naturam mortis præsa-
 gium esse nemini non notum sit.

At non consentiunt omnes quâ
 ratione spirituum animalium ege-
 stas citet delirium. Placēt plerisque
 facultates principes curtâ spiri-
 tuum suppellectile infirmari, ac ob

ingentem potentiae imbecillitatem non solum ἀμεδρᾶς, sed etiam παρὰ τὸ πῶ τι καὶ exerceri actiones; licet enim hæ nonnisi à calore queant insigniter deprauari, attamen à causâ quoque frigidâ, si potentissima fuerit, ipsas mediocriter corrumpi posse affirmant, vt reuerà delirium exolutionem consequens, moderatum existit; quemadmodum (inquiunt) in tremore à debilitate τῷ φέροντος præpondere τῷ φερόμενῳ, motus impotens est simulque prauus, ita dum obiecta quæ ad mentem imbecillam deferuntur, vehementiora sunt, non mirum si nutet animus in eorum comprehensione.

Nos verò à facultate languida functionem continuò imminui, ac nunquam erroneam euadere arbitramur; quotidie enim actiones

cuiuslibet generis infirmissimæ, & tamen nullatenus deprauatæ conspiciuntur: tremorisque exemplum non quadrat, quod tremor motus sit mixtus, partim à caducâ vi motrice, partim à naturali partis gravitate: *συνέσις* autem quantumvis manca atque defectiua à sola facultate rectrice obeatur, nullo interveniente motore externo: deinde etiam si inidonea illa tremoris comparatio admitteretur, tamen obiecta facilia atque analogia menti debiliori proponi possunt, imo obiecta modulum animi excedentia nullam rationi adiicient prauitatem; sed mera inde exurget rerum cognoscendarum ignorantia, quæ à delirio longissime distat. Itaque spiritus animales si perpauci fuerint, in vacuo ac inani cerebri spatio ampliùs quam decet, commo-

ueri, sicque desipientiam adducere probabilius nobis videtur, ut in decrepitis senibus, ac iis qui morti finitimi sunt.

Ad causas desipientiæ externas pertinet mirabilis Historia ab Aræto relata de fabro : *Qui domi prudens erat operator, ac in loco ubi arte sua fungebatur, mente constabat; statim autem ac inde discederet, instrumenta deponens primò suspirabat, deinde egrediens humeros constringebat; postea cum è seruorum, fabricæ, locique illius conspectu abiisset, tum insaniam penitus vexabatur; quod si ad eundem locum celeriter recurrisset, iterum ad se redibat: hæc erat inter locum illum & viri mentem cognatio.* Delirium ab interioribus causis natum, vel est cum febre, vel sine febre; illud si fuerit sympathicum, paraphrosyne dicitur; si idiopathi-

i. de
caus. &
sign.
diur. 6.

cum, phrenitis. Delirium verò sine febre aut est melancholicum cum timore & tristitia, aut maniacum cum audaciâ & furore.

Signa delirij è quadruplici fonte hauriuntur. Primò ex dissimilitudine morum, qui à naturâ non longè abeuntes desipientiam minitantur; ab eâ verò plurimum defiscentes, ægrum mentis valetudine iam teneri commonstrant: Vt si quis sui amans, nunc se negligat: si liberorum rei que familiaris aliàs sollicitus, curas ponat domesticas: si solito magis vel moereat, vel lætetur: si ex miti fiat ferox, iuxta illud Hippocratis *ἐκ νοσήσας ἀπασιὰς ἀποκρισις, κακόν*. *Moderati hominis audax responsum, malum.* Nam vt arrogantis ac proterui blanda responsio cataphoram intentat, sic compositi atque modesti dura ac immodesta responsa,

responsa, sunt *παρρησιαστικά*. Impudica quoque loquacitas in homine pudibundo desipientiam indicat, ut in Thasia muliere, item in illo ^{ægr. ii. s. 3. l. 3.} adolescente quem scribit Hippo- ^{Epid.} crates *ἔπον ἀκόλῃαν*, id est impudentissimo modo delirasse. Ac in genere: *Si quis ea faciat, quorum est insolens, ut si appellat animum ad insueta; aut contrà, prauum ac delirio proximum.* Actionum enim non consuetarum nouitas, aut solitarum sine causâ omissio, labascentis mentis argumentum est. Mores autem duplices sunt insiti & instituti; illi quia temperiem necessariò sequuntur, sunt mutabiliores; hi quoniam per philosophiam acquiruntur, non pendent per se à temperie; sed apud animum habitant, & ut ardua est eorum comparatio, sic difficillima depulsio; ideoque plus potest mo-

rum ascititiorum quàm ingenitorum innouatio ad diagnofin delirij.

Secundò delirium petitur ab *ἀνάλ-
γησι* laborum: Nam quemadmodum externati fictitiis sensibilibus circumueniuntur, sic ad vera obiecta obstupescunt, propter peregrinantis mentis inconsiderantiam: hinc Hippocrates: *Qui parte aliquâ corporis dolentes, dolorem non sentiunt, iis mens ægrotat.* Notandumque non dici ab Hippocrate quibus mens ægrotat, dolorem non sentire, eò quod dolor adeo sæuus esse possit, ac morbus mentis ita leuis, vt dolor necessariò percipiat.

2. aph.
6.

Tertiò desipientia detegitur rerum propinque dictarum & factarum repentinâ ac extraordinariâ obliuione, per quam æger eadem

verba sepius repetit, inchoatamque orationem narrando pertexere non recordatur: dummodo ista memoria labefactatio accidentaria sit, ob intercurrentium phantasmatum turbam atque colluionem à volucris nimium atque efferatis spirituum animalium motibus sensum auocantibus; secus ἀμνηστία in collapsio memoriae domicilio ac per se adueniens, delirii index non est, cum multis memoria intercidat, absque vlla desipientiae suspicione.

Denique omnis actio arbitraria quæ citrà causam euidentem vel deficit, vel exuperat, vel indecenter fit, delirii notis annumeratur, vt pertinax silentium potissimum in homine loquaci: ἀσπασμός in taciturno: oblatores repudiatio, præsertim dum ægri labra mordent poculorum atque

r. pror-
rh.

cochlearia, si quis cibum velit im-
mittere: verendorum denudatio:
itē inuolare in affidentes, aut etiam
crudelius quid attentare, sine ra-
tione surgere, aut lectum immuta-
re velle; ita apud Hippocratem
frequens scireatus sine necessitate
delirium designat, sicut & crepitus,
in homine urbano & *ὁ ἀπὸ πείνης* co-
lente, corā iis quibus reuerentia
haberi debet; nisi forsan intesti-
num dolore contractum flatus in-
uoluntariē exprimat. Si quis etiam
per morbum nares infodiat, non à
consuetudine, aut à falsā destilla-
tione in nares, non quòd vermicu-
losus sit, aut vibrissis longioribus
titilletur, nec propter imminētem
hæmorrhagiam; Hæc, inquā, si ex-
cludas, deliriū portenditur. Lingua
quoque, seu dū exeritur, seu dū lo-
quele gratiā mouetur, cōtremiscēs,

si modò tremor iste, nec peculiari
 linguæ morbo fiat, nec ab oppres-
 sione aut exolutione virtutis moto-
 riæ nascatur, vesaniam denunciat,
 γλωσσαι Ερμώδες σημεῖον ἔχει οὐκ ἐν νόσῳ ^{i. pro-}
 γλώσσῃ : tales enim linguæ vel à ^{ih.}
 mente malè sanâ reguntur, vel ob
 immodicum calorem irrequietæ
 sunt, ac cerebri feruorem desipien-
 tiæ parentem connotant. Idem
 dicendum de ἀνὸς καὶ ἀκαλίστου inho-
 nesto decubitu, vbi æger non pro-
 pter conuulsionem; sed volunta-
 riè atque ex composito supinus ia- ^{in pro-}
 cet crura habens, vt ait Hippocra- ^{gn.}
 tes, contracta valde ac implexa.
 Similiter apud eundem Hippocra- ^{ibid.}
 tem: *In ventrem cubare eum qui dum*
sanus esset, non ita dormire consuue-
rat, aut delirium, aut dolorem circa
ventrem significat.

Huc refertur manuum gesticu- ^{in pro-}
^{gn.}

7. Epid.
ægi. 62.

latio quam φορᾶν χερῶν, & χερσὶ
τραματίζειν dixit Hippocrates;
qualis est linteorum & operimen-
torum indecora, nec necessaria col-
lectio, aut vbi æger cœcorum more

1. pror-
ph.

quid vestigat, ἡλεφώδης παρὰ κῆρας
dicitur; aut inani operâ muscas vo-
natur, de pariete stipulas legit, to-
mentum & flocculos à stragulis de-

in pro-
gn.

trahit, quod ἡρβίζειν ἀπὸ κινήσ, καρ-
φολογεῖν, κροκιδίζειν & κροκιδολογεῖν ap-

lib. 7.
cap. 51.

pellat Hippocrates; Plinius fim-
briarum curam & stragulæ vestis

æg 15. f.

plicaturas nominat; sic Dealcis

3. lib. 3.
Epid.

vxor palpabat, vellebat, scalpebat,
pilos carpebat, ab adustis videlicet
fuliginibus, muscarum, festucula-
rum, filorum, pilorumve figuram
referentibus, quæ inter ceratoëi-
dem tunicam & crySTALLINUM hu-
morem contentæ, imaginatricem

iam nugantem deludebant , itavt
quæ intus essent , foras versari diu-
dicaret , secus ac in merâ suffusio-
ne quæ error est solius ὁρατικῆς , mi-
nimè verò τῆς φανταστικῆς.

Delirium insuper edicunt ocu-
lorum motus nec conuulsione, nec
tremore , sed voluntatis imperio
deprauati : Nam quemadmodum
datur ἐμβλεψις ἐμφρονώδους aspectus ^{7. Epid.}
bene compositus , liquidum tran-
quillumque animum arguens ; sic
ὁμιάτων δράσος est παρακρηστικὸν tru- ^{p. 19. f.}
culentus fixusque contuitus deli- ^{1. lib. 6.}
rium prænunciat, vt etiam oculo- ^{Epid.}
rum ῥιψις inconstans volubilitas per
quam circumspiciunt ægri, & va-
rios quoquouersum cient conie-
ctus. Si oculi, inquit Hippocrates, ^{1. prot.}
crebros habeant proiecctus, insanie spes ^{rh.}
est. Nam cum proximi sunt cere-
bro , ac venis , arteriis , nervis ,

membranisque cum eo sociati, solent primi inter sensus ipsi laboranti *οὗτοι τὶς μὲν περὶ, quæ communia sunt & vicina*, aiebat Cōus noster, *primum* lib. de humor. *& maximè vitiantur.* Vnde appositè oculi cognominantur Mentis specula: *Oculos*, enim, *natura nobis* Cicero 3. de O. *ut equo & leoni; setas, caudam, aures* ratore. *ad motus animorum declarandos dedit.*

Postremò prætermittenda non est Hippocratis observatio ex in- 1. de in- somn. somniis deprompta, nempe *si quis somniet astra à persequentibus in fugam verti, eaque fuga cita sit, insanie periculum impendere nisi præcaueatur.*

Quia autem è præfatis placitis Hippocraticis, quædam videntur imminentes tantùm signare deficientias; animaduertendum est, superbas, verbi causâ, mansueti

hominis responsiones & oculos truces ac immotos, vel etiam incontinenter iactatos, ita testari incipientis delirij præsentiam, vt futurum eius incrementum simul præfagiant, ad quod vtpote periculosius præcipue respexit citatis locis Hippocrates. Nam, docente Galeno, <sup>2. pror-
rh. 9.</sup> signa pathognomonica affectus alicuius nascentis, prognostica sunt eiusdem adulti & ætatem nacti.

Delirij prognōsis ex eius speciebus eruenda est. Itaque nunc sufficiat generale Hippocratis theorema; *In omni morbo mente valere, bonum.* ^{2. aph. 33.} Nam quò plures facultates offenduntur, eò res ægri peiore sunt loco: Adde quod mentis impotes Medicorum mandatis minùs obsequantur.



DISSERTATIO
PATHOLOGICA.
DE
PARAPHROSYNE.

Π *Αεφροσιών* à recentioribus in-
audito apud Antiquos vocabu-
lo, paraphrenitis & paraphrenisis
appellatur, quas voces alij ad de-
lirium diaphragmaticum veræ
phrenitidis æmulum restringunt.

Paraphrosyne aliquando accipi-
tur vniuersim pro quâcumque de-
sipientiâ, stricte vero & propriè est
Delirium sympathicum à feruen-
tissima præcordiorum, totiusve
corporis ad cerebrum expiratione

progenitum. Ab eiusmodi namque halitu cerebri corpus simulque spiritus eius animales præter naturam exardescunt : vnde mens in falsa quædam ac fictitia traducitur ; quodque diligenter notandum est, æstuosus vapor non solum suo calore spiritus variè impellendo ; sed potissimum dum in cerebro voluntatur , spiritus quibus commixtus est secum rapiendo, horumque puritatem inquinando, delirium procreat. A mero etenim calore paraphrosynem oboriri posse credibile non est, cum sæpe per febrem tepidiorem sacra rationis prophanentur ; flagrantior vero febris in qua cerebrum magis incanduit, nullo stipata sit delirio, quod nempe in illa nocuis exhalationibus caput petatur, in hac non item.

Quidam arbitrantur si spiritus

vitales fuerint feruidiores, quàm
 ut à cerebro dum in animales con-
 uertuntur, satis refrigerari queant
 (seu tales sint propter firmatam
 cordis intemperaturam calidam,
 seu propter exuperantem calidita-
 tem hepatis altè infixam, unde san-
 guis calidior pro conficiendis spiri-
 tibus vitalibus cordi suppeditatur)
 deliriū necessario induci, non *ωρε-
 σιμα* temporarium, ad exigui vsurā
 temporis, sed indefinens atque cō-
 tinuū cerebro interim nec per essē-
 tiā, nec per cōsensum, sed dumtaxat
 ob errorē externū laborante; sicuti
 enim ventriculus carnes crudas,
 integrumque triticum non subi-
 gens iniuste culparetur; ita cere-
 brum pro insonte habendum est
 ex ineptā materiā illaudabiles spiri-
 tus animales elaborans; hancq; suā
 sententiā confirmare nituntur, de-

licij melancholici exemplo, cordis
ac massæ sanguinæ labe oriundi.

Verum dispar est ratio melanco-
liæ & paraphrosynes; ad illam enim
sufficit spirituum animalium tene-
bricosa opacitas, quam à spiritibus
vitalibus è quibus fiunt, abunde
mutuantur: huic autem gignendæ
satis non est nudus spirituum ani-
malium feruor, quippe qui homi-
nes inconstantes quidem atque
præcipites, non verò desipientes
efficiat, nisi aliena materia affuerit
spiritus animales contaminans.

Anathymiasēs ἀνεγποῖα ad ra- 7. 'aph
tionis arcem obrepunt vel ab in- 10.
testinis verminantibus aut ileo-
sis; vel ab impuro vtero, vel ab
inflammatis partibus internis, ut
pulmone, iecore, diaphragmate;
vel in febrium intermittentium pa-
roxysmis ab earum foco; vel à toto

In Ti-
mæo.

corpore, ut in augmento ac vigore, ac interdum etiam in principio februm continuarum. Docebat quondam Plato septum transfuersum cerebro visceribusque naturalibus, quibus anima brutalis tanquam ad præsepe vineta est, fuisse interpositum, ne rationis domicilium ab iis violaretur; sed istud debet intelligi de statu hominis naturali, non morbofo.

Causæ efficienti adiicitur causæ suscipientis dispositio, eaque duplex generalis & specialis: Nam in genere cerebrum etsi temperie donatum algidiore, promptè tamen incalcescit ob infirmitatem mollitiæ iunctam; tenerrima enim non minus intra quàm extra corpus & gelantur facilè & vruntur. In specie verò desipientia frequentius appetit iuvenes, biliosos, iracundos,

studiosos, caput naturâ vel casu in-
 ualidum habentes; curâ, exercitio,
 ac præsertim inediâ vexatos, iurê-
 que his consulit Hippocrates ut lib. 1.
de diet.
 pleni potius quam ieiuni gerant ne-
 gotia; mixto enim familiari alimen-
 to stabilior redditur anima, quàm
 dum cibi indiga est. Leues etiam ac
 turbulenti homines vel paruis oc-
 casionibus, firmi verò & constantes
 non nisi magnis de causis deliri
 fiunt, ex Galeno. Quamobrem hist. vlt.
f. 3. l. 3.
Epid.
4. pro-
bl. 15.
 quærens in problematis Aristote-
 les cur in locis calidis homines sa-
 pientiores sint quàm in frigidis;
 Respondet illos esse prudentiores
 ob frigidas magis interiores mentis
 sedes. Docet quoque Hippocrates
 τὸ ἀρχαῖον ad prudentiam conferre, l. 1. de
diet.
 quod ad carnis διεξίαν, καύματος
 φλεγμονὴν accedere necesse sit: ea-
 demque ratione carniū esum, in-

ter desipieutiæ causas recenset.

Causa adiuuans Paraphrosynes est nocturnum tempus vaporum præpediens diffflationem; ac obseruare est in febribus, deliria de nocte præsertim vigere; quod mirus Hippocrates iam pridem notaue-
 rat αἱ νύκτες μᾶλλον σημαίνουσιν, ἢ αἱ ἡμέραι. ὅτι πλεονεχὲς τὸ παραφροσύνην;
Noctes magis quàm dies delirij significationem præbent.

Plutar-
 chus in
 Anto-
 nio.

Ad hæc delirium ab occultâ ac venenatâ qualitate infertur; sic Antoniani milites per loca squalentia è Parthia redeuntes ac propter commeatus penuriam insolita gustare coacti, herbam attigerunt quæ lethiferam concinnauit insaniam, sic vt vescentes, omnium rerum memoriâ atque notitiâ penitùs orbarentur, ipsisque vnus labor incumberet lapidem mouere omnem,

nem, ac versare, quasi rem magni momenti molirentur. Plenus campus fuit humi inclinatorum saxaque eruentium ac transportantium, moxque bilem conuomentes moriebantur, cui malo solum vinum fuit ἀντιπαθής.

Deliria sunt vel μετὰ γέλωτος cum risu; vel μετὰ σπουδῆς cum studio, qualia artificum tanquam apud se essent de arte sua differentium: Illa à sanguine excalesfacto: hæc à bile oriuntur, suntque in meditullio posita desipientiarum festiuarum atque ferocium ab atra bile originem ducentium per quas ægri notos ignotosque temerarie adoriuntur.

Sanguis autem est γέλωτος πῖς geminam risus causam, gaudium scilicet & admirationem accersendo. Gaudium quod attinet à splendore

sanguinis excalefacti, spiritus red-
duntur lucidiōres, vnde instante
hæmorrhagiâ, *λαμπρόδες πυκναὶ καὶ*
πυρῶδες scintillarum micæ ac ignei
circuli oculis offeruntur, auctoque
spirituū fulgore, conciliatur hilari-
tas: Nam si lux externa spiritibus
animalibus *διὰ τὸ σφύζεσθαι* atque con-
socialis nos lætificat, & publica ob-
lectamenta accensis facibus ac
compitalibus ignibus celebrari so-
lent, quantò efficacius lux interna
animum recreabit? sicut è contra-
rio non solùm externæ, sed multò
magis internæ spirituum anima-
lium tenebræ in melancholicis irra-
tionalem mœrorem imprimunt;
quo pacto splen ridere facit, nem-
pe ex euentu sanguinem faciendo
illimem.

Admiratio verò ignorantiam
12. qu.
32. art. sequitur; nam vt ait Thomas: De-
8.

siderium sciendi ortum ex visione effectus, & ignorantia causæ, est admiratio. Ac licet obiectum delirij in se nouum non sit neque insuetum, à mente tamen deprauata velut insolens apprehenditur. Nec est quod quis obiiciat risum igitur fore omnis delirij asseclam; nam admiratio non est adæquata risus causa; sed lætitia insuper requiritur quæ in nullâ reperitur desipientiâ præter sanguineam.

Prætereà si obiecta mentis spectemus, vt illa sunt innumera, sic infinitæ exurgent deliriorum differentia, inter quas illæ præ cæteris considerandæ veniunt, quæ circa res nonnaturales, putà aërem, cibum, potum, retenta & excreta versantur: vt quando ægri ardenter febricitantes magna & rara vtuntur respiratione; citra *diagnosticas* sunt

ἀσθῆναι ; in causâ sitiferâ prægrandi
sunt βεβρυχόμεναι ; atque excrementa
alui aut vesicæ vel retinent diutius,
vel indecorè extrudunt.

Atque ut delirantium respira-
tionem paulò fusiùs exponamus,
hi sui negligentes sunt, nec eorum
voluntas antè sese erigit ad fun-
ctionem quàm acrior sensio excita-
ta fuerit in phantasia per incremen-
tum necessitatis ; vnde nonnisi im-
pendente suffocationis metu respi-
rant, huiusque respirationis raritas
magnitudine compensatur, naturâ
intermissionis dispendium resar-
ciente : quod enim intenta alibi
mens opus respirationis rariùs exe-
quatur, irati monstrant & mœren-
tes, & idiote ad spectacula suspensi,
& amantes quorum spiritus geme-
bundus est.

Notandum autem non omni

deliranti πνῶμα inesse μέγα καὶ ἀφ' πολλῶν, sed καὶ ὑπόθεσιν, nimirum si magna fuerit exspatiantis mentis μετῴρα, visque mouens robusta fuerit, cum obedientiâ organorum spirabilium; potest namque tam parua esse mentis paulisper læsæ digressio, vt respiratio indelibata maneat; potest quoque alia affectio delirio complicari, quæ ipso potentior sit ad peruertendum respirandi ordinem, vt virium iactura, & angustia, dolorve in membris spiritalibus: his namque de causis cū pectus sufficienter distendi non possit, crebritas adiungitur, quæ magnitudinis defectum suppleat. Itaque vigente solo delirio, spiritus magnus est atque rarus; vigente solo dolore partium thoracicarum parua & frequens est respiratio: delirio & affectu dolorifico simul co-

euntibus, spiratio inæqualis redditur, nunc magna & rara, nunc parua & frequens pro alterutrius causæ dominio: quamobrem in libris Epidemicis multi ægri desipuisse leguntur, qui tamen spiritum magnum, & ex longis intervallis non duxerunt.

Hæ porrò respirationis, famis, sitis, excretionum, cæterarumve operationum animalium prætermisiones ad *μνημονικὸν ἀμάρτημα* falsò reduci consueverunt, cum vis imaginatrix istis actionibus det operam, non interueniente memoriâ; hæc enim circà res præteritas, priùsque cognitatas, minimè verò circà præsentes occupatur; ac idcirco quibus memoria citrà desipientiam proflua est, ij memorata symptomata haud patiuntur. Galenus ergo delirantes tardius respi-

rare, vrinamque emittere scribens
 quia obliuione tenentur, nomen
 obliuionis non sumit pro priuatio-
 ne actus memorię, sed *καταχρηστικῶς*,
 & iuxta politicum dicendi modum,
 communeque, vt aiunt, forum,
 pro inconsiderantiā phantasię quę
 pręsentia obiecta non animaduer-
 tens sui muneris obliuisci, hoc est
 eo non fungi dicitur: hancque esse
 Galeni mentem liquet ex lib. 2. de ^{cap: 27}
 dyspnœa, vbi magnam raramque
 delirantium spirationem non obli-
 uiosę, sed velut obliuiosę actionis
 affectum esse docet; *Etenim*, ait,
immoderatam facere spiritus attra-
ctionem, rursusque immoderatam quie-
tem, eius est qui neque quando desinere
actionem oporteat, nouit; neque quan-
do rursus incipere, sed in utrisque men-
suram egreditur ἀγνοία τῶ ἀεὶ ὁνόντος
 propter ignorantiam eius quod fieri con-

cap. II.

ueniens est. Ita lib. I. de dyspnœa actionum arbitrariarum omissionem ad *ῥόος ἀμέλεια* retulerat. Nec Græcis modo, sed Latinis etiam atque Gallis recordari pro cogitare eleganter accipitur. Apud Curtium Alexandri milites, moribundum Regem sui immemores querebantur, id est ad res suas non attenti; & vir Gallicę eloquentię laude clarus Couëffeteus mortem Bruti enarrans; *Ses soldats*, inquit, *voyant ce triste spectacle, & se ressouvenant qu'ils n'auoient plus de Chef*, id est, *considerant ou pensant.* Quinimò obliuionis nomen ad facultatum quoque naturalium ignauiam transferatur; Nam ventriculum, dum propter coquendi desuetudinem ex longâ inediâ contractam cibos ingestos non mitificat, sui officij oblitum communiter dicimus, quo

dans
l'Hi-
stoire
d'Augu-
ste.

sensu scriptum est à Galeno oxy- 6. aph.
regmiam lenterie superuenientem^{1.}
signum esse ἀναμνηστικὸν τῶν ὀνείων
ἐργῶν τὴν φύσιν, naturam suorum ope-
rum reminisci. Aurelianus quoque
recorporatiuis, inquit, utendum cura-
tionibus quò reformatà corpora, vel^{3. tard. pass. 6.}
ut ita dixerim resectis vitiosis carnibus,
ac renascentibus bonis reparat, ad me-
moriam redeant sanitatis. Quodque
Aurelianus dixit de sanitate, Gale-
nus de morbo pronuntiauit, in
consilio de puero Epileptico, vbi
causas enarrat, quibus fit ἀναμνηστικὸς
epilepsίας, huiusque affectionis me-
moriam quasi refricatur.

Sed progrediamur ad alia. Dif-
fert paraphrosyne à phrenitide,
quod illa sympathica sit, hæc idio-
pathica: illa nusquam μεθόδως in-
festet; nulla etenim datur exhala-
tio satis mordax ut ferinum cieat

delirium, hæc ferociter sequiat propter humoris biliosi feritatem: Illa derepente ingruat ac solvatur, hæc paulatim generetur ac pellatur: Illa denique crebro, nec ita perniciose aggrediatur, hæc rarissima existat, atque exitialis. Addunt vulgo iugem esse phreniticorum desipientiam, etsi modo increseat, modo decreseat pro maiore aut minore phreniticæ bilis exacerbatione; At *παρὰ φρονῖτις* per intervalla intra rationis septa reuerti, quod in febris laxatione, si quæ euaporatio conscendat sursum, ea & parcior sit & mitior quàm ut mentem transuersam agere valeat. Verumtamen signum istud sublestæ est fidei, quoniam febris continua tam intensa succendi potest, ut in suis quoque remissionibus halitum *νόμις παρὰ φρονῖτις* ad caput euehat. Deinde quia

si febris eodem currat tenore vt synochus ὁμότερος, ac multò magis si vires eundo acquirat, vt synochus ἐπακμαστικός, perennem excitari παραφροσύνην nihil impedit: Vsu tandem quotidiano compertum est non paucos febricitantes plurium dierum, ac interdum septimanarum spatio sympathicâ desipientiâ detineri.

Paraphrosyne plus sæpe terroris præbet quàm periculi, ac præcipue Nugatoria dementia, atque iocularis, seriâ tutior est apud Hip- 6. aph.
pocratem; illa enim à causâ magis 53.
beneuolâ sanguine scilicet, hæc à deteriore humore, nempe bile flauâ sobolescit; sic pleuritides sanguineæ à Galeno clementiores p. vlr.
æstimantur. Sed quid ad Silenum f. 3. l. 6.
qui cum risu desipiens, vndecimâ Epid.
die interiit? Placet doctissimis in ægr. 2.
f. 3. l. 1.
Epid.

284 DE PARAPHROSYNE.

terpretibus hunc risum non verum
fuisse ex animi motu concitatum;
sed vel impotentiam quamdam
continendi septum transuersum
propter huius partiumque vicina-
rum calorem (sicuti calefacto per
titillationem diaphragmate, risum
prouocari traditum est ab Aristote-
le) vel potiùs ob conuulsiuam mo-
titationem ipsius septi à bilis ipsum
pungentis acrimoniâ; haud secùs
ac eo vulnerato mediantibus ner-
uie è tertiâ & quartâ vertebrâ quos
habet cum labiis communes, risus
inspontaneus, & quidem lethalis
superuenit. Nos verò cum tanto-
rum virorum veniâ existimamus,
hunc Sileni risum fuisse *ωεγαπετιχόν*,
nec à conuulsione; sed ab animi
delirantis arbitrio profectum, vt sa-
tis patet ex cantu comite, neque
tamen aphorismi auctoritatem in-

3. de
partib.
anim.
10.

DE PARAPHROSYNE. . 285

de eleuari, quia Hippocrates non absolute commendauit ludicrarum desipientiarum securitatem, verum comparatè ad eas quæ fiunt cum sollicitudine; deinde non toto morbi decursu, sed tertio solùm die in eiusmodi risum erupit Silenus. Denique etsi deliria iocosa ex se vacarent omni prorsus discrimine, aliis nihilominus funestis symptomatis coniungi possunt, qualia apparuere in Sileno.

Deliria circa res necessarias pessima in coar, *sunt*, apud Hippocratem: potissimum circa aërem, cibum & potum: Nam talia deliria & signa sunt & causæ: signa mentis multum diuagantis: Causæ verò cur ægri eorum egestate resoluantur, sine quibus vita retineri non potest.

Obscura deliria cæteris periculosiora sunt, vbi nempe ægri ora-

tione quidem cohærente loquuntur, sed gestu, oculis, aut aliis sensibus aberrant; & quæ non sunt audire se, odorari, vel aliis sensibus se percipere affirmant.

Pessimus est transitus τῷ παρὰ-
κρῆσις ἐς τὸ φρενιτικόν affectus sym-
pathici in idiopathicum.

Delirium somno sedari utile est, ex

2. aph. Hippocrate, propter edomitam à
1. refluo calore delirij materiam, vel
eamdem mitigatam ab anathymia-
si somniferâ; quod si materia mali-
gnior fuerit quàm ut euinci queat,
somnus cerebrum implendo deli-
rium auget.

Deliria obseruantur quandoque
p. 12. f. esse critica: nam Hippocrate ita
3. 1. 6. statuente: *Non modo laterum dolores,*
Epid. *sed etiam febres delirantibus cessant.*

ægr. 7. Sic Meton ex morbo acuto iudica-
f. 3. 1. 6. tus, per quem à delirio immunis
Epid.

fuerat, sine febre per aliquot dies
 deinde desipuit. Quanquam enim
 iuxta consuetas naturæ leges, salu-
 taris humorum transmissio fieri de-
 beat è particulis nobilioribus at-
 que validioribus, ad ignobiliores &
 debiliores; tamen sicut in bonum
 vniuersi graua interdum ascen-
 dunt, & leuia descendunt; ita quan-
 doque legitimus ordinariæ *Διὰ τοῦτο*
 modus in hominis commodum à
 natura corporis nostri gubernatri-
 ce inuertitur. *Morbi*, inquebat
 Hippocrates, *à robustis membris ad*
imbecillima transmigrantes, egre discu-
tiuntur: qui verò ex infirmioribus, ad
valentiora permeant, superantur faci-
lius. Quod affluentes humores par-
 tium robore excludantur, vel, vt
 mauult Galenus, concoquendo &
 digerendo absumantur: quare non
 per sarcasmum (veluti simul & se-

2. de
 nat. :
 humi
 II.

comm.
 in hunc
 locum.

mel homo de medio tolleretur iuxta vulgatam loquendi formulam quâ ægrum dicimus à malis omnibus liberatum ubi fato cessit) non, inquam, per ironiam; sed vere edictum istud à Medico Legislatore sancitum est: *Quibus in febris ardentibus tremores sunt, delirium soluit.* Tremores enim indicant materiam febrificam per nervos ad cerebrum euehi, deliriique aduentus salutaris esse, ac causo mederi potest.

Postremò nonnulli è delirantibus subitò resipiscentes; imo multò solertiores quàm antea facti, postquàm graues de humanis diuinisque rebus habuerunt sermones, statim animam efflant. Nam ex vnâ parte remisso febrili calore, turbata còpescitur spectrorum phantasticorum motio; hinc delirium desinit;

finit ; ex alterâ verò moribundus
 natiuus calor vltimos apponit co-
 natus , hinc summa micat iudicij
 claritas: sic lucerna extinctioni pro-
 xima flammâs congeminat , &
 quotidie obseruantur ægri ἐπ' αὐτῶν in coac.
 νεκρῶντες ἀνίστασθαι , vt loquitur Senex
 noster , vbi sese recollegerint ac re-
 stitui videntur , mox ἐ viuis egredi.





DISSERTATIO
PATHOLOGICA.

DE
FVRORE VTERINO.

in Phæ-
dro.

PLato duas maniaë species ce-
lebrat, vnam ὑπὸ νοσημάτων
ἀνθρώπων ab humanis morbis, al-
teram ὑπὸ θείας ἑξαλλαγῆς à diuina
alienatione; huius iterum quatuor
constituit partes quibus totidem
Deos præponit, ac μῦθικὴν ὀπίπνοιαν
tribuit Apollini, τελεσιτικὴν Dionysio,
ποιητικὴν Musis, ἐρωτικὴν Veneri &
Amori, hancque omnium opti-
mam esse docet.

De furore Venereo seu Amato-

rio non Platonice, sed Medicè hîc differimus, quatenus morbi fœtura est. Eiusmodi furor à membro principaliter affecto, scilicet vtero, vterinus, Græcis *μητρικία* dicitur. Sunt qui *νυμφομανία* vocitent; sed improprie, quod cutacea illa pudendi muliebris epiphysis quam *νύμφη* & *τὸ μώρτον* appellant, verum non sit huius passionis subiectum: attamen Nymphomania vocabulum admitti potest, eo sensu quo veteres Anatomici Clitoridem Nymphæ nomine donabant: clitoris enim qui Veneris aculeus est, in hoc affectu manifestè tumet atque incalescit.

Definitur Delirium ferinum sine febre effrænem ac inexpletam Veneris appetentiam inducens. Cum mania conuenit conturbatae mentis fœuitie, & *ἀπορροια*: sed ab illa

feiungitur quod non ab atrâ bile ;
 sed à feminis feruentioris plethorâ
 ducat originem , quodque defi-
 pientia pro halituum è semine eue-
 ctorum ac imaginationem pulsantium
 conditione , circâ rem vene-
 ream peculiariter versetur, itavt pe-
 tulcæ ægrotantes nihil aliud vel lo-
 quantur vel cogitent.

Causa proxima non est putri-
 dum semen vt in hystérico pathe-
 mate, sed genituræ incorruptæ qui-
 dem, at vberioris & acrioris, in vasis
 vterinis orgasmus , hinc enim vte-
 rus, partesq; ipsi annexæ cùm inter-
 ne tum externe, & præcipuè clitoris
 φλόγῳ concipiunt, ac cerebro per
 medios vapores in σιωπῇ μωρίᾳ tra-
 cto, fœmina dementatur, & furio-
 sarum libidinum æstu percellitur.

Cur sola mulier hocce furore
 crucietur, virque ab illo immunis

viuat, quanquam semine præditus
 multò actiuore, duplex est ratio:
 prior ex parte τῆ ἐπιεικτοῦ, id est
 causæ suscipientis, quod vir sui po-
 tentior sit, fœmina verò, iudice
 Hippocrate, sit ἀθυμοτέρη καὶ ὀλιγο-
 τέρη, pusilli demissique animi: poste-
 rior ac præcipua ex parte τῆ πικτι-
 τοῦ, hoc est efficientis causæ, quod
 virile semen in vesiculis seminariis
 ac prostaticis glandulosis ad vtriculi
 vrinarij ceruicem sitis, tanquam in
 penu ac promptuario asseruatum,
 inde ad caput non commodè va-
 poret, nec istis particulis res sit cum
 cerebro: Mulieres autem eiusmodi
 vesiculis ac prostaticis destituantur,
 quarum quippe vascula eiaculato-
 ria non ad vesicæ collum tendant
 vt in maribus, sed ad vuluam cuius
 præsigne est consortium cum cere-
 bro. Quemadmodum sonus se-

libel. de
 morb.
 virgin.

cundùm trabis ductum procul & rectà excurrit, ac fumus iuxta pali erecti longitudinem alte effertur; sic per continuitatem spinalis medullæ, cui vterus robustis connectitur ligaminibus, expedita est fuliginum ex aruis muliebribus ad cerebrum ἀναρροπία.

ibid.

Hippocrates, si vulgo credatur, hunc morbum oriri ait à sanguine menstruo, qui in virginibus viro maturis effluuio carens, ad cor & diaphragma præ multitudine regurgitat: vnde cor primùm infatuatur, indéque torpor, & ex torpore dementia inuadit. Satiùs tamen videtur textum istum de matricis strangulatu vel de melancholico delirio, vel de vtriusque affectus συμπλοκῇ interpretari, quàm de insaniâ vterinâ, vt reuerà Hippocrates timoris à caligine nati eò loci

meminit qui melancholiam non
furorem testatur.

Arbitrantur nonnulli in maniâ
hystericâ, Veneris thyrsô mentem
percuti, ob errorem externum, à ni-
miâ videlicet obiecti vehementiâ,
vt fit in ira, amore, cæterisque ani-
mi passionibus; quo pacto etiam
animantes quibus toto anni cursu
in Veneris conflictum prorumpere
negatum est, accedente statâ iu-
gandi tempestate, maxima seminis
ebullientis plenitudine turgent
quæ ipsas furiare solet: proindeque
nullas anathymias es è seminis mi-
nerâ ad μέγας Ἀγροντικόν importari
autumant; sed appetitum veneris
naturalem qui in vtero positus est,
vbi à spermatis copiosi atque præ-
feruidi stimulo vltra modum pun-
gitur, appetitum animale in ce-
rebro tantopere commouere, vt

hic immoderatio factus, excussio
rationis à qua compesci deberet
dominio, eam secum abripiat,

Virgil.

1. Geor.

*Fertur equis auriga, nec audit cur-
rus habenas.*

Indéque in pudicis fœminis luctam
fieri observant appetitus sensitiui
& rationalis qui illius procellas pa-
care nititur, ac mulieres nimium
coëundi desiderium præ pudore
aliquamdiu occultare, donec tan-
dem ratione subuersâ propudiosæ
evadant.

Aliquis etiam opinari posset,
ipsummet animale veneris appe-
titum non cerebro inhabitare, sed
vtero, quem ideò Plato ζῷον ὀτρύνον
μικτόν vocavit, haud secus ac ani-
malis cibi potusque appetentia in
superiore ventriculi orificio collo-
cata est; adeò vt metromania res-
pondeat bulimiæ, vel siti immode-

ratae à quibus delirationem longè abesse constat.

Verumtamen in hoc affectu τὸ πανταστικὸν καὶ τὸ ἡγεμονικὸν perturbari ex cogitationum, dictorum factorumque absurditate liquidò colligitur; Nec idcirco furor vterinus, sed simplex lasciuia fami caninae meretur comparari. Certum est etiam istas facultates teneri deficientiâ propriè sic nuncupatâ potius quàm ob errorem externum solummodò deprauari; secus vix vllum vnquam dabitur deliramentum, ipsâque mania nihil aliud erit quàm prægrandis incandescencia rationem inundans. Igitur in furore vterino ægrotatio imaginatricis ac ratiocinatricis potentię causa est effrænati appetitus animalis, non è contrario, aliterque se res habet, quàm in effusis animi pathematis;

hæc enim licet mentem extrâ quadrum, vt loquuntur, promoueant; per se tamen & proximè non insunt τῷ λογικῷ, sed τῷ ὁρῶν animæ, neque ideò cadunt in virum sapientem quem Philosophia moralis appetitus sensitiui violentiam refrænare docuit; cùm Morbosa deliria ne fortissimis quidem, Stoicisque hominibus parcant, quoniam à cerebri valetudine dependent, quæ rationis imperio non subiicitur; hancque ob causam in animi passionibus sentiunt homines se vitiosè agere, nec in foro ciuili, ac multò minùs in foro conscientiæ excusatione digni sunt: delirantes verò, ac speciatim fœminæ ex vtero insanientes se transuersas raptari ignorant, insontesque meritò habentur.

Domicilium appetitus venerei

quod attinet, an illud in cerebro, an in membris procreationi dicatis assignari debeat, controuersia est Physiologica non Pathologica, nec proinde huius arenæ.

Causa interna caloris & acrimoniæ in semine gemina est, partium seminis fabricationi destinarum, testium nempe & vasorum spermaticorum exuperans caliditas; ac sanguinis è quo semen conficitur feruor immodicus vel per se, vel propter mordacium, salforumque humorum mixturam. Menstrua quoque non ex voto irrumptentia ad hancce insaniam conferunt; ab his enim præsertim si calidiora fuerint, vterus vnà cum suis vasis ac semine in ipsis contento effervesceat: quamobrem appetente fluore menstruali, mulieres magis subant ob voluptuosum pruritum.

ex pleniore sanguinis ac spirituum
aduentu.

Causæ procatarcticæ furoris hy-
sterici multiplices sunt *ἐν τῷ Ἀγί-
τηματι* siue sex rebus nonnatura-
libus mutuandæ. Primo cœlum
æstuosum atque squalidum vt *καυ-
καύματι* tempore, cum ingenti Si-
rius æstu terras adurit: Nam sicuti,
4. pro-
bl. 16. authore Philosopho, viri estate mi-
nus quàm hyeme ruunt in vene-
rem, quod intensus eorum calor
dissoluatur à caliditate ambientis:
ita ex aduerso mulieres per æstatem
magis quàm per hyemem ad clino-
palen instigantur, quia frigidius ac
ignauius illarum semen ab æstiuo
calore redditur actuosum, ac per
compensationem contrariæ quali-
tatis refouetur; ideoque Ægyptia-
cas fœminas, Veneris intantum fa-
melicas esse narrat Herodotus, vt

in Eu-
terpe.

cum hircis rem habeant: produnt quoque Historiarum Indicarum Scriptores Americum Vesputium ad quamdam noui Orbis oram appulisse, vbi mulieres libidini adeo erant deuinctę vt Bacchantum more in Nautas furerent.

Sed potissimum victus ratio est ἀφροδισιαστική; vniuersim quidem dapes saliares & opiparę, dapfiles ac Sybariticę mensę, fercula ganeata iuxta Archestrati opsodędali, vel Apicij quem Plinius Nepotum omnium altissimum gurgitem ap-^{l. 10. c. 48.} pellat artem culinariam parata: mirumque philtia tam grauitur interdici, dum interim coquis permittitur, inquit Plutarchus, alimēta μακάριον καὶ φαρμακικόν. Pri-^{lib. de fan. tuend.} uatim vero inter irritamenta veneris languentis & acres diuitis vrticæ numerantur, aromata omnia;

embammata; pulpamenta; tortiua
iura quibus succulentæ ac polytro-
phæ carnes infriantur; gallorum
cristæ atque testiculi; oua recentia
ac tremula; prætereà panes azymi
(si Didymo credendum) ἐρεργητικώ-

2. Geo-
pon. 3.

ταῖς εἰσι τοῖς αὐτοῖς ἀφροδισια efficacis-
sima sunt veneris incitabula; item
asparagorum turiones; echinata
scolymorum pineæ, eorūque
thyrsuli; nuclei pistaciorum; pinei
strobili; boleti; tubera, ac plera-
que legumina, vt pisa, fabæ, cicera
admissariis equis exhiberi olim
consueta. *In genere quodcumque cu-
pediarum genus, omnisque ventris sa-
turitas, seminarium est venerei amoris:
Nihil sic inflammat corpora ac titillat
genitalia membra, sicut indigestus cibus,
ructusque conuulsus, inquit B. Hie-
ronymus. Venter etiam meraco
præsertimque dentato ac καυστικῷ*

in Ep.
ad Fu-
riam.

exæstuans citò despumat in libidi-
 nes: *Non Æthnæi ignes*, ait idem Hie-
 ronymus, *non Vulcania tellus*, non ^{ibid.}
Veseuus & Olympus tantis ardoribus
æstuant, *ut iuueniles medullæ vino ple-*
næ & dapibus inflammatae: Nec im-
 meritò lasciuia iumentum frænis ^{in Ep.}
 inedia subiugandum esse alibi sua- ^{ad Sal-}
 det. ^{uinam;} Quædam mulieres in *ἐκστασι*
 vterinam illapsæ sunt propter vsum
 vini hippocratici cui aliquid bora-
 cis fuerat dissolutum.

An inter venerea illectamenta
 sal veniat recensendus ambigitur.
 Non pauci contendunt, ut à ruta
 atque mentha, sic à sale ope calo-
 ris atque siccitatis genitalem suc-
 cum consumi,

Vrunt res salsæ visum, *semenque* ^{Schol.}
minorant. ^{Salern.}

Ita Abimelech Sichemorum vr- ^{9. Iudic.}
 bem expugnatam soloque adæqua-

tam consperfit sale, in perpetuæ infœcunditatis notam: ad cuius forsân exemplum hodierni Magistratus reorum læsæ Maiestatis ædes demolitas sale aspergunt. Aliis placet quemadmodum sal adeo sanguine per se emâciat; sed per accidens pinguefacit alimentum ad partes deuehendo (nam Apollonius Herophili discipulus macros ægros ac inuberes cibariis salitis recorporabat, ac Hippatri equos impinguant pauco sale escæ admixto) sic moderatam salis usuram esse prolificam, quatenus sanguinem ad feminis officinam deducit: Nonnulli denique à sale semen quidem incendi; sed eius copiam detrahi existimant.

Nos plurimis documentis nixi,
Veneris ardorem sale proritari, virtutemque fœcundam ei inesse iudicamus,

canus, itavt Grammatici vocem
falax à fale non inepte deriuasse vi-
deantur. Nam lymphæ minerales
fale imprægnatæ à sterōsi vindi-
cant: aqua Nilotica quæ nitrosa est,
multarum fœminarum viscera, lon-
giore præclusa sterilitate ad conce-
ptum relaxauit: vena spermatica
sinistra ab emulgente exoritur, vt
seminis materia falsuginis feri red-
deretur particeps, ac illi salaciores
sunt, quibus vtraque spermatica
ab emulgentibus emergit: Naues
fale onustæ sunt murium feraces;
imo non desunt Physiographi qui
mures absque masculi operâ solo
salis linctu impleri affirmant: dato
fale canes ad generationem inertes
catuliunt: Oues aquam falsam bi-
bentes maturius coeunt ex Aristo-
tele: ac Sacerdotes Memphitici li-
bidinem fugaturi à fale abstine-

6. de
hist. 2.
nim.
19.

in sym-
pos.

bant, authore Plutarcho: populo-
fissima est piscium salum incolen-
tium Respublica: Nec sine ratione
Marini apud Ethnicos Dij omnium
petulantissimi fingeantur, & Ve-
nus dicebatur ἀλιγνήs saligena: stir-
pibus quoque propagandis sal con-
ducit; hinc ἀλασιν ὕει apud Græcos
dici solitum de summâ fertilitate,
ac plantæ maritimæ præ cæteteris lu-
xuriant: aquæ quoque ἀτραπαῖαι καὶ
περγύραι, quia nitro imbutæ, irri-
gandis plantis sunt magis accom-
modatæ, docente Plutarcho, &
Hippocrates ὕδωρ βρογχιῶον com-
mendat: Notum est in Liuonia
succensarum sylvarum cineres so-
lere tritico conseri, lætasque meti
messes: Nix suo nitro terris benefa-
cit: agri stercoreati fœcunditas sali
quo fimus scatet, accepta fertur:
2. Reg. 2. Eliseus fontem Iericonis sale fœ-

quæst.
nat. 3.

P. 17. f.
4. l. 6.
Epid.

cundauit : Et Virgilius ,

Georg.

*Semina vidi equidem multos medi-
care serentes*

*Et nitro prius & nigrâ perfundere
terrâ.*

Sed nimum à littore recessimus re-
ducantur vela. Præter aërem & ali-
menta, Veneris illicium præbent
somnus longior: supinus decubitus
in culcitâ plumeâ renes calefa-
ciens, quod etiam præstant arctio-
ra lumborumc ingula: otium cor-
poris & animi: ζεσλυσία: familiari-
tas cum adolescentibus: vnde B.
Hieronymus: *Cincinnatulos pueros &
calamistratos, & peregrini muris olen-
tes pelliculas vocat pestes ac venena
pudicitie*: Obscœna etiam specta-
cula ac Fescennini versus sunt Ve-
neris poppysmata, sopitamque Ve-
neris flammam ventilant: vno ver-
bo vita mollicula, deses ac luxurio-

in epist.
ad De-
metria-
dem.

7. de
hist. a.
nim. 1.

fa: Venus tandem præcox & immatura quę nondum confirmato iudicio cupiditati habenas laxauit; quade causa vt ex Aristotele colligitur, puellę temporius viro copulatę vitam degunt incontinentiorem: quędam etiam hoc malo tactę fuerunt ex concubitu cum viris qui maiorem illaturi voluptatem oleis calidioribus ac suaueolentibus veterum inunxerant.

His omnibus addi debet fœminarum *Algeoris*, ac primò quidem temperies non sanguinea quę semen copiosum; sed qualitatibus moderatum coaceruat, multò minus pituitosa, sed vel melancholica, vel biliosa: Mulieres namque melancholicę & serosę sunt & flatuosę, vnde seminalis humor à falsedine feri acuitur, & à flatibus turgescit: biliosis autem etsi ratione

ficcitatis, illiberalior insit feminis
abundantia, bilis tamen flamme-
scens geniales igniculos accendit;
vnde Poëtæ Marti Venerem con-
iunxerunt ob irascendi & concupi-
scendi germanas vires, & quod
Martiales viri plerumque simul Ve-
neri sint.

• Secundò habitus consideran-
dus est: nam vt carnosæ pinguibus,
sic graciles carnosius magis vruntur.

Tertiò statura, in proceris siqui-
dem minus quàm in parvis bul-
liunt libidinum incendia, quoniam
in his & calor vnitus vegetior est, &
propter parciolem nutritum
plus restitat sanguinis in semen abi-
turi: ita gibberosæ atque claudæ
libidini magis indulgent, quod ad
membrorum debiliū ac decurta-
torum nutritionem paucus sanguis
sufficiat; narrantque Amazonas so-

litas fuisse infantes masculos exarticulari, non modò vt claudi nequirent insidiari; sed etiam vt in Venere magis valerent.

Quartò color cutis, & pilorum maximè in partibus pudendis cruribusque luxuries: In illis enim quæ ex albo flauescunt, aut propter sanguinis adustionem nigricant, ac pilosiores sunt, scintillant magis ignes Cupidinei quàm in lacteis atque depilibus.

Tandem aphrodisiâ lymphatione sæpius tentantur puellæ viripotentes ὄσησι, vt ait Hippocrates, ὥρῃ γάμου παρ' ἐνδρ' ἰδύαι quibus instat nubendi tempus, cum mamme fororiari, pecten lanugine vestiri, mensesque primùm erumpere incipiunt, quapropter Aristoteles adolescentulas eo tempore diligenter custodiendas esse monet: attamen

libel. de
morb
virgin.

7. de
hist. a-
nim. 1.

iuuenibus, vtvt plenis annis nubiles sint, hac infaniâ frequentiùs vexantur maritæ ἀφ' ὧν, dummodò nihil aliud adiunctum sit, quod veneræ procliuitati aduersetur: item mulieres coniugatæ quarum exardescens libido ab ignauiore marito haud satis restinguitur: ac postremò iuuenes viduæ durissima sustinentes castimonix prælia; nam oblectamenti anteacti memoria, calcar est amoris, reique notæ ac expertæ appetitione premuntur magis; quocircà virgines instar brutorum, molestiæ vitandę causâ, Veneris contubernium optant; mulieres insuper μίջεως illecebris pellectę, eius flagrant desiderio; quantumque in negotio Veneris polleat retroactę voluptatis recordatio, patet ex equo Dariano qui ad eundem locum ductus, vbi pridie

equam inierat, memor nuperrimi gaudij hinnitum statim edidit. Huc accessit assuetudo; nam crebro coëundi exercitio, præsertim in illis quæ etatem consistentem nondum attigere, amplificantur seminalia vasa, eorumque simul ac testium vis attractrix vsu roboratur: quare, cæteris paribus, fœminas viri consuetudine quondam potitas, nec in Amoris palæstrâ amplius velitantes, femine magis turgere necesse est, quàm puellas ἀνοχούτους quæ sub Veneris vexillis nondum militauère: rectèque Tertullianus minus arduam esse virginitatis quàm castitatis conseruationem probauit, & B. Hieronymus: *Virginitas, inquit, in eo faciliior est, quia carnis incentiua non nouit, & viduitas in eo sollicitior, quia præteritas animo recolit voluptates. Quanquam for-*

l. 1. ad
vxor.

in ep.
ad Ge-
rūtiam.

tassis contingere queat vt quædam virgo Venereos amplexus impendio magis iucundos concipiens quàm reuera sint, illorum mulcedine acerbius angatur; Vnde idem Hieronymus alibi dicebat: *Ferreas mentes libido domat, quæ maiorem in virginibus patitur famem, dum dulcius putant omne quod nesciunt.*

Differt furor vterinus à simplici verendarum partium prurigine, quod ille iuniores, hæc annosas potissimum infestet; in illo contrectata genitalia sine dolore demulceantur, in hac scalpitu magis inflammantur, & cum aliquo delectamento doleant: deinde quod pruritus aut coïtus prolubia non conciat, si nempe illam pudendi particulam quæ Venerei appetitus primaria sedes est, non occupet; aut fœminas vernis passerculis libi-

dinosiores reddat ; sed sine delirio & furore ; quâ gallicaneâ ac indomitâ salacitate famosæ olim fuerunt , Semiramis Assyriorum Regina ; Iulia Augusti filia ; Messalina Claudij vxor quæ Venere lassabatur , sed non satiabatur ; Agrippina Neronis mater ; & Faustina Marci Aurelij coniux.

Distinguitur à suffocatione Hystericâ , quia in hac mulieres manent attonitæ citrà loquelam , respirationem & motum : In furore verò linguam habet infrænem ac prodigam , anhelant , & instar Furiarum agitantur.

Y. pror.
rh. 1.

Vt periti est Botanici , ait Galenus , herbas internoscere recenter *Quoniam* , neque propriam adhuc adeptas figuram ; sic nascens affectio , necdum numeris omnibus absoluta , nonnisi à Medico perspi-

cacissimo detegitur, ac idiotæ quorum hebetiorem obtutum fugit morbus neophytus, huius diagnosis habent pro prognosi.

In prima igitur huius mania, ut ita dicam, ἐκβολῇ, inuictæ perennant vigiliæ, fœminæ ieiunio deditæ sunt, taciturnæ,

Voluuntque curarum tristes in pectore fluctus. Lucret.
lib. 6.

Iactantur corporis inque; frequent, sed clandestinâ locorum muliebrium prurientium, ardentium, atque intumescantium confricatione lætantur; Oculos institores exactoresque libidinis hinc inde lasciuuè euibrant; Veneris vel audito nomine, eius cupiditate ardescentes erubescunt; pulsus concitior est quo Erasistratus Antiochi in nouercam Stratonicem amorem deprehendit.

Adolescente iam morbo, ac ratione penitus prostratâ, emotæ mentis seditio feruet in oculis; facies saturato perfunditur rubore: Nam quemadmodum quæ in Civitate peraguntur, solent apud Emporium promulgari, sic interiores hominis tumultus in vultus plateâ perspicuè relucet: ægræ incessu furiali ambulant: iracundiâ παρὰ νόμον capiuntur: rerum inhonestarum narratione gaudent, ac blando sermone, gratis gestibus, mellitis oculis, oréque beneuolo, virorum gratiam indecenter aucupantur; donec sæuiente furoris impetu frontem commasculent, & sequestratâ fœmineâ verecundiâ quasi œstro percitæ, non modo prætextatâ loquacitate proteruiant; sed audacissimâ quoque licentiâ viros propalam insectentur. Historia

refertur nobilis cuiusdam matronæ
cæteroquin honestissimæ quæ &
homines & canes ipsos ad congres-
sum rabiosè prouocabat.

Pax sequestra est placati huiusce
morbi, qui postquam valedixit,
quasi postliminiò reuertitur. Ve-
rum quia dimissionis intercapedi-
ne, ac per amica paroxyfmi silentia,
datur locus præfidiis quæ *μηνάς*,
θυάς, *φοιβάς*, *λυαπας* ægrotans aliàs
respuebat, affectio infamis potius
censenda est quam exitiosa, nisi
cohibitum semen deleteriam cor-
ruptelam contrahat. Res enim præ-
stantiores haud solum celeriore,
verum deteriore quoque putredi-
ne dilabuntur, ac tantò magis infe-
stæ ac hostiles fiunt, quantò magis
vtilis affinesque fuerant, sicuti ca-
pitale est ac Vatinianum inter con-
sanguineos odium. Lapides ac me-

talla non modò propter siccitatem
atque densitatem; sed etiam quia
simpliciora sunt, nec tot pugnan-
tibus elementis conflata, diutissi-
me imputria seruantur, ac dum
computrescunt, minimè fœda est
eorum corruptio. At mixta ex plu-
rium contrariorum *συνκρίσις* perfe-
ctiùs elaborata, vt lac, sanguis, se-
men, citiùs putrent non modò ra-
tione humiditatis qua mixtio
promptè dissuitur; sed potissimùm
quia plurimis particulis heteroge-
neis constant calore veluti ferrumi-
ne colligatis, quæ vi simul irretitæ,
amore libertatis sese extricare assi-
duè conantur. Nec tantùm faci-
lior; sed sordidior prætereà ac puti-
dior est eorundem corporum rui-
na, vbi tam diuersæ quibus compo-
nuntur partes, rescisso communi
quo tenebantur vinculo scilicet ca-

lore, velut solutis compedibus dissoluuntur, & quæ prius sese inuicem contemperabant, per *Αἰσχροῦ* sui iuris factæ, intensas recuperant qualitates. Cum igitur maior mixtio, maioris putredinis occasio sit, semen vt est perfectissimæ naturæ, ita putrefactum ac *ἐξιδιδυρόν*, veneni malignitatem induit, mephitimque pestiferam ad cor, cerebrum, & cæteras partes exhalat, vnde interitus, perinde ac epoto malefico pharmaco, inopinatus dirisque & insolitis symptomatis stipatus consequitur, atque vnde vita, hinc etiam summa excitatur perniciēs.

Quod si semen à venenata eiusmodi putrilagine sese tueatur; furor tamen perseuerans ex sympathico idiopathicus, ac ex hospite ciuis fit, lentâ tabitudine miseras de-

pascens. Imo nî diligens insanientium habeatur cura, tragœdia ad catastrophē breuius traducitur; Nonnullæ enim laqueo vitam sibi eripiunt, vt virgines illæ Milesiæ, quas sese cateruatim suspendisse refert Plutarchus: cuius euentus causa quærenda est ab Hipp. *Ἐπεὶ τῆς, ὡς ἐκ καρδίας πένθος ἀγχοῦσας κραίουσιν*, ab oppressione quæ circa cor est sese strangulant: corde namque multitudine vaporum compresso, istius compressionis idea, imaginationi morbidæ iugiter oblata, hanc ad fauces recte constringendas latenter impellit: quædam verò in fluuios puteosve desilire visæ sunt, aquæ perfrigerium exoptantes; sic non ita pridem Lugdunenses mulieres tam atrox, tamque absurda incessit animi perturbatio, vt in flumina gregatim sese pronas deiecerint,

r. de a-
anima.
libell.
demor.
virgin.

rint, quomodo olim in decantatis,
simâ illâ peste Atticâ ægri,

In fluuios partim gelidos ardentia Lucret.
lib. 6.
morbo

Membra dabant, nudum iacentes
corpus in undas:

Multi præcipites lymphis puteali-
bus alte

Inciderunt, ipso venientes ore pa-
tente.

Aliæ tot ærumnarum mole oppres-
sæ, quasque tandem tædet cœli
conuexa tueri, diuerso spontanæ
necis genere pereunt. Ac profes-
tò hunc affectum valde horren-
dum esse necesse est, quandoqui-
dem Melampus, referente Hero- in Cal-
liope.
doto, ob restinctum Argiuarum
mulierum furorem, pactâ prius
cum Argiuis mercede, maiorem

322 DE FVRORE VTERINO.
regni eorum portionem, sibi &
fratri suo Bianti obtinuerit.

FINIS.

PARISIIS,
Ex Typis PETRI VARIQVET,
viâ Iacobæâ, sub signo Graticulæ.

M. DC. LX.



PRIVILEGE DV ROY.

LOVIS par la grace de Dieu
Roy de France & de Navarre ,
A nos amez & feaux Conseillers les
Gens tenans nos Cours de Parlement,
Maistres des Requestes ordinaires de
nostre Hostel, Baillifs, Seneschaux,
Preuosts, leurs Lieutenans, & à tous
autres de nos Iusticiers & Officiers
qu'il appartiendra, Salut: Nostre Amé
& feal Conseiller & Medecin ordinaire
Antoine Menjot, nous a fait remon-
trer qu'il a composé vn Liure intitulé,
Februm malignarum Historia & curatio;
Accesserunt Dissertationes Pathologicae, De
Rheumatismo , De Bombis aurium , &c.
lequel il est sollicité de mettre en lu-
miere; ce qu'il ne peut faire sans auoir
nos Lettres à ce necessaires, lesquelles
il nous a tres-humblement supplié de
luy accorder. A CES CAUSES:
Nous auons permis & permettons à
l'Exposant de faire Imprimer & debi-

ter en tous les lieux de nostre obeïssance ledit Liure, par tel Imprimeur & Libraire qu'il voudra choisir, en vn ou plusieurs Volumes, en telles marges, en tels caracteres, & autant de fois que bon luy semblera, pendant sept années, à compter du iour que chaque piece, ou volume sera acheué d'imprimer pour la premiere fois. Et faisons tres-expres des fenses à toutes personnes de quelque condition qu'elles soient de l'imprimer, vendre ny distribuer, entier, ny en partie, en aucun lieu de nostre obeïssance, pendant ledit temps, sous pretexte d'augmentation, correction, changement de tiltres, fausses marques ou autre déguisement en quelque maniere que ce soit, sans le consentement de l'Exposant, ou de ceux qui auront son droit, à peine de quinze cens liures d'amende, applicable vn tiers à Nous, vn tiers à l'Hostel-Dieu de Paris, & l'autre tiers au Libraire dont ledit Exposant se sera seruy, de confiscation des Exemplaires contrefaits, & de tous despens, dommages & interests. A condition

qu'il sera mis deux Exemplaires dudit Liure en nostre Bibliotheque publique; vn dans celle de nostre Chasteau du Louure, appellé le Cabinet de nos Liures, & vn en celle de nostre trescher & feal le sieur Segulier, Cheualier Chancelier de France, auant que de l'exposer en vente, & que les presentes seront registrées dans le Liure de la Communauté des Libraires de Paris, suiuant les Arrests de nostre Cour de Parlement, à peine de nullité d'icelles. Du contenu desquelles, nous vous mandons que vous fassiez ioüir pleinement & paisiblement ledit Exposant, & ceux qui auront droit de luy, sans souffrir qu'il leur soit fait aucun empeschement. Voulons qu'en mettant au commencement ou à la fin de ce Liure vn Extraict des presentes, elles soient tenuës pour deuëment signifiées, & que foy y soit adioustée, & aux Copies collationnées par vn de nos amez & feaux Conseillers & Secretaires, cōme à l'Original. Mandons au premier nostre Huissier ou Sergent sur ce requis, de faire pour


l'exécution d'icelles tous exploits
nécessaires, sans demander autre per-
mission: Car tel est nostre plaisir, non-
obstant oppositions ou appellations
quelconques, & sans preiudice d'icel-
les, pour lesquelles nous ne voulons
qu'il soit differé, Clameur de Haro,
Chartre Normande, & autres Lettres
à ce contraires, ausquelles nous déro-
geons pour ce regard. Donné à Paris
le septiesme iour de May l'an de grace
mil six cens soixante, Et de nostre
Regne le dixseptiesme Par le Roy en
son Conseil, **CONRART.**


*Registré sur le Liure de la Communauté
des Imprimeurs & Libraires, suivant l'Ar-
rest du Parlement du 8. Avril 1653. le
20. May 1660. G. IOSSE, Syndic.*

ERRATA TYPOGRAPHICA.


P Agin. 4. *vers. ult. lege translaticium.* p. 5. v. 16.
l. lipothymiz. p. 13. v. 1. *l. 3.* Epid. *ibid.* v. 20.
l. alexetertia. p. 15. v. 8. *l. serpyllum.* p. 17. v. 10.
coadunari. p. 27. v. 21. *l. αἰέχαια.* p. 33. v. 5. *l. πιγώδης.*
 p. 35. v. 17. *adde in margine.* 25. probl. 10. p. 37. v. 11
l. dyscrasia. p. 38. v. 3. *l. ὄλω.* *ibid.* *vers.* 19. *l. ἔραι*
 v. 40. v. 8. *l. ἰοβέλα.* p. 42. v. 5. *l. præstringere.* *ibid.*
 v. 9. *in margine.* *l. scd.* 8. part. 33. p. 46. v. 4. *l. ἀπφίς.*
ibid. v. 6. *l. sensum.* p. 47. v. 6. *l. petechialem.* p. 50.
 v. 18. *l. ὑδατῆχοι.* p. 53. v. 18. *in margine.* *l. p.* 29. f. 1.
l. 6. Epid. p. 54. v. 12. *l. ἐρίαν.* p. 60. v. 19. *l. ὄστ.* *ibid.*
 v. 20. *l. ἀλλὰ.* p. 63. v. 16. *l. βληχεῖ.* p. 64. v. 10. *l. πῆρ.*
ibid. v. 18. *l. sindones.* p. 65. v. 18. *l. εὐπογωνικόν.* p. 66.
 v. 4. *collendum est punctum quod segnitur vocem,* late-
bras. p. 69. v. 6. *l. φθοροπιόν.* p. 72. v. 15. *l. βέλπον.* *ibid.*
 v. 20. *l. oborra.* *ibid.* *l. diarrhoea.* *ibid.* v. 21. *l. iudice.*
 p. 77. v. 17. *l. atrati.* p. 81. v. 4. *l. ἐκρεακτικοῖς.* *ibid.* v. 6.
l. ἀλεξηπείοις. p. 81. v. 17. *l. ἀνπασάσει.* p. 101. v. 10. *l. ale-*
xetertia. p. 117. v. 14. *l. ἰχθῶρ.* p. 125. v. 2. *l. ρουαλχῆς.* p. 136.
 v. 3. *l. putoris.* *ibid.* v. 7. *l. sine.* p. 141. v. 18. *l. petrosi*
 p. 142. v. 14. *l. καπνώδι.* p. 144. v. 2. *l. ἀνεύειαν.* p. 161.
 v. 15. *l. ἀπφ.* p. 172. v. 14. *l. refrigercente.* *ibid.* v. 17.
l. catucho. p. 208. v. 7. *l. ἀνεχῆτιαν.* *ibid.* v. 18. *l. acci-*
dentariâ. p. 209. v. 21. *l. ἀνπασάσει.* p. 212. v. 9. *l. κρεῖσς.*
 p. 216. v. 3. *l. cæteras.* p. 222. v. 12. *l. cuti.* *ibid.* v. 21.
l. Hippocrate. p. 244. v. 10. *l. plures.* p. 249. v. 13. *l.*
imagines. p. 250. v. 1. *l. desipiunt.* *ibid.* v. 3. *l. ἀνπασάσει.*
 p. 251. v. 10. *l. filij,* noxx: ac Hippocratis p. 260. v. 9.
l. εὐφρίπειαν. p. 263. v. 4. *l. ἐρεπκοῦ.* p. 264. v. 3. *l. λουπι-*
δρες. *ibid.* v. 4. *l. scintillarum.* p. 265. v. 3. *l. νοῖς.* p. 281.
 v. 9. *l. reparata.* *ibid.* v. 14. *l. argine.* *l. part.* 12. f. 6. *l. 6.*
l. neruis. p. 286. v. 19. *in* *l. 1.* *l. 1.* Edid. p. 289. v. 6. *l.*
 Epid. *ibid.* *l. ægrot.* 7. f.














36

2.

